

Bosna i Hercegovina  
Federacija Bosne i Hercegovine  
TUZLANSKI KANTON  
MINISTARSTVO UNUTRAŠNJIH POSLOVA  
T U Z L A

# **IZVJEŠTAJ O RADU**

**MINISTARSTVA UNUTRAŠNJIH POSLOVA  
TUZLANSKOG KANTONA**

za 2010. godinu

Tuzla, januar 2011. godine

# IZVJEŠTAJ O RADU

## MINISTARSTVA UNUTRAŠNJIH POSLOVA

### TUZLANSKOG KANTONA

za 2010. godinu

## U V O D

Izveštaj o radu Ministarstva unutrašnjih poslova Tuzlanskog kantona za 2010. godinu obuhvata relevantne pokazatelje po pojedinim sigurnosnim oblastima iz djelokruga unutrašnjih poslova Tuzlanskog kantona kao i mjere i aktivnosti koje su preduzimale organizacione jedinice ovog Ministarstva u cilju realizacije planiranih ali i drugih poslova i zadataka u 2010. godini.

Poslovi i zadaci iz nadležnosti i djelokruga rada Ministarstva unutrašnjih poslova izvršavani su u skladu sa Zakonom, zaključcima i odlukama Skupštine i Vlade Tuzlanskog Kantona. Nastojalo se kroz što potpuniju implementaciju međunarodnih policijskih standarda u oblasti sprovođenja zakona, poštivanja ljudskih prava i dostojanstva svakog građanina, ostvariti što viši nivo ukupne sigurnosti građana na području ovog Kantona.

Poslovi iz nadležnosti Ministarstva unutrašnjih poslova Tuzlanskog kantona vrše se u okviru slijedećih osnovnih organizacionih jedinica:

1. Kabinet ministra,
2. Uprava policije,
3. Uprava administracije i podrške,
4. Inspektorat za zaštitu od požara

## 1. KABINET MINISTRA

U okviru Kabineta ministra, pored brojnih drugih poslova i zadataka, vrši se praćenje i koordinacija realizacije zadataka u oblasti unutrašnjih poslova koji proističu iz Programa rada Ministarstva, Programa rada Vlade i Skupštine TK-a. U okviru Kabineta ministra organizovali su se poslovi vezani sa obavljanjem funkcije ministra i ostvarivanjem javnosti rada u Ministarstvu, te saradivalo sa službama za informisanje i predstavnicima sredstava javnog informisanja.

U okviru zakonodavne oblasti, Ministarstvo unutrašnjih poslova TK-a je pripremlilo i u skupštinsku proceduru uputilo prijedloge **Zakona o unutrašnjim poslovima Tuzlanskog kantona** i **Zakona o izmjenama i dopunama Zakona o policijskim službenicima Tuzlanskog kantona**, dok je pripremljene aktivnosti na izradi prijedloga **Zakona o sprečavanju nereda na sportskim takmičenjima Tuzlanskog kantona** preuzelo drugo resorno Ministarstvo.

Pored navedenog, nastavljene su aktivnosti na izradi podzakonskih akata kojima se detaljno ustrojavaju zakonom propisane evidencije, kao i pomoćne i prateće evidencije iz djelokruga rada policije Tuzlanskog kantona, a posebno podzakonskih i instruktivnih akata iz oblasti zaštite ličnih podataka i zaštite tajnih podataka u skladu sa zakonima koji regulišu navedene oblasti.

Kada se radi o analitičko-informativnoj oblasti, blagovremeno su urađeni i od strane Vlade i Skupštine TK-a prihvaćeni Izveštaj o radu MUP-a TK za 2009. godinu, Program rada MUP-a TK za 2010. godinu, Informacija o stanju sigurnosti na području TK-a za period januar - mart 2010. godine, Informacija o stanju sigurnosti na području TK-a za period januar - juni 2010. godine, Informacija o stanju sigurnosti na području TK-a za period januar - septembar 2010. godine, i drugi analitičko-informativni materijali.

**Odsjek za odnose s javnošću** ima osnovni zadatak istinitog i blagovremenog informisanja, prvenstveno medija, kao posrednika između institucija i ciljne javnosti, ali i informisanja pojedinaca, pravnih subjekata i fizičkih lica, domaće i inostrane javnosti, odnosno ostvarivanje javnosti rada o aktivnostima Ministarstva, te saraduje sa glavnim i odgovornim urednicima javnih glasila, službama za informisanje i drugim organima u oblasti javnog informisanja, organizuje i stara se o blagovremenoj pripremi podataka, informacija i drugih materijala i učestvuje u njihovoj pripremi za istupanje menadžmenta i ovlaštenih službenika MUP TK-a u javnim glasilima.

Odsjek za odnose s javnošću je nastojao da tokom 2010. godine znatno unaprijedi dosadašnje poslove i zadatke, naročito u pogledu istinitog i blagovremenog informisanja o aktivnostima Ministarstva unutrašnjih poslova, kao i nastavak saradnje sa drugim službama za informisanje i dr. organima u oblasti javnog informisanja, što je rezultiralo da javnost postane aktivni sudionik u rješavanju relevantnih sigurnosnih pitanja s orijentacijom na prevenciju i sprečavanja svih oblika kriminala.

Svakodnevnim telefonskim i neposrednih kontaktima sa novinarima, kako sa područja TK tako i sa područja cijele BiH, građanima omogućava uvid u rad ovog Ministarstva, sa posebnim akcentom na oblasti koje su od interesa za građane i aktualne bezbjedonosne događaje Odsjek prima stranke i ustupa pomoć, iz svog domena, potrebnim informacijama i savjetima (u navedenom vremenskom periodu održano je **150 sastanaka sa strankama**). Tokom 2010. godine za televizijske kuće dato je **250 izjava** uključujući i gostovanja u TV emisijama, **oko 220 izjava** i gostovanja za radio stanice i **oko 1100 izjava** za printane medije. Kada su u pitanju kontakti sa novinarima pisanih medija, za dnevne listove upućeno je **oko 180 informacija** o aktualnim događajima i interesantnim temama. Pored naprijed navedenih kontakata sa medijima, Odsjek je, također, uputio i **30 pisanih saopštenja** za javnost, kao i **preko 100 ostalih** protokolarnih dopisa.

Odsjek za odnose s javnošću je u posmatranom vremenskom periodu održao i **4 PRESS konferencije**, koje su bile izuzetno posjećene od strane medija, čime smo postigli željeni efekat tj. upoznali smo širu javnost sa aktivnostima koje MUP poduzima u zaštiti građana. Značajno je istaći i da je u navedenom periodu na web stranicu MUP-a TK-a postavljeno **oko 700** raznih vrsta **obavještenja i informacija**, **oko 150 elektronskih komunikacija (e-mail)**, **400 ažuriranja** web site MUP TK (press informacija, poziva, saopštenja i slika skenirane i prilagođene za upload za web site), **oko stotinu tehničkih i sličnih aktivnosti** (snimanje video i audio zapisa, montaža, obrada fotografija, kao i izrada CD i DVD, video prezentacija, kao i uredno vođenje administracije cijelog Odsjeka). Odsjek za odnose s javnošću je samostalno odradio **oko 30 TV priloga**, koji su dostavljeni TV kućama. Održavani su kontinuirani termini za javne istupe, prilikom aktuelnih događaja i tematskih sadržaja, kao što su gostovanja na radio Tuzli, radio i televiziji TK-a, Tuzlanskoj televiziji, Radio Kameleonu, Vesta radiju, radiju Federacije, radiju Srebrenik i sl. Obaveza Odsjeka bila je i svakodnevno praćenje sredstava informisanja, a posebno tekstova u "print" medijima, te izrada press clippinga za potrebe Ministarstva.

Značajno je istaći da je Odsjek nastavio realizaciju aktivnosti kroz niz projekata i to:

- Redizajniranje internet stranice (web portala) MUP TK-a;
- Izrada Instrukcije o postupanju policijskih službenika Operativnog centra, Uprave policije MUP-a TK pri informisanju javnosti putem medija;
- Rješavanje pitanja "Maloljetničke delinkvencije";
- Implementacija "Strategije u borbi protiv narkotičkih sredstava na nivou TK",
- Aktivno učešće u realizaciji državnih kampanja "Vaša policija - 122" (u mjesecu novembru 2010. godine izvršena je podjela promotivnog materijala kampanje učenicima osnovnih škola na području Tuzlanskog kantona, a ujedno su i održana prigodna predavanja učenicima od strane stručnog policijskog osoblja MUP TK-a, s ciljem približavanja i povezivanja policije i građana, u ovom slučaju najmlađih generacija našeg Kantona) i "Korupcija ti uzima sve", zajedno s ostalim agencijama za provođenje zakona u BiH, a u saradnji sa Policijskom misijom Evropske unije EUPM-om,
- Učešće na okruglom stolu "Maloljetnička delinkvencija" u organizaciji Biroa za ljudska prava Tuzla,

- Učešće na press konferenciji u organizaciji misije OSCE-a u BiH u Tuzli o temi "Nasilje u porodici i institucionalni mehanizmi zaštite žrtava nasilja na području Tuzlanskog kantona" i na press konferenciji povodom početka edukativne akcije "SPASITE ŽIVOT koristite SIGURNOSNI POJAS"! u organizaciji Službe hitne medicinske pomoći Doma zdravlja Tuzla,
- Realizacija projekta "Turistička sezona" / akcija MUP TK-a "*Sigurnost 2010.*",
- (idejno rješenje i izrada pratećeg promotivnog materijala)
- Aktivna uključenost u realizaciju određenih aktivnosti na nivou Sektora krim. i Sektora uniform. policije, posebno u pogledu suzbijanja i sprečavanja organizovanih oblika kriminala, kao što je autokriminal i sl. (rezultat direktnog angažovanja je bio i doniranje sredstava od strane EUPM-a za štampanje prigodnog materijala na nivou Federacije i Republike Srpske – oko 6 000 KM) (U sklopu tih aktivnosti od strane Odsjeka za odnose s javnošću osmišljene su i napravljene informativne brošure, štampane pod pokroviteljstvom EUPM-a),
  - Portparol Ureda policijskog komesara aktivno je sudjelovao kao predstavnik MUP TK-a u okviru Foruma građana i predstavnika Agencija za provedbu zakona, kojeg je formirala Državna agencija za istrage i zaštitu - SIPA Ured Tuzla,
- Kontinuirana realizacija projekta "Rad policije u zajednici", sa Agencijom za razvoj i saradnju Švicarske – SDC (koordinacija aktivnosti), koja je rezultirala doniranjem značajnih novčanih sredstava za uređenje prijemnih prostorija u MUP TK-a (preko 60.000 KM)
- Realizacija projekta "*Polazne osnove Strategije sigurnosti drumskog saobraćaja FBiH 2008.- 2013. god.*" (aktivnosti na ovom planu detaljno su opisane u mjesečnim izvještajima – tabelama za Akcioni plan dostavljenim Odjeljenju za analitiku MUP TK-a),
- Pripremne aktivnosti i realizacija organizacije u povodu obilježavanja 22. maja - Dana policije,
- Sastanci Foruma i sekretarijata glasnogovornika Agencija za provođenje zakona BiH i EUPM,
- Učešće u izradi magazina "STOP" - FMUP,
- Uspostavljanje funkcionalnog poboljšanja horizontalne komunikacije na nivoima između MUP TK - Policijskih uprava - Policijskih stanica, s ciljem efikasnijeg protoka informacija, koje će definisati komuniciranje uz maksimalno korištenje stručne i profesionalne pomoći Odsjeka za informisanje,
- Adekvatno promovisanje naprijed navedenih projekata.

Pored navedenih, u organizaciji Odsjeka za odnose s javnošću su takođe i neizostavne posjete studenata i učenika srednjih škola našem odsjeku, a sve u cilju potrage za njima potrebnim informacijama. Naime, Odsjek je zajedno sa đacima srednjih i osnovnih škola aktivno sudjelovao u projektu «Civitas» i to na taj način što je za učenike pripremali izjave i podatke koji su im bili potrebni za obrade određenih tema. Navest ćemo samo neke od tema: Nasilje u porodici, Imovinski delikti, Maloljetnička delikvencija, Narkomanija, Kriminalitet, Stanje sigurnosti na području TK-a i sl. Pored učešća u ovom projektu, više studenata različitih fakulteta Univerziteta u Tuzli, Fakulteta Kriminalističkih nauka, obraćalo se za pomoć u realizaciji diplomskih, seminarskih radova i drugih studentskih obaveza.

## 2. UPRAVA POLICIJE

Uprava policije vrši upravne, stručne i druge poslove i zadatke na području Kantona, koji se odnose naročito na: zaštitu života i lične sigurnosti ljudi, zaštitu imovine, sprečavanje i otkrivanje krivičnih djela, pronalaženje i hvatanje počinitelja krivičnih djela i njihovo privođenje nadležnim organima u slučajevima kada to nije u nadležnosti sudske policije, održavanje javnog reda i mira, vršenje kriminalističko-tehničkih poslova, kontrolu i regulisanje saobraćaja na putevima, zaštitu određenih osoba, kontrolu prometa eksplozivnih materija, zapaljivih tečnosti i gasova i pružanje pomoći radi otklanjanja posljedica u slučaju opasnosti prouzrokovane elementarnim nepogodama i epidemijama.

Uprava policije sastoji se od:

**Ureda policijskog komesara,  
Sektora uniformisane policije,  
Sektora kriminalističke policije,  
Policijskih uprava.**

### **URED POLICIJSKOG KOMESARA**

Ured policijskog komesara neposredno pomaže policijskom komesaru u izvršavanju poslova iz njegove nadležnosti propisane kantonalnim Zakonom o unutrašnjim poslovima TK-a i Zakonom o policijskim službenicima TK-a. Ured policijskog komesara sastoji se od: Odsjeka za odnose sa javnošću, Sektora za informatiku, telekomunikacije i analitiku (Odjeljenje za telekomunikacije, Odjeljenje za informatiku i Odjeljenje za analitiku i planiranje) i Jedinice za profesionalne standarde.

Menadžment Uprave policije je tokom izvještajnog perioda kontinuirano održavao radno-konsultativne sastanke i proširene kolegije ministra i policijskog komesara, kojima su prisustvovali načelnici policijskih uprava, komandiri policijskih stanica, načelnici OKP-a, Sektora uniformisane policije i Sektora kriminalističke policije.

### **Sektor za informatiku, telekomunikacije i analitiku**

Sektor za informatiku, telekomunikacije i analitiku se sastoji od: Odjeljenje za informatiku, Odjeljenje za telekomunikacije i Odjeljenje za analitiku i planiranje. Ovaj Sektor je u toku 2010. godine, u okviru svoje nadležnosti i djelokruga rada, između ostalih poslova i zadatka, naročitu pažnju usmjerio na unapređenje funkcionisanja i razvoj svih segmenata informacionog i telekomunikacionog sistema, te pružanje stručne tehničke podrške i pomoći svim organizacionim jedinicama Ministarstva. U tom cilju, vršeno je sistemsko planiranje i usmjeravanje nabavke informatičke, telekomunikacione a po potrebi i druge neophodne opreme za korisnike Ministarstva.

U navedenom periodu učinjen je značajan korak na pravnom utemeljenju informaciono-komunikacionog sistema kroz izradu neophodnih pravnih akata koje regulišu uspostavljanje IKS-a, način funkcionisanja, nadležnosti po segmentima rada, dodjela korisničkih prava te pitanja bezbjednosti i zaštite podataka sistema telekomunikacija, kriptozastite, informatike te analitike i planiranja.

Osim redovnih poslova i zadataka Odjeljenja u Sektoru, posebno su bile izražene aktivnosti u sklopu Sporazuma o elektronskoj razmjeni podataka iz evidencija policijskih tijela i tužilaštava, zatim održavanje sistema 'CIPS' baza podataka, održavanje i proširenje SDH telekomunikacione mreže u Kantonu, kao i aktivnosti proizašle iz Odluke o uspostavljanju informatičko-komunikacionog sistema Ministarstva i dr.

Pored navedenog, na nivou Sektora u toku 2010. godine su sprovedene slijedeće aktivnosti:

- Redizajnirana je i puštena u rad web stranica Ministarstva,

- Izvršeno je uvezivanje novih radnih stanica i opreme u postojeću LAN mrežu Ministarstva,
- Implementirana je aplikacija na državnom nivou kao što su SPI, ISM, VOIP,
- Implementirana je aplikacije za kadrovsku evidenciju Ministarstva,
- Ostvareno je aktivno učešće u realizaciji projekta na federalnom nivou a odnosi se na modernizaciju depešnog saobraćaja i kriptografski obrađenih podataka,
- Aktivno se učestvovalo u realizaciji projekta na državnom nivou „Uspostavljanje Centralnog registra kretanja oružja i vojne opreme”,
- Vršena je nabavka i raspodjela informatičke i telekomunikacione opreme za potrebe Ministarstva,
- Ostvareno je aktivno učešće u realizaciji sistema video nadzora i kontrole pristupa Ministarstva,
- Aktivno se učestvuje u rekonstrukciji ulaza u Ministarstvo te prostorija PS Centar i dr.

Sektor nije u potpunosti kadrovski popunjen te je evidentan veliki broj nepopunjenih radnih mjesta kako sa VSS tako i sa SSS (Inžinjeri u Odjeljenju za informatiku i Odjeljenju za telekomunikacije, analitičari/statističari u Odjeljenju za analitiku i planiranje itd), zbog čega je rješavanju ovog problema potrebno posvetiti odgovarajuću pažnju u narednoj godini.

Potrebno je za Sektor obezbijediti adekvatan radni prostor – još najmanje jednu radnu prostoriju. Imajući u vidu da je vrlo loše stanje voznog parka u Sektoru (po jedno vozilo u Odjeljenju za informatiku i Odjeljenju za telekomunikacije, oba u jedva tehnički zadovoljavajućem stanju), potrebno je za efikasno obavljanje svakodnevnih poslova i zadataka obezbijediti barem jedan službeni automobil za potrebe Sektora. Sektor nije u potpunosti i dovoljnoj mjeri opremljen informatičkom opremom (računari, printeri...), te telekomunikacionom opremom (radio stanice, faxovi...), te sigurno u tom pravcu treba uložiti dodatani napor i izvršiti adekvatno opremanje.

Potrebno je još napomenuti da je u 2010. godini (u decembru mjesecu), organizovana obuka na temu “Zaštitni mrežni uređaji – firewall” koju su uspješno realizovali službenici i namještenici Sektora.

### ***Odjeljenje za informatiku***

Pored poslova i zadataka vezanih za redovno održavanje informatičke i telekomunikacione opreme MUP-a TK, **Odjeljenje za informatiku** je u toku 2010. godine aktivno učestvovalo u implementaciji Projekta biometrijskih pasoša u poštama u lokacijama CIPS-a na nivou Tuzlanskog kantona i Projekta registracije motornih vozila i prelazak na novi sistem registracija na svim lokacijama Tuzlanskog kantona.

U toku godine kontinuirano je vršeno uvezivanju policijskih stanica, odnosno opština (lokacija CIPS-a) u SDH mrežu, čime se značajno uticalo na poboljšanje komunikacijske uvezanosti lokacija CIPS-a i PS MUP-a TK.

Izvršeno usaglašavanje rada i otklonjeni uočeni nedostaci tako da je u svim policijskim stanicama omogućen rad Standardnih policijskih izvještaja (SPI).

Izvršene su neophodne pripreme za puštanje u rad Projekta Potraga za licima na nivou MUP-a TK.

Odjeljenje za informatiku je bilo nosilac aktivnosti na izradi nove web stranice MUP-a TK i ista je stavljena u funkciju. Izvršena je i obuka za rad i ažuriranje Web stranice kao i obuka Operativnog centra za rad na istom.

Izvršeno je uvezivanje PS Gračanica i PS Kladanj u jedinstveni SDH policijski sistem.

Izvršeno je preseljenje informatičke i komunikacione opreme za Odjeljenja administrativnih poslova PS Banovići i PS Kalesija iz prostorija PS Banovići u prostorije pošte Banovići i PS Kalesija iz privatnih prostorija u prostorije pošte Kalesija.

Pored navedenih aktivnosti, službenici i namještenici Odjeljenja za informatiku su aktivno učestvovali u osposobljavanju još jedne kabine za akviziciju u radu referata putnih isprava na lokaciji u pošti Tuzla - Odjeljenja za administrativne poslove PU Tuzla.

Izvršeno je povezivanje referenta za oružje PS Kalesija i OKP PS Kalesija u informacijski sistem MUP-a TK.

Predstavnici ovog Odjeljenja su aktivno učestvovali na realizaciji i implementaciji Projekta aplikacije potraga za oružjem, dokumentima i tablicama na nivou Policijske FBiH. Projekat je stavljen u funkciju do nivoa policijskih stanica.

Izvršeno je povezivanje krim-tehnike na Projektu AFIS sa centralnom bazom podataka u Ministarstvu sigurnosti, čime je stvoreno bolje komunikaciono uvezivanje.

Učestvovalo se u implementaciji sistema video nadzora, kontrole izlaza i ulaza putem kartica u zgradi MUP TK.

Radilo se na dokumentovanju video nadzora za potrebe krim policije razbojništava u bankama i krađama motornih vozila - PS Gradačac, Lukavac, Kladanj, Srebrenik, Teočak i PS Tuzla.

Odjeljenje radi na implementaciji i modifikaciji Projekata od strane IDDEEA, nove AKVIZICIJE na biometrijskim pasošima, potpisu i kontroli pristupa svim aplikacijama građanskih stanja od strane referentata na unosu.

Predstavnici ovog Odjeljenja aktivno su uključeni u realizaciji Projekta aplikacije Policijskih krim evidencija, što uključuje kako Projekte vođene od strane FMUP-a tako i Projekte donirane od strane Ministarstva sigurnosti BiH.

### ***Odjeljenje za telekomunikacije***

Telekomunikacijski sistem MUP-a TK-a sastoji se od sistema: telefonskih veza, radijskih veza i sisteme za prenos podataka.

U okviru sistema **telefonskih veza** u 2010. godini izvršena je instalacija direktnih telefonskih linija u PS Centar Tuzla i odjeljenjima za administraciju u: Tuzli, Lukavcu, Gračanici, Srebreniku, Teočaku, Gradačcu i Doboj Istoku; preseljenje jedne direktne telefonske linije u sjedištu Ministarstva, instaliranje 4 nova lokala (2 u sjedištu Ministarstva, jedan u PS Istok Tuzla i jedan u PS Živinice). Izvršeno je reprogramiranje ČATC Panasonic 12/32 u PU/PS: Lukavac, Gradačac i Živinice, popravljene su ČATC Panasonic 6/16 u PS: Banovići, Istok i Zapad, kao i popravke posredničkih aparata u PS: Banovići i PS Živinice. Izvršena je popravka ČATC Panasonic 12/32 iz PU/PS Lukavca a zatim montaža iste u PU/PS Kalesija uz izradu kompletne unutarnje telefonske instalacije na spratu zgrade za proširenje broja lokala sa 16 na 32 lokala. U PU/PS Lukavac je izvršena montaža donirane ČATC Panasonic 12/32, sa proširenjem broja lokala sa 24 na 32 lokala (puni kapacitet).

Pored navedenog, izvršeno je preseljenje poprečne veze za telefonsku komunikaciju CIPS-a u PS Banovići i PS Gračanica, instalirana su tri multifunkcijska uređaja (printer, scanner i telefax) u sjedištu Ministarstva, izvršeno preseljenje dežurne službe PS Zapad u drugu prostoriju, izvršena je zamjena KATC 6/16 u PS Banovići sa istom KATC, dobivenoj donacijom FMUP-a, izvršena je zamjena instalacije od razdjelnika do centrale u PS Banovićima, popravljeno je 7 telefaks uređaja i 65 automatskih telefonskih aparata.

Potrebno je još napomenuti da su realizovane sve planirane aktivnosti vezane za akcije „Srebrenica 2010“ i „Izbori 2010“.

U sistemu **radijskih veza** intervinirano je na 6 emisionih tačaka: Vijenac, Humke, Ilinčica, Ošćenac, Konjuh, Grič. Za potrebe PS Gračanica postavljen je VHF repeter sa antenom i koaksialnim kablom tako da je područje koje pokriva ova policijska stanica znatno bolje pokriveno nego ranije a izvršen je prelaz sa dotadašnjeg UHF sistema na novi VHF sistem.

Popravljen je 61 UKV RU Motorola GP 360, 112 UKV RU Motorola Radius GP 300, 34 UKV RU Motorola SPECTRA, Instalirana su u vozila 4 UKV RU Motorola SPECTRA, 8 UKV RU Motorola GM 360, 2 Grupna punjača baterija Motorola za UKV RU Motorola GP 360, 3 ispravljača za stacionarni UKV RU i dr.

Za potrebe funkcionisanja **SDH mreže**, Odjeljenje za telekomunikacije je bilo angažovano na resetiranju telekomunikacijske opreme u određenim pristupnim tačkama.

U Gračanici, na objekat PS Gračanica, uposlenici tvrtke UNIS Linkovi iz Mostara, postavili su mikrovalni transiver (pristupna mreža), te je tako ovaj objekat praktično prvi objekat MUP-a TK-a uvezan u SDH mrežu. Za proširenje SDH mreže, dostavljeni su temeljni tehnički podaci za sve lokacije potrebni za uvezivanje tih lokacija u SDH mrežu. Na relejnom objektu u općini Kladanj aktivirana je pristupna tačka za SDH mrežu ali zbog loše komunikacije u pristupnoj mreži nije trajno puštena u rad.

U sistemu **kriptozaštite** za navedeni period ostvaren je prenos kriptovanih poruka preko SDH mreža između Federalnog ministarstva unutarnjih poslova i svih kantonalnih ministarstava unutarnjih poslova. U 2010. godini Odjeljenje za telekomunikacije u sjedištu je predalo: FMUP-u 2.334 depeše, KMUP-ovima, SIPA-i i policiji Brčko Distrikta BiH 4.040 depeša, unutar MUP-a TK-a 7.202 depeše, dok broj predatih cirkularnih depeša iznosi 5.154. Istovremeno je primljeno od: FMUP-a 5.147 cirkularnih depeša i 1.334 depeša po pravcu, KMUP-ova i SIPA-e 3.435 depeša. Ukupan broj primljenih i predatih depeša iznosi 183.102 depeše od čega je 107.639 dolaznih depeša i 75.463 odlaznih depeša. Ukupno su primljene i predate 29.553 poruke putem telefaksa. Broj spojenih telefonskih poziva za ovaj period u sjedištu iznosi 8.634 poziva.

### ***Odjeljenje za analitiku i planiranje***

**Odjeljenje za analitiku i planiranje MUP-a TK** je u toku 2010. godine bilo angažovano na poslovima i zadacima iz analitičko-informativne oblasti, realizaciji strateških i drugih programa i projekata, realizaciji akcionih planova, saradnji sa drugima, aktivnostima na unapređenju stanja sigurnosti, aktivnostima na unapređenju informacionog i telekomunikacionog sistema, unapređenju sistema informisanja i analitičko-informativnog rada i drugim poslovima. S tim u vezi, posebno ističemo realizaciju slijedećih programskih ciljeva za 2010. godinu:

U toku godine odvijale su se aktivnosti na izradi prijedloga podzakonskih i instruktivnih akata kojima se detaljno ustrojavaju zakonom propisane evidencije, kao i pomoćne i prateće evidencije iz djelokruga rada policije Tuzlanskog kantona, kao i podzakonskih i instruktivnih akata iz oblasti zaštite ličnih podataka, zaštite tajnih podataka, tehničkih i fizičkih mjera zaštite od nezakonitog pristupa podacima u skladu sa zakonima koji regulišu navedene oblasti. Ove aktivnosti su se odvijale kroz aktivno učešće u radu radne grupe na nivou MUP-a TK, radne grupe na nivou FMUP-a i kroz saradnju sa organizacionim jedinicama MUP-a TK, posebno sa Jedinicom za profesionalne standarde.

Odjeljenje je aktivno učestvovalo i dalo značajan doprinos u izradi Odluke o uspostavljanju jedinstvenog informaciono-komunikacionog sistema MUP-a TK i Programa mjera i aktivnosti na povećanju efikasnosti, profesionalnosti i odgovornosti u radu Ministarstva unutrašnjih poslova Tuzlanskog kantona.

U izvještajnom periodu blagovremeno su sačinjeni svi planirani analitičko-informativni materijali i dostavljeni nadležnim subjektima, kao što su:

- Izvještaj o radu MUP-a TK za 2009. godinu,
- Mjesečne (12) i periodične Informacije o stanju sigurnosti na području Tuzlanskog kantona (period januar - mart 2010.; januar – juni 2010.; januar – septembar 2010.; septembar – novembar 2010.; januar – decembar 2010.)
- Mjesečni Izvještaji o aktivnostima na sprovođenju Akcionog plana po saobraćaju dostavljeni FMUP-u;
- Mjesečni, periodični i zbirni statistički Izvještaji iz djelokruga MUP-a TK;
- Statistički izvještaj o registrovanim vozilima u 2009. godini po općinama Tuzlanskog kantona dostavljen u skladu sa Programom statističkih istraživanja Federalnog Zavoda za statistiku;
- Statistički izvještaj o saobraćajnim nezgodama na putevima Tuzlanskog kantona u 2009. godini po općinama Tuzlanskog kantona dostavljen u skladu sa Programom statističkih istraživanja Federalnog Zavoda za statistiku;

- Sačinjena je radna verzija Programa rada MUP-a TK za 2011. godinu;
- Sačinjeni su i blagovremeno dostavljeni prijedlozi za Program rada Skupštine i Vlade Tuzlanskog kantona u 2011. godini iz djelokruga unutrašnjih poslova.

Nastavljene su aktivnosti na realizaciji Akcionog plana za provedbu mjera iz dokumenta "Polazne osnove strategije sigurnosti drumskog saobraćaja 2008-2013." Tuzlanskog kantona;

Nastavljene su aktivnosti na realizaciji Projekta uspostavljanja jedinstvene baze podataka o saobraćajnim nezgodama na području FBiH, sa posebnim akcentom na upotrebu ove baze za analitičke potrebe (analiziranje saobraćajnih nezgoda); U saradnji sa predstavnicima nadležne organizacione jedinice FMUP-a preduzete su određene aktivnosti na otklanjanju uočenih nedostataka u funkcionisanju baze podataka kao i prilagođavanje baze podataka analitičkim potrebama ovog Ministarstva.

Odjeljenje je kontinuirano pratilo i analiziralo stanje sigurnosti na području Tuzlanskog kantona, kako na makro tako i na mikro nivou, i u tom smislu vršilo izradu određenih analitičkih materijala (tabelarnih i grafičkih pregleda, analiza, procjena, informacija i sl.) kojima se menadžmentu Uprave policije i organizacionim jedinicama nastojala skrenuti pažnja na uočene negativne trendove po pojedinim oblastima i na određenom prostoru, te uticati na preduzimanje preventivnih i represivnih mjera u cilju suzbijanja negativnih pojava i sprečavanja njihovog daljeg širenja na području Tuzlanskog kantona.

Radilo se na unapređenju svih vidova saradnje i koordinacije u oblasti statističkog i drugog izvještavanja između kantonalnih MUP-ova i FMUP-a, Ministarstva sigurnosti BiH, Visokog sudskog i tužilačkog vijeća, tužilaštava i dr.

Nastavljene su aktivnosti pružanja pomoći učenicima, studentima i pripadnicima MUP-a TK prilikom izrade stručnih, seminarских, diplomskih, magistarskih i drugih radova. Potrebno je napomenuti da ove aktivnosti oduzimaju sve više radnog vremena i zahtijevaju dodatni angažman službenika i namještenika Odjeljenja za analitiku i planiranje.

Pored navedenih, u toku izvještajnog perioda obavljali su se i drugi poslovi i aktivnosti iz djelokruga Ministarstva, od kojih je potrebno istaći aktivno učešće u radu radne grupe Vlade TK-a za izradu Prijedloga Programa prevencije u suzbijanju kršenja ljudskih prava TK-a, utvrđivanje Liste kategorija registraturnog materijala i dr.

### **Jedinica za profesionalne standarde**

**Jedinica za profesionalne standarde** prati i vrši kontrolu zakonitosti u radu službenika Policije u vezi sa zloupotrebama službenog položaja, prekoračenja službenih ovlaštenja i eventualne umiješanosti u kriminalne aktivnosti; provodi istrage i unutrašnje postupke radi sprečavanja i otkrivanja počinitelaca nezakonitih radnji i obavještava Javnog tužioca i podnosi izvještaj o prikupljenim dokazima za pripadnike Policije za koje postoje osnovi sumnje da su počinili krivično djelo i postupa po zahtjevima Javnog tužioca; predlaže mjere i radnje kao rezultate sprovedenih unutrašnjih postupaka i ispitivanja tačnosti navoda iz predstavki i žalbi građana u vezi postupanja pripadnika policije MUP-a TK.

Pored navedenih poslova i zadataka, koji se odnose na predstavke i žalbe građana, ova Jedinica vrši i inspekcije organizacionih jedinica, pojedinaca i kontrolu obavljanja dužnosti policajaca na terenu; predlaže aktivnosti u cilju otkrivanja i sprečavanja nepravilnosti u radu; radi na otkrivanju neusklađenosti pravilnika, instrukcija, internih naredbi, uputstva i drugih akata koje je donijela Uprava policija sa važećim zakonima i podzakonskim aktima.

U okviru Jedinice za profesionalne standarde provode se ispitni postupci i unutrašnje istrage utvrđivanja pravilnosti i zakonitosti upotrebe sredstava prinude (sile) radi donošenja ocjene legitimnosti upotrijebljene sile, te podnosi i zastupa disciplinske zahtjeve u postupcima pred Disciplinskom komisijom, i druge poslove i zadatke iz svoje nadležnosti.

**Javno žalbeni biro**, kao tijelo osnovano od strane Skupštine TK-a, ima zadatak i ulogu praćenja svih predstavki i žalbi podnesenih od strane građana, pripadnika MUP-a TK, EUPM-a kao i anonimnih predstavki i žalbi koje se odnose na rad i postupanje službenika MUP-a TK. To prije svega podrazumijeva praćenje realizacije istraga koje provodi Jedinica za profesionalne standarde, uključujući i ponovne istrage u slučaju da Biro nije zadovoljan sa provedenom

istragom Jedinice za profesionalne standarde, kao i nadgledanje sistema neformalnog razrješenja po predstavi (žalbi) građana, te nadgledanje sankcija izrečenih od strane Prvostepene i Drugostepene disciplinske komisije i drugih pitanja iz ove oblasti.

Tokom 2010.g. Javni žalbeni biro je od strane građana **zaprimio 258 predstavki** od čega je Jedinica za profesionalne standarde **preuzela 197. Od strane pripadnika MUP-a podneseno je 106 predstavki** od čega je Jedinica za prof. standarde preuzela u rad 74; dok je **broj zaprimljenih anonimnih predstavki 31** od čega su 24 preuzete u rad Jedinice za prof. standarde.

**Jedinica za profesionalne standarde** je, uključujući i predstave prosljeđene od strane Javno-žalbenog biroa, zaprimila ukupno **382 žalbe** na rad policijskih službenika MUP-a TK. Od ukupnog broja zaprimljenih žalbi do kraja 2010. godine **riješeno je 350 predmeta**, dok je 31 predmet još uvijek u radu.

Od ukupnog broja okončanih istraga **36 žalbi je ocijenjeno kao «OSNOVANA», 128 žalbi je ocijenjeno kao «NEOSNOVANE», 53 žalbe je bilo «BEZ DOVOLJNO DOKAZA»,** u 28 slučajeva policijski službenici su «OSLOBOĐENI ODGOVORNOSTI», neformalno je završen 1 predmet, 19 žalbi je ustupljeno u nadležnost drugih organizacionih jedinica, dok je u 85 slučajeva Javno žalbeni biro odobrio nesprovođenje unutrašnje istrage, u 1 slučaju neme osnova za pokretanje disciplinskog postupka i u jednom slučaju je nastupila apsolutna zastara.

Od ukupnog broja predstavki koje su ocijenjene «OSNOVANIM», u 22 slučajeva data je inicijativa za vođenje disciplinskog postupka zbog osnova sumnje, da je počinjena teža povreda službene dužnosti. U 14 slučajeva izrečene su mjere za lakšu povredu službene dužnosti, dok su zbog težine povrede službene dužnosti 2 službenika policije suspendovana do okončanja disciplinskog postupka.

Kantonalnom tužilaštvu Tuzla dostavljena su 3 Izveštaja o učinjenom krivičnom djelu protiv 3 službenika policije zbog postojanja osnovane sumnje, da su počinili krivična djela Krivotvorenja isprave, Posebni slučajevi krivotvorenja isprave i krivično djelo iz Zakona o nabavljanju, držanju i nošenju oružja.

Disciplinske mjere izrečene za teže povrede službene dužnosti su:

- u 1 slučaju novčana kazna od 30% od ukupne plaće u trajanju od 5 mjeseci;
- u 3 slučajeva novčana kazna od 20% od ukupne plaće u trajanju od 4 mjeseca;
- u 1 slučaju novčana kazna od 15% od ukupne mjesečne plaće u trajanju od 2 mjeseca.

**Odjeljenje za inspekcije, reviziju i razvoj načela i procedura**, kao sastavni dio Jedinice za profesionalne standarde u 2010. godini je u okviru svojih zakonskih ovlaštenja, preduzimalo aktivnosti u pogledu inspekcije, nadzora, revizije i razvoja načela i procedura. U vezi s tim, sačinjavani su Izveštaji i predlagane mjere u cilju poboljšanja i otklanjanja uočenih nepravilnosti u radu.

Inspekcije rada u organizacionim jedinicama u Upravi policije Ministarstva izvršene su kroz: **jedan (1) redovni inspeksijski nadzor; 41 inspeksijski rad na terenu za vrijeme službe koje su imale zadatak uvida** u način obavljanja službe policijskih službenika na terenu u skladu sa nalogom za službu, operativnim planom i instruktivnim depešama. Shodno planiranim aktivnostima u pogledu inspeksijskog nadzora, navedi jedan redovni nadzor obavljen je u PU Tuzla, PU Kalesija, PU Živinice, PU Lukavac, PU Gradačac kao i u organizacionim jedinicama MUP-a TK u sjedištu.

Obavljena 41 inspekcija rada na terenu zasnivala se na uvidu u način obavljanja službe policijskih službenika na terenu, vršene su samostalno i u saradnji sa Odjeljenjem za kordinaciju i usmjeravanje MUP-a TK. Povod za obavljanje ove vrste inspekcije uglavnom su bile zavedene akcije po različitoj bezbjedonosnoj problematici u različitim vremenskim periodima koji svojim karakteristikama zahtjevaju povećanu aktivnost i angažovanost policijskih službenika. O izvršenim inspekcijama redovno su sačinjavani izvještaji i nalagane mjere radi otklanjanja uočenih nepravilnosti u radu.

Ovaj period karakteriše se izradom Odluke o listi radnih mjesta koji su predmet sigurnosnih provjera u cilju Zakona u zaštiti tajnih podataka. U tom smislu policijski službenici MUP-a TK pristupili su popunjavanju sigurnosnih upitnika kako bi se izvršile sigurnosne provjere

za pristup tajnim podacima određenog stepena tajnosti. Pored toga Jedinica za prof.standarde MUP-a TK svim org. jedinicama dostavila je prečišćeni tekst Zakona o zaštiti tajnih podataka u cilju upoznavanja svih policijskih službenika sa navedenim Zakonom kako bi se isti mogao u cijelosti implementirati.

Na osnovu proisteklih obaveza iz inspekcijskog nadzora Agencije za zaštitu ličnih podataka BiH, službenici Ovog Odjeljenja uzeli su aktivno učešće na izradi:

1. Pravilnika o obradi i zaštiti ličnih podataka u MUP-a TK;
2. Plana sigurnosti ličnih podataka u MUP-a TK;
3. Instrukcije o vršenju inspekcijskog nadzora u MUP-a TK;
4. Instrukcije o načinu obrade ličnih podataka u MUP-a TK.

U 2010. godini u okviru aktivnosti sprovedenih postupaka i utvrđivanja zakonitosti u pravilnosti upotrebe sredstava prinude, ovo Odjeljenje je **provelo 62 ispitna postupka o pravilnosti i zakonitosti upotrebe sile**, dok je u toku jedan ispitni postupak. U svih 62 slučaja **ocijenjeno je da je sila upotrijebljena na način propisan Zakonom o policijskim službenicima TK-a i Pravilnikom o upotrebi sile.**

## **SEKTOR UNIFORMISANE POLICIJE**

Sektor uniformisane policije MUP-a TK organizuje i neposredno vrši poslove i zadatke: zaštite života, lične i imovinske sigurnosti građana; onemogućava svako narušavanje ljudskih prava i sloboda, a posebno preventivnim i operativnim radom osigurava punu ličnu i imovinsku zaštitu svakog građanina. Ostvaruje saradnju i pruža odgovarajuću pomoć institucijama koje se bave problemom ljudskih prava.

U okviru Sektora uniformisane policije vrši se praćenje, usmjeravanje i usklađivanje rada policijskih uprava i policijskih stanica na području Ministarstva za vršenje poslova policije, kao i pružanje stručne pomoći policijskim upravama i policijskim stanicama, istovremeno vršeći nadzor nad njihovim radom.

Službenici ovog Sektora rade na poslovima i zadacima sprečavanja izvršenja krivičnih djela i hvatanja njihovih izvršilaca, sprečavanje narušavanja javnog reda i mira kao i poslove sigurnosti saobraćaja. Sektor organizuje poslove zaštite od terorističkog nasilnog djelovanja, odnosno oružane pobune, osiguranja određenih ličnosti u skladu sa zakonom i odlukama Vlade, te učestvuje u obezbjeđenju značajnih manifestacija, kulturnih i sportskih događaja, kao i niz drugih poslova iz nadležnosti policije.

U sastavu Sektora uniformisane policije funkcionišu: Odjeljenje za koordinaciju i usmjeravanje, Odjeljenje za edukaciju, Jedinica policije za podršku i Operativni centar MUP-a TK.

### ***Odjeljenje za koordinaciju i usmjeravanje***

Prioritet djelovanja Odjeljenja u izvještajnom periodu, bio je na podizanju nivoa odgovornosti i odnosa prema službi svih policijskih službenika i podizanja nivoa profesionalnog odnosa u obavljanju policijskih poslova.

U izvještajnom periodu Odjeljenje za koordinaciju i usmjeravanje svoju aktivnost usmjerilo je na vršenje nadzora i kontrolnih službi nad radom policijskog sastava, pri tome vodeći računa o aktuelnom bezbjedonosnom stanju, suzbijanju kriminaliteta (posebno autokriminala), sprovođenje strategije kontrole učesnika u saobraćaju, sprovođenje zavedenih akcija, obezbjeđenja javnih skupova, "Srebrenica 2010" i obilježavanje egzodusa građana srpske nacionalnosti iz Vožuće do Lukavca, zatim aktivno praćenje poduzimanja mjera i radnji od strane policijskih stanica po pitanju aktuelnih događaja, kao što je nelegalna prodaja i upotreba pirotehničkih sredstava, nadolazeći vjerski praznici i dr.

Iz Uprave za administraciju i podršku MUP TK-a, izvršeno je vraćanje poslova inspekcijskog nadzora nad agencijama i unutrašnjim službama za zaštitu imovine i lica, shodno Izmjenama i dopunama Pravilnika o unutrašnjoj organizaciji i sistematizaciji MUP TK-a, čime se povećao obim poslova ovog Odjeljenja, i čija realizacija nije i neće dolaziti u pitanje.

Službenici Odjeljenja za koordinaciju i usmjeravanje su težišno bili angažovani na vršenju instruktivnih nadzora i pružanju stručne pomoći organizacionim jedinicama Sektora uniformisane policije, kontrolnim službama, obilascima policijskih stanica tokom izvođenja operativnih akcija s ciljem prevazilaženja problema koje se javljaju u oblasti JRM, kriminaliteta i saobraćaja.

Posebno treba naglasiti instruktivni nadzor kojim su obuhvaćene sve PS, prema posebnom planu, sa težištem da se eliminišu slabosti u sistemu rukovođenja i upravljanja policijom, te postupanja policije po prijavama događaja, izradi odgovarajuće dokumentacije i zakonsko procesuiranje osoba koje krše Zakon.

U izvještajnom periodu redovno su vršene kontrolne službe nad radom policije, što je podrazmijevalo kontrolu rada policije u toku dana, kao i u noćnim satima. Kontrolna služba bila je usmjerena na rad policijskih službenika na terenu, zatim na rad rukovodioca smjena, te neposredni razgovori sa komandirima policijskih stanica na temu izvršavanja zavedenih akcija i redovnih policijskih poslova odnosno poduzimanja mjera i radnji na unaprijeđenju stanja imovinske i opće sigurnosti. Kontrolnom službom obuhvaćene su sve policijske stanice, s tim da je kontrolna služba kod svih policijskih stanica izvršena u više navrata.

Kad je u pitanju kriminalitet, po osnovu Plana vršenja instruktivnih nadzora nad radom policijskih stanica, izvršen je uvid u rad Odsjeka kriminalističke policije koji djeluju pri Policijskim stanicama i tom prilikom sagledano je stanje kriminaliteta, te postupanja po konkretnim prijavama i vođenje propisanih evidencija od knjige lišenja slobode i dalje. Vršenjem instruktivnog nadzora direktno i neposredno su date određene smjernice za budući rad i otklanjanje uočenih nepravilnosti, a što je konstatovano i u zapisniku o izvršenom instruktivnom nadzoru. Takođe, u izvještajnom periodu posebna pažnja je bila usmjerena na preduzimanje službenih radnji i aktivnosti policije po aktuelnim sigurnosnim događajima iz oblasti kriminaliteta, a posebno kad su u pitanju teška krivična djela, te oblast auto kriminala i krivična djela usmjerena protiv života i tijela. Pored navedenog, u više navrata po konkretnim događajima je izvršena provjera i nadzor postupanja policijskog sastava, kao npr. krivično djelo ubistva koje se desilo u noći 31.12.2010./01.01.2011. godine u mjestu Brlošci, općina Kladanj, kao i drugi ovakvi i slični slučajevi koji su se dogodili u izvještajnom periodu.

U određenim slučajevima poduzete su i konkretne radnje kao što je dostavljene informacije Skupštini Tuzlanskog kantona, Komisiji za borbu protiv korupcije, na okolnosti rezultata izvršenih provjera po navodima iz anonimne predstavke u kojoj je navedena nelegalna eksploatacija uglja na površinskom kopu „Šićki Brod“, općina Tuzla.

Kada su u pitanju krivična djela iz oblasti nelegalnog lova i krivolova, prema Federalnoj upravi policije Sarajevo, dostavljena je informacija na okolnosti dostavljenog zahtjeva Udruženja građana lovaca, lovačkog društva „Podozren“-Devetak, a koji se odnosi na nerješavanje zahtjeva za dodjelu lovišta na gospodarenje.

Odjeljenje je neposredno bilo angažovano na kontroli sprovođenja zavedene akcije "Brzina" koja je bila na lokalnom nivou, kao i zavedene akcije pod nazivom "Škoda", koje se odnose na sprečavanje pojave "autokriminala". U skladu s tim, izvršen je nadzor nad sprovođenjem operativnog plana, pod nazivom „Brzina“, od 07.10.2010.godine, koji se odnosi na pojačane mjere i aktivnosti na poslovima sprečavanja otuđenja i hvatanja izvršilaca krivičnih djela otuđenja motornih vozila na području Tuzlanskog kantona. S tim u vezi, Odjeljenje je u vremenskom periodu od 08.10.2010.godine do 08.11.2010.godine, na terenu izvršilo kontrolu rada službenika policije policijskih uprava i policijskih stanica Uprave policije MUP TK-a. Nadzorom, odnosno kontrolnom službom, obuhvaćene su sve policijske uprave i ista je vršena kako u redovnom radnom vremenu, tako i u noćnim satima i u danima vikenda. Uvidom na terenu kao i neposrednim opažanjem provođenja naloženih aktivnosti utvrđeno je, da su sve organizacione jedinice PU/PS, shodno Operativnom planu o zavođenju akcije, sačinile svoje operativne planove kao i anekse operativnih planova pojačanih aktivnosti, po kojima su i postupali.

Izvršena je analiza i procjena sigurnosti u saobraćaju na području TK u 2010. godini kao i pregled postupanja policijskih stanica u odnosu na broj izdatih prekršajnih naloga sa akcentom na vrstu i strukturu prekršajnih naloga (prekoračenje brzine, vožnja pod uticajem alkohola, vožnja pod izrečenom zaštitnom mjerom, vožnja bez pojasa, korištenje mobitela za vrijeme vožnje i tehničke neispravnosti). Shodno navedenom konstatovano je da je planski i

sistematičan rad policije kao i dosljedno sprovođenje akcionog plana za provođenje mjera iz dokumenta "Polazne osnove strategije sigurnosti drumskog saobraćaja 2008-2013 tuzlanskog kantona" uticalo na povećanje stepena sigurnosti učesnika u saobraćaju u 2010. godini u odnosu na 2009. godinu, odnosno došlo je do smanjenja posljedica saobraćajnih nezgoda, smanjena broja poginulih, teže i lakše povrijeđenih lica. Data je instrukcija u vezi uručjenja prekršajnih naloga na licu mjesta počinjenog prekršaja, odnosno predloženo je da se prekršajni nalozi izdaju na licu mjesta počinjenog prekršaja u svim mogućim, zakonom predviđenim situacijama, što bi direktno uticalo na smanjenje troškova poštarine, vremenu trajanja prekršajnog postupka i smanjenju prostora za eventualne zloupotrebe.

Kontinuirano su preduzimate mjere i aktivnosti u cilju potpunog i efikasnog funkcionisanja sistema elektronske evidencije prekršajnih naloga, u okviru čega su, između ostalog, ovlaštenim službenim licima davane instrukcije, upute i objašnjenja.

U 2010. godini je izvršena implementacija Zakona o izmjenama i dopunama Zakona o cestovnom prijevozu Federacije BiH, kojim je članom 79. stav 2. naglašeno slijedeće: "Poslove nadzora nad provođenjem odredbi ovog Zakona koji se odnosi na taksi prijevoz vrše i policijski službenici koji vrše nadzor nad sigurnosti cestovnog prometa". S tim u vezi, preduzete su sve potrebne mjere i radnje u cilju implementacije odredbi navedenog Zakona u okviru čega je preduzeto slijedeće:

- Pripremljena potrebna dokumentacija i informativni materijal,
- Održani radno-konsultativni sastanci sa Kantonalnom upravom za inspeksijske poslove Tuzanskog kantona,
- Održano predavanje komandirima i inspektorima za saobraćaj policijskih stanica na temu nadležnost, uloga i obaveze policije shodno navedenom Zakonu.
- Instruktivnom depešom broj:08-02/2-1-34/10 od 19.03.2010.godine date jasne upute policiji o radu i načinu postupanja prilikom kontrole taksi prijevoznika u saobraćaju. Naloženo je i planiranje, organizovanje i izvođenje akcije kontrole poštivanja odredbi Zakona o cestovnom prijevozu F BiH od strane lica koja vrše javni vanlinijski prevoz putnika.
- Održana pres-konferencija putem koje je obaviještena javnost o ulozi i obavezama policije sukladno navedenom Zakonu,
- Vršen nadzor nad sprovođenjem naloženih mjera.

Tokom izvještajnog perioda, postupano je po zahtjevima, dopisima i informacijama institucija, pravnih i fizičkih lica, u okviru čega je urađeno sljedeće:

- Po pitanju udruženja taksista „Kalesija Taksi“ aktom od 05.04.2010. godine dostavljen je odgovor u vezi njihovog dopisa u kojem se, između ostalog, navodi nezakonito i neosnovano postupanje Policijske stanice Kalesija prilikom kontrole taksi prijevoznika, odnosno prilikom primjene Zakona o izmjenama i dopunama Zakona o cestovnom prijevozu Federacije Bosne i Hercegovine.
- Dostavljen odgovor na dopis Ureda za zajedničke poslove Vlade Tuzlanskog kantona u vezi načina zaustavljanja i kontrole učesnika u saobraćaju.
- Rješenjem Ministarstva unutrašnjih poslova TK-a odobreno je organizacionom odboru 30. Auto rally-ja "Brčko-Banovići 2010." održavanje tradicionalnog rellija Brčko-Banovići koji se odvija na putevima i ulicama Tuzlanskog kantona. U okviru navedenog sačinjen je plan saobraćajnog i fizičkog obezbjeđenja auto-rellija "Brčko-Banovići 2010." i preduzete mjere u cilju nesmetanog odvijanja navedene manifestacije.
- Rješenjem Ministarstva unutrašnjih poslova TK-a odobreno je Biciklističkom klubu "Zmaj od Bosne" Tuzla, održavanje XV međunarodne memorijalne biciklističke trke pod nazivom "Tuzla, 25.maj 1995." koji se odvija na putevima i ulicama Tuzlanskog kantona. U okviru navedenog sačinjen je plan saobraćajnog i fizičkog obezbjeđenja XV međunarodne memorijalne biciklističke trke pod nazivom "Tuzla, 25.maj 1995." i preduzete mjere u cilju nesmetanog odvijanja navedene manifestacije:

Kontinuirano je vršena kontrola rada Policijskih stanica u okviru čega su davane instrukcije i upute o načinu rada i postupanju policije prilikom knotrole, regulacije i vršenja uviđaja saobraćajnih nezgoda.

Prema svim organizacionim jedinicama MUP TK-a, koji rade sa bazom Registra novčanih kazni i prekršajne evidencije, dostavljena Instrukcija o postupku ispravljanja grešaka u pisanju ili ostalih očiglednih grešaka pri sačinjavanju i izdavanju prekršajnog naloga.

Svim organizacionim jedinicama je dostavljena Instrukcija o načinu postupanja prilikom vršenja uviđaja saobraćajne nezgode sa manjom materijalnom štetom.

Kontinuirano su poduzimane mjere i aktivnosti u cilju potpunog i efikasnog funkcionisanja sistema elektronske evidencije prekršajnih naloga u okviru čega je riješeno 10 predmeta, a ovlaštenim službenim licima su davane instrukcije, upute i objašnjenja.

U okviru aktivnosti na održavanju stabilnog stanja javnog reda i mira, tokom izvještajnog perioda izvršen je obilazak svih Policijskih stanica na području koje pokriva MUP TK-a, povodom aktuelne sigurnosne situacije. Preduzimate su potrebne mjere i aktivnosti u cilju stvaranja potrebnih preduslova za održavanje sportskih manifestacija sa akcentom na održavanje fudbalskih utakmica. U okviru navedenog vršeno je obezbjeđivanje više fudbalskih utakmica od kojih su dvije proglašene utakmicama visokog rizika.

Praćenje su aktivnosti od strane policijskih stanica po zavedenim projektima, kao što su PIP 5.4 i PIP 5.5, koji se odnosi na pitanje povratka izbjeglih i raseljenih lica.

Policijskim stanicama je naloženo da sagledaju stanje oružja i municije policijskih službenika u pogledu ispravnosti istih i eventualne popune nedostajuće municije, te podataka o opremi i sredstvima zaštite za JRM.

Preduzete su sve neophodne mjere i radnje za nesmetano održavanje štrajkova radnika fabrike „AIDA“, RK „Vijenac“, Željeznica FBiH, koji su bili sa stajališta bezbjednosne problematike interesantni, a zatim i ostali štrajkovi manje bezbjedonosno interesantni.

Službenici ovog Ministarstva su aktivno učestvovali u izradi Uputstva na nivou FMUP-a o djelovanju združenih snaga policije FMUP-a za slučaj većih i masovnijih okupljanja.

Za vrijeme Novogodišnjih praznika, učestvovalo se u sprečavanju upotrebe pirotehničkih sredstava kao i njihovog oduzimanja i uništavanja.

Vršene su mjesečne analize stanja javnog reda i mira na području TK nakon prikupljenih podataka od strane Odjeljenja za analitiku i planiranje, i na osnovu toga upućivane instruktivne depeše i akti u cilju poboljšanja bezbjedonosne situacije po pitanju JRM na području TK.

U toku 2010. godine, vršene su stalne kontrolne službe, bile su usmjerene i na kontrolu sprovođenja najavljenih akcija radarske kontrole učesnika u saobraćaju. Prema PU Lukavac, proslijeđen je zapisnik u kojem je konstatovano da policijska stanica Lukavac, nije sprovela akciju radarske kontrole učesnika u saobraćaju, o čijem izvođenju je obaviješten Sektor uniformisane policije MUP TK-a. Policijskoj upravi Lukavac je naloženo da sagleda razloge nesprovođenja najavljene akcije i da o tome obavijesti Sektor uniformisane policije, što je i učinjeno. Prema odgovornim policijskim službenicima izrečene su mjere ukora.

Odjeljenje je veoma ozbiljno pristupilo podizanju nivoa odgovornosti policijskih stanica po problematici upotrebe i prodaje pirotehničkih sredstava. S tim u vezi sačinjene dvije depeše, u kojima je ukazano na pojavu prodaje i upotrebe pirotehničkih sredstava, te je naloženo svim policijskim stanicama intenziviranje mjera i radnji po istoj. Ove aktivnosti su praćene i od strane medija.

Od strane zajedničkog tima u sastavu: Inspektori Ministarstva sigurnosti BiH, inspektori FMUP-a Sarajevo, rudarski i PPZ inspektor Uprave za inspekcijske poslove Federacije BiH, i inspektor Odjeljenja za koordinaciju i usmjeravanje MUP TK-a, izvršen je inspekcijski nadzor nad skladištenjem, transportom i prometom eksplozivnih materija, firme DOO BEAT BH Živinice. Po izvršenom inspekcijskom nadzoru sačinjen je zapisnik, na osnovu kojeg će rudarska inspekcija donijeti rješenje o otklanjanju uočenih nepravilnosti.

U mjesecu decembru 2010. godine, izvršen je inspekcijski nadzor nad skladištenjem, transportom i prometom eksplozivnih materija, firme DOO GEOTEHNA LUKAVAC. Inspekcijski nadzor izvršen je od strane zajedničkog tima u sastavu: Inspektori Ministarstva sigurnosti BiH,

inspektori FMUP-a Sarajevo, rudarski i PPZ inspektor Uprave za inspekcijske poslove Federacije BiH, inspektor Odjeljenja za koordinaciju i usmjeravanje MUP TK-a i inspektor PPZ MUP-a TK-a. Po izvršenom inspekcijskom nadzoru sačinjen je zapisnik u kojem je konstatovano da se predmetno pravno lice ne nalazi na adresi koja je kao sjedište firme navedena u rješenju o registraciji.

Redovno su Ministarstvu sigurnosti BiH dostavljani Izvještaji o kretanju oružja i vojne opreme.

Od strane ovog Odjeljenja kontinuirano je vršen nadzor nad aktivnostima policijskih stanica po pitanju sprovođenja akcije "žetva" i s tim u vezi za svaki mjesec je sačinjavalo objedinjeni izvještaj o prikupljenom oružju i minsko-eksplozivnim sredstvima koje su građani i drugi državni organi u 2010 godini, predali po akciji „Žetva“.

Od Uprave za administraciju i podršku MUP TK-a izvršeno je preuzimanje poslova inspekcijskog nadzora nad radom agencija i unutrašnje službe i zaštite, a u skladu sa izmjenama i dopunama Pravilnika o unutrašnjoj organizaciji MUP TK-a, koji poslovi su stavljani u nadležnost Sektora uniformisane policije.

Tokom posmatranog perioda, od strane Odjeljenja za koordinaciju i usmjeravanje izvršeno je ukupno 23 inspekcijska nadzora, od čega je 16 nadzora izvršeno nad Agencijama za zaštitu ljudi i imovine, dok je 7 nadzora izvršeno prema unutrašnjim službama pravnih lica za zaštitu ljudi i imovine. Prema 4 Agencije za zaštitu ljudi i imovine, izvršeno je oduzimanje Odobrenja za obavljanje zaštitarskih poslova. Po izvršenom inspekcijskom nadzoru sačinjena su 23 zapisnika o izvršenom inspekcijskom nadzoru, a nakon toga sačinjena su 23 rješenja o otklanjanju uočenih nepravilnosti u radu.

Zajedno sa pripadnicima Federalne uprave policije, u "Volks" banci Tuzla, izvršena je provjera aktivnosti interventne ekipe zaštitarskih agencija "Fitob" Tuzla i agencije "Flek" Tuzla. Zatim je sa službenicima FMUP-a, izvršena provjera uposostavljanja potrebnih sredstava zaštite kod banke „Raiffajzen" Tuzla i provjera vremena intervencije, interventne ekipe zaštitarske agencije „Alarm West" koja vrši poslove zaštite kod navedene banke.

Izvršena je i provjera uspostavljanja potrebnih sredstava zaštite kod banke "Uni kredit" Tuzla i provjera vremena intervencije, interventne ekipe zaštitarske agencije "IPON", koja vrši poslove zaštite kod navedene banke.

Kliničkom centru Tuzla, pružena je pomoć u pogledu sugestija na Pravilnik o unutrašnjoj organizaciji, u dijelu koji se odnosi na poslove unutrašnje zaštite UKC Tuzla.

Sačinjen je Prijedlog za izmjene i dopune Uredbe o mjerama zaštite finansijskih institucija, koji je dostavljen Federalnom ministarstvu unutrašnjih poslova- Inspektorat za nadzor rada agencija za zaštitu ljudi i imovine.

Sačinjena je Analiza o provođenju Zakona o agencijama i unutrašnjim službama za zaštitu ljudi i imovine i Uredbe o mjerama zaštite finansijski institucija, i koja je prosljeđena Kabinetu ministra, Uredu policijskog komesara i Upravi za administraciju i podršku.

Pribavljeni su zbirni podaci o broju banaka, mikrokreditnih organizacija, bankomata, sportskih kladionica, lutrijskih prodajnih objekata, pošta na području Tuzlanskog kantona.

Izvršen je inspekcijski nadzor kod pravnog lica "Robot General Trading" doo Sarajevo, poslovna jedinica Gračanica, odnosno provjera da li je postupljeno po rješenju MUP TK-a, o otklanjanju uočenih nedostataka.

Izvršen je inspekcijski nadzor kod pravnog lica "Opća Bolnica Dr. Mustafa Beganović" Gračanica, odnosno provjera da li je postupljeno po rješenju MUP TK-a, o otklanjanju uočenih nedostataka.

Izvršen je tehnički prijem prostorija za obavljanje unutrašnje službe zaštite, kod pravnog lica JP "Elektroprivreda BiH" - dd Sarajevo, podružnica "Termoelektrana "Tuzla, i isti je prosljeđen Upravi za administraciju i podršku -Odjeljenje za pravne i upravne poslove i inspekcijski nadzor.

U službenim prostorijama PS KLadanj, u prisustvu komandira PS Kladanj, obavljen je razgovor sa predstavnikom firme BH Gas Sarajevo, u vezi priključenja alarmnog sistema na telefonsku mrežu MUP TK-a, a što je u skladu sa rješenjem Ministra MUP TK-a, kojim je

odobreno takvo priključenje. Po ovom pritanju sačinjen je zapisnik koji je dostavljen Upravi za administraciju i podršku.

Izvršena je kontrola odnosno inspekcijski nadzor nad radom Agencije za zaštitu ljudi i imovine "A&M" Sigurnost Banovići, kojom prilikom je izvršen obilazak kompletnog područja rudnika Banovići i tom prilikom izvršena je provjera da li se na lokacijama iz sklopljenog ugovora između Rudnika Banovići i Agencije A&M sigurnost, nalaze zaštitari Agencije A&M sigurnost, o čemu je sačinjen detaljan izvještaj koji je proslijeđen prema Sektoru kriminalističke policije MUP TK-a, po čijem nalogu je i izvršena navedena kontrola.

### **Odjeljenje za edukaciju**

Na osnovu godišnjeg Plana i programa stručnog osposobljavanja i usavršavanja službenika policije u 2010. godini, **Odjeljenje za edukaciju** izvelo je teoretsku i praktičnu obuku za policijske službenike MUP-a TK zaključno sa činom mlađeg inspektora. Ukupno su realizovana 1.224 nastavna časa.

Teoretska predavanja, tokom sedmice, realizovana su kroz slijedeće nastavne cjeline po temama:

- T.1. Zakon o policijskim službenicima - 2 nastavna časa
- T.2. Pravilnik o upotrebi sile i njegova primjena - 3 nastavna časa
- T.3. Primjena Zakona o krivičnom postupku FBiH i Krivičnog zakona, Uputstvo o postupanju i saradnji OSL i tužilaca u provođenju radnji dokazivanja u toku istrage" - 4 nastavna časa,
- T.4. Primjena Zakona o prekršajima F BiH- 3 nastavna časa,
- T.5. Zakon o javnom redu i miru- 2 nastavna čas
- T.6. Policija u zajednici- 2 nastavna časa,
- T.7. Bezbjednost saobraćaja- 3 nastavna časa,
- T.8. Vršenje uviđaja krivičnog djela, obezbjeđenje lica mjesta- 2 nastavna časa
- T.9. Proizvodnja i neovlašteno stavljanje u promet opojnih sredstava i njihovo uživanje- 2 nastavna časa
- T.10. Uloga obavještajnog rada policije u otkrivanju krivičnih djela- 2 nastavna časa
- T.11. Primjena Zakona o zaštiti od nasilja u porodici- 2 nastavna časa,
- T.12. Instrukcija o pravilima ponašanja i međusobnim odnosima policijskih službenika "- 1 nastavni čas

Praktični dio obuke realizovan je kroz nastavnu cjelinu T. 14. Odbrambene taktike (6 sati).

Završni test- 2 nastavna časa.

Teoretskom dijelu obuke i testiranju pristupilo je 1210 službenika policije, koji su bili raspoređeni u 39 grupa

Tokom 2010.godine, u deset termina, odnosno počev od aprila do septembra mjeseca 2010.godine, na Strelištu paša Bunar u Tuzli, proveden je praktični dio obuke iz bojevog gađanja, kojem su pristupila 1.352 službenika policije.

U Organizaciji Odjeljenja za edukaciju, nevladina organizacija "Margina" iz Tuzle je realizovala obuku policijskih službenika na temu: "Ovisnost od opojnih sredstava".

U povodu provođenja preventivne kampanje "Sprečavanje nasilja u školama" u okviru implementacije projekta "Rad policije u zajednici", dana 06.10.2010.godine, jedan službenik Odjeljenja za edukaciju prisustvovao je jednodnevnom seminaru na navedenu temu.

Policijski službenik Odjeljenja za edukaciju je prisustvovao seminaru pod nazivom NATO i UN Rezolucija 13 25 (o ženama, miru i sigurnosti u oružanim snagama zemalja NATO članica).

U organizaciji OSCE-a dana 25.10.2010.godine jedan službenik Odjeljenja za edukaciju prisustvovao je Konferenciji na temu: "Primjena Zakona o Zaštiti žrtava nasilja u porodici i adekvatna sankcija za počinioc".

Pored navedenih aktivnosti, Odjeljenje za edukaciju vršilo je realizaciju akata Federalnog Ministarstva unutrašnjih poslova Sarajevo i Ministarstva sigurnosti a vezano za stručno usavršavanje i učešće naših policijskih službenika u Mirovnim operacijama UN-a u Sudanu, Italiji i Rumuniji.

### ***Jedinica policije za podršku***

U toku 2010. godine službenici **Jedinice policije za podršku** su uglavnom angažovani na pružanju neophodne pomoći službenicima drugih organizacionih jedinica MUP-a TK-a, što se prije svega ogledalo kroz izvođenje zadataka koje službenici drugih organizacionih jedinica MUP-a TK-a ne bi mogli samostalno izvršiti, a za koje su službenici JP za podršku posebno obučeni i opremljeni, kao što su poslovi i zadaci iz domena sprečavanja narušavanja JRM-a u većem obimu, upadi u prostorije i visokorizična lišenja slobode, lišenja slobode lica za kojima je raspisana potjernica i drugi zadaci visokog rizika.

Pored navedenih zadataka službenici JP za podršku su u izvještajnom periodu bili angažovani i na pružanju pomoći službenicima: Federalne uprave policije, Policije Brčko distrikta, Ministarstva unutrašnjih poslova drugih kantona, službenicima "SIPE", Sudske policije TK-a i F BiH, te pružanju asistencija drugim organima i organizacijama F BiH i TK-a.

Takođe, službenici JP za podršku su bili aktivno uključeni u osposobljavanje i usavršavanje službenika drugih organizacionih jedinica MUP-a TK-a, što se ogledalo kroz izvođenje bojevog gađanja i različitih vidova predavanja i obuke.

Službenici JP za podršku su kontinuirano izvodili obuku i usavršavanje prema mjesečnim planovima obuke JP za podršku za navedeni period.

Na poslovima sprečavanja, suzbijanja i otkrivanja kriminaliteta, JP za podršku je tokom 2010. godine pružila 104 asistencije, od čega za potrebe organizacionih jedinica Sektora kriminalističke policije MUP-a TK - 28, Odjeljenje za KDZ MUP-a TK-a - 30, OKP PU Tuzla - 13, OKP PU Gradačac - 8, OKP PU Živinice - 8, OKP PU Kalesija - 5, OKP PU Lukavac - 3, FMUP-a - 7, Sektor uniformisane policije MUP-a TK – 2, itd.

Na poslovima i zadacima iz oblasti javnog reda i mira, službenici JP za podršku su, shodno zahtjevima drugih organizacionih jedinica MUP-a TK-a i državnih organa BiH bili angažovani u 41 slučaju. Ove aktivnosti se odnose na pruženje pomoći prilikom obezbjeđenja javnih skupova, pružanje pomoći prilikom uspostavljanja narušenog JRM-a u većem obimu i sl. Najveći broj intervencija bio je na zahtjev PU Tuzla i policijskih stanica u sastavu ove policijske uprave - 15, zatim po zahtjevu PU Živinice - 11, PU Gradačac - 10, PU Lukavac – 3 i MUP FBiH -2. U istom periodu, pruženo je 35 asistencija drugim državnim organima i institucijama, od toga: po zahtjevu Policije Brčko Distrikta - 14, Sudske policije TK-a – 10, Sudske policije FBiH – 5, SIPA – 3, Kantonalno tužilaštvo TK-a – 1, Zatvorska straža KPZ Tuzla – 1 i policiji Posavskog kantona - 1.

Tokom izvještajnog perioda, vodiči sa službenim psima jedinice su angažovani u 95 slučajeva, prije svega po zahtjevima Odjeljenja za KDZ MUP-a TK-a i Odjeljenja za posebne namjene SKP MUP-a TK-a, a u svrhu pronalaska minsko-eksplozivnih sredstava i opojnih droga. Službeni psi jedinice su angažovani i po zahtjevima drugih organizacionih jedinica MUP-a TK-a, MUP-a FBiH, MUP-a drugih kantona, Policije Brčko distrikta, SIPA-e prilikom traganja za licima-počiniocima krivičnih djela, obezbjeđenjima javnih skupova i KDZ pregledima.

Službenici Jedinice policije za podršku su, u okviru navedenih aktivnosti pružanja pomoći drugim organizacionim jedinicama ovog Ministarstva, kao i drugim organima i institucijama, bili angažovani prilikom 53 pretresa stanova, 11 pretresa ugostiteljskih objekata, 16 pretresa drugih prostorija, 13 pregleda motornih vozila, 32 sprovedena lica, 49 lica lišenih slobode i 81 legitimisanog lica.

Tokom izvještajnog perioda dogodila su se 2 slučaja napada na službenike JP za podršku, i to:

Dana 27.02.2010.godine, prilikom obezbjeđenja fudbalske utakmice na stadionu "Tušanj" u Tuzli, došlo je do narušavanja JRM-a od strane navijača FK "Sloboda" i FK "Sarajevo". Prilikom intervencije službenika JP za podršku u cilju uspostavljanja narušenog JRM-a navijači su službenike JP za podršku napali bacajući kamenje i polomljene stolice. Prilikom uspostavljanja narušenog JRM-a 3 službenika JP za podršku zadobila su lakše tjelesne povrede.

Dana 21.04.2010.godine, postupajući po depeši FMUP-a u skladu sa Instrukcijom o zajedničkom djelovanju policijskih snaga FBiH, 23 službenika Jedinice angažovano je na obezbjeđenju javnog skupa – protesta, organizovanog od strane Boračkih organizacija ispred zgrade Vlade FBiH u Sarajevu. Prilikom obezbjeđenja navedenog javnog skupa došlo je do narušavanja JRM-a od strane većeg broja okupljenih građana, te kamenovanja policajaca i zgrade Vlade. Tom prilikom 7 službenika JP za podršku je zadobilo tjelesne povrede.

Tokom izvještajnog perioda, službenici JP za podršku su u 3 slučaja upotrijebili sredstva prinude, koja su ocijenjena opravdanim i zakonitim.

Službenici JP za podršku su kontinuirano izvodili obuku prema Planu obuke službenika JP za podršku za 2010. godinu.

Službenici JP za podršku su tokom 2010. godine više puta angažovani na lišenju slobode naručito opasnih lica-počinioca teških krivičnih djela, koja su nerijetko naoružana vatrenim oružjem i sklona napadima na OSL. Prilikom izvršenja navedenih zadataka službenici JP za podršku koriste zaštitnu opremu kojoj je istekao vijek trajanja, a posebno bi izdvojili pancirne prsluke, kojih ni brojčano nema dovoljno.

Jedinica je smještena na prostoru bez izgrađene infrastrukture, u objektima koji su funkcionalno i higijenski neadekvatni za smještaj postojećeg broja službenika. Većina objekata u JP za podršku je izuzetno loše građena, bez valjane izolacije, što za posljedicu ima enormnu potrošnju el. energije, s obzirom da se objekti zagrijavaju električnom energijom. Vodovodna mreža u krugu JP za podršku, kao i vodovodna instalacija u objektima je zastarijela i neadekvatno urađena, zbog čega često dolazi do pucanja vodovodnih cijevi i nekontrolisanog isticanja vode.

### ***Operativni centar***

**Operativni centar MUP-a TK** je u izvještajnom periodu izvršavao poslove i zadatke iz svoje nadležnosti i djelokruga rada usmjeravajući aktivnosti prema trenutnoj sigurnosnoj situaciji, pri čemu je poseban akcenat stavljen na efikasnost i zakonitost u radu, kroz davanje konkretnih operativnih uputstava za rad organizacionih jedinica MUP-a TK, njihovih dežurnih službi i postupajućih patrola na terenu.

U izvršavanju poslova i zadataka iz svoje nadležnosti, u svakom konkretnom slučaju, službenici policije Operativnog centra MUP-a TK, pridržavali su se važećih zakona, Načela i procedura, smjernica MUP TK-a i MUP FBiH, realizovanja postavljenih zadataka Programom rada za tekuću godinu, kao i drugih propisa koji se odnose na poslove i zadatke iz djelokruga rada policije.

U toku 2010. godine Operativno dežurstvo MUP-a TK zaprimilo je ukupno 37.893 prijave i obavještenja o sigurnosno interesantnim događajima na području MUP-a TK, od čega 28.146 prijava putem telefona i 9.747 prijava pisanim putem, uglavnom depešnim saobraćajem. U svim slučajevima Operativno dežurstvo je dalo operativna uputstva za razrješavanje svakog pojedinačnog slučaja i pratilo tok i način njihovog rješavanja.

Samo na telefon "122", zaprimljeno je ukupno **19.000** prijava, od čega svega **2.850 prijava ili 15%** o događajima koji su se zaista desili. Preostale prijave (njih oko 16.150) su se odnosile na lažne prijave o događajima ili prijave koje nemaju obilježja krivičnih djela ili prekršaja ili su prijave o događajima za koje su nadležne druge institucije na koje se građani upute od strane policijskih službenika.

Od UKC „Gradina“ u navedenom periodu putem telefona zaprimljeno je oko 2.774 obavještenja o licima koja su hitno primljena na hospitalizaciju zbog zadobijenih povreda na način koji je ili bi mogao biti u vezi sa činjenjem krivičnog djela ili prekršaja. U svim slučajevima

odmah je obaviještena mjesno nadležna policijska stanica, OKP PU ili Sektor krim. policije MUP-a TK, zavisno o nadležnosti radi preduzimanja odgovarajućih mjera.

Operativni centar MUP-a TK, kroz obavljanje redovnih poslova i zadataka iz svoje nadležnosti, implementira projekat PIP 5.5 koji se odnosi na prezentaciju rada policije u zajednici. U tom smislu je putem portparola ili neposredno javnim medijima i BIHAMK-u prosljeđeno 3.022 informacija.

Izvršeno je ukupno 238 ulaza u bazu podataka CIPS i to: 176 radi provjere svih ili nekih generalijskih podataka za lica i 62 radi provjere svih ili nekih podataka za vozila. Svaki ulazak u bazu podataka CIPS uredno se evidentira u odgovarajućoj internoj evidenciji.

U toku izvještajnog perioda zaprimljeno je ukupno 23.125 depeša, od toga 10.370 depeša se odnosilo na sigurnosno-interesantne događaje, informacije i sl.

**Tim za potrage** izvršavao je poslove i zadatke raspoređene po sljedećim referatima: potrage za licima; potrage za vozilima; potrage za oružjem i dokumentima i utvrđivanje istovjetnosti (identifikacije) lica. U izvještajnom periodu u Timu za potrage zaprimljeno je ukupno 1.339 akata, 12.505 depeša i 103 izvještaja o postupanju službenika policije vezano za obilazak i opserviranje lica za kojim je raspisana potraga. Na referatu potrage za licima ukupno je postupano u 2.753 slučaja, na referatu potrage za vozilima ukupno je postupano u 2.124 slučaja, na referatu potrage za oružjem i dokumentima ukupno je postupano u 6.792 slučaja, dok je na referatu utvrđivanja istovjetnosti (identifikacije) lica ukupno postupano u 2.630 slučaja.

Analizirajući navedene pokazatelje aktivnosti službenika OC-a MUP-a TK u 2010. godini jasno se uočava pozitivan trend u realizaciji aktivnosti policijskih službenika iz domena potražne djelatnosti u poređenju sa aktivnostima u 2009. godini, što je rezultat kontinuiranog i permanentnog djelovanja službenika Tima za potrage OC MUP-a TK u cilju što efikasnije i ekspeditivnije realizacije poslova i zadataka iz djelokruga rada policijskih službenika. Tako su službenici policije Tima za potrage OC MUP-a TK su uzeli učešće po Operativnom planu pojačanih aktivnosti službenika MUP-a TK – Sektora krim. policije i PU Tuzla u periodu od 25.01. do 08.02.2010. godine, na pokrivanju indiciranih kritičnih tački na području grada Tuzle, gdje su evidentirani slučajevi izvršenja krivičnih djela „Razbojništva“ i „Teške krađe“ na naročito opasan i drzak način. U toku navedenih aktivnosti službenici policije OC MUP-a TK, zajedno sa Timom za potrage, su bili dodatno angažovani, te pružili svu neophodnu pomoć i saradnju iz domena nadležnosti OC-a, čime su dali svoj doprinos u realizaciji navedenog plana.

Na osnovu Zakona o unutrašnjim poslovima TK-a policijski komesar MUP TK-a je donio Instrukciju o postupanju policijskih službenika Operativnog centra pri informisanju javnosti putem medija, koja je stupila na snagu 05.04.2010. godine. Od dana stupanja na snagu do danas policijski službenici Operativnog centra su prošli testnu fazu primjene navedene Instrukcije, gdje su se, uz stručnu pomoć službenika iz Odjeljenja za informatiku, kao i portparola MUP TK-a, dodatno edukovali i za informisanje javnosti elektronskim putem, na Web stranici MUP TK-a. U sklopu daljeg razvoja informacionog sistema „Potrage za licima“, koja je u probnoj fazi počela od decembra 2009. godine, svim PU i PS MUP-a TK su dostavljene instrukcije, pravilnici i uputstva o načinu elektronske evidencije i obrade podataka potraga za licima, nakon čega se od 08.01.2010. godine počelo sa korištenjem podataka i raspisivanjem potraga za licima u elektronskoj formi, paralelno sa dosadašnjim načinom raspisivanja u printanoj formi, sve do 28.02.2010. godine, nakon čega je u funkciji samo elektronska razmjena podataka između Policijskih tijela u FBiH i drugim policijskim tijelima u Bosni i Hercegovini.

Također, od 19.03.2010. godine Federalna uprava policije, zajedno sa MUP RS i policijom Brčko Distrikta, je pustila u probni rad kvalitetniju formu aplikacije potražne djelatnosti za vozilima, koja daje nove mogućnosti pretraga.

Dana 22.04.2010. godine službenici Tima za potrage MUP TK su prisustvovali radnom sastanku sa Predsjednicom Općinskog suda Tuzla i Sekretarom Općinskog suda Tuzla, te tom prilikom je bilo riječi o licima koja su osuđena, a izbjegavaju upućivanje na izdržavanje zatvorske kazne kao i tekući problemi u postupanju i realizaciji naredbi za pronalazak i hapšenje lica. Od Tima za potrage je zatraženo da u dosadašnjim predmetima centralnih i međunarodnih potjernica po IKS-u, kao i u svakom narednom, isti trebaju vršiti provjere sa ciljem dobijanja tačne adrese lica, te da li isti ima prebivalište i državljanstvo u Republici Srbiji.

Postupajući po naloženim mjerama MUP TK-a, policijski službenici Tima za potrage MUP TK su vremenskom periodu od 22.04. – 31.05.2010.godine izvršili instruktivni nadzor Policijskih uprava MUP-a Tuzlanskog kantona, a vezano za primjenu elektronske baze podataka i unosa operativnih potraga za licima, kao i prevazilaženja uočenih propusta i što efikasnije realizacije naloženih mjera iz posmatranih oblasti kao i unapređenje navedenih aktivnosti, po pitanju potražne djelatnosti.

Od 18.08.2010.godine, postupajući po zavedenoj akciji „Izbori 2010“, počele su aktivnosti policijskih službenika MUP-a TK-a u cilju stvaranja uslova za sigurno održavanje opštih izbora. S tim u vezi, svim PU - PS MUP-a TK je naloženo da sačine Operativne planove za održavanje navedenih opštih izbora, na osnovu kojih je sačinjen Plan mjera i radnji na osiguranju opštih izbora na području Tuzlanskog kantona koji je prosljeđen Federalnoj upravi policije. Takođe je formiran štab akcije „Izbori 2010“ u MUP-a TK-a, dok je za člana štaba Federalne uprave policije „Izbori 2010“ iz MUP-a TK-a određen Načelnik Operativnog centra MUP-a TK-a.

Policijski službenici OC-a, zajedno sa pol.službenicima Odjeljenja za koordinaciju SUP-a MUP-a TK izvršili su obilazak Policijskih stanica Živinice, Banovići i Kladanj, u cilju provjera provođenja mjera sigurnosti, te obilazak zaštitarske agencije „Cobra“ – Tuzla.

Nastavljene su aktivnosti po zavedenoj akciji „Izbori 2010“, započete od 18.08.2010.godine, tako da su službenici OC-a dana 22.09.2010.godine koordinirali prilikom pratnje i uskladištenja izbornog materijala u svim općinama Tuzlanskog kantona.

## **SEKTOR KRIMINALISTIČKE POLICIJE**

**Sektor kriminalističke policije** neposredno prati stanje, kretanje i pojavne oblike kriminaliteta na području Ministarstva i shodno tome organizuje, planira, usmjerava i koordinira rad organizacionih jedinica u cilju preduzimanja operativnih i drugih mjera na sprečavanju i otkrivanju teških krivičnih djela, posebno teških imovinskih delikata, krvnih i seksualnih delikata, teških oblika krivičnih djela organizovanog kriminala, teških krivičnih djela iz oblasti zloupotrebe opojnih droga, ratnih zločina i teških krivičnih djela protiv privrede, kao i kriminalističko-obavještajne poslove, poslove kriminalističke tehnike i KDZ preglede. Jedan od osnovnih zadataka ovog Sektora je da kroz preventivni i operativni rad onemogući bilo koji oblika narušavanja ljudskih prava i sloboda, osigura punu ličnu i imovinsku zaštitu svakog građanina te ostvaruje saradnju i pruža pomoć domaćim i međunarodnim institucijama za ljudska prava.

Sektor kriminalističke policije sastoji se od: Odjeljenja za opći kriminalitet, Odjeljenja za borbu protiv privrednog kriminaliteta i korupcije, Odjeljenje za posebne namjene, Odjeljenje za kriminalističko-obavještajnu podršku, Odjeljenje za kriminalističku tehniku i KDZ, Odjeljenja za maloljetničku delikvenciju i nasilje u porodici i Odjeljenje za istrage ratnih zločina.

## **POLICIJSKE UPRAVE**

U okviru policijskih uprava MUP-a TK, za područje za koje su organizovane, vrše se poslovi i zadaci: zaštite života i lične sigurnosti građana; zaštite od terorističkog i drugog nasilnog ponašanja; sprečavanje i otkrivanje krivičnih djela; pronalaženje i hvatanje izvršilaca krivičnih djela; kriminalističko-tehnički poslovi i poslovi kontradiverzione zaštite (osim poslova iz ove oblasti stavljenih u nadležnosti Ministarstva u sjedištu).

Svaka policijska uprava na svom području prati stanje sigurnosti na putevima i regulisanje saobraćaja i preduzima mjere iz svoje nadležnosti, održava povoljno stanje javnog reda i mira, vrši kontrolu vozača, vozila i drugih učesnika u saobraćaju u pogledu pridržavanja zkona i drugih propisa iz oblasti sigurnosti saobraćaja na putevima, osigurava ličnosti i objekte po odluci Vlade Kantona, vrši upravno rješavanje u svim upravnim stvarima u prvom stepenu uključujući i poseban ispitni postupak, ukoliko to nije prenešeno u nadležnost Ministarstva u sjedištu, kao i sprovođenje Zakona o nabavljanju, nošenju i držanju oružja i municije, nadzor nad organizacijama i drugim subjektima koji se bave prometom oružja, municijom u skladu sa

Zakonom o nabavljanju, nošenju i držanju oružja i municije, te pruža pomoć radi obezbjeđenja i izvršenja poslova i zadataka koji spadaju u nadležnost drugih državnih organa i preduzeća i drugih pravnih lica kada oni na osnovu zakona vrše javna ovlaštenja, ako se prilikom vršenja naiđe na fizički otpor ili se takav otpor može očekivati. Policijske uprave, preko svojih organizacionih jedinica obavljaju i druge poslove koji su im dati u nadležnost.

Policijske uprave se sastoji od policijskih stanica i Odjeljenja kriminalističke policije u policijskoj upravi.

Za područje Tuzlanskog kantona formirano je pet policijskih uprava i to:

**PU Tuzla** (PS Istok, PS Centar, PS Zapad i PS Čelić),

**PU Živinice** (PS Živinice, PS Banovići i PS Kladanj),

**PU Gradačac** (PS Gradačac i PS Srebrenik),

**PU Lukavac** (PS Lukavac, PS Gračanica i PS Dobož-Istok), i

**PU Kalesija** (PS Kalesija, PS Sapna i PS Teočak)

## STANJE SIGURNOSTI NA PODRUČJU TUZLANSKOG KANTONA

### KRIMINALITET

U toku 2010.godine, od strane organizacionih jedinica MUP-a Tuzlanskog kantona nadležnim tužilaštvima podnešena su 4.322 izvještaja o izvršenju krivičnog djela, protiv 4.999 učinioca. U odnosu na prethodnu godinu broj podnešenih izvještaja nadležnim tužilaštvima je veći za 314 ili 7,83%, dok je broj prijavljenih učinilaca manji za 114 ili 2,23%. Kantonalnom tužilaštvu podnešeno je 4.311 izvještaja, dok je 11 izvještaja o učinjenim krivičnim djelima podnešeno Tužilaštvu BiH i drugim tužilaštvima.

Ukupan broj krivičnih djela koji je obuhvaćen podnešenim izvještajima je 4.703, što je za 239 krivičnih djela ili 5,35% više u odnosu na isti prethodnu godinu. Od ukupnog broja krivičnih djela, 11 krivičnih djela je po KZ BiH, 25 krivičnih djela iz drugih posebnih zakona i 4.667 krivičnih djela po KZ FBiH. Broj krivičnih djela izvršenih od strane nepoznatog izvršioca je 2.843, što čini 60,45% od ukupnog broja krivičnih djela, dok je po poznatom izvršiocu evidentirano 1860 krivičnih djela ili 39,55%. Operativnim radom, otkriveni su počinioci 1692 krivična djela prijavljena po nepoznatom izvršiocu. Procenat otkrivenosti krivičnih djela prijavljenih po nepoznatom učiniocu iznosi 59,51%, dok je procenat ukupne rasvijetljenosti krivičnih djela 75,53%.

Tabela 1. Osnovni pokazatelji stanja kriminaliteta na području TK-a (2009./2010.g.)

	Broj podnešenih izvještaja tužilaštvima	Ukupan broj krivičnih djela	Ukupan broj prijavljenih učinilaca	Broj KD-a po poznatom učiniocu	Broj KD-a po nepoznatom učiniocu	Broj naknadno rasvijet. KD-a prijavljenih po NN učiniocu	Procenat rasvijetljenosti KD-a po NN učiniocu	Ukupan broj rasvijetljenih KD-a	Procenat ukupne rasvijetljenosti	Br. KD-a od strane maloljetnika	Broj učinilaca maloljetnika	Ukupna materijalna šteta (x 1.000 KM)
2009.g.	4008	4464	5113	1993	2471	1482	59,98	3475	77,84	459	653	10487
2010.g.	4322	4703	4999	1860	2843	1692	59,51	3552	75,53	442	625	10710
Razlika	314	239	-114	-133	372	210	-0,46	77	-2,32	-17	-38	223
Trend (%)	7,83	5,35	-2,23	-6,67	15,05	14,17	-0,77	2,22	-2,98	-3,70	-5,82	2,13

Od ukupnog broja prijavljenih učinilaca, 615 su maloljetnici,<sup>1)</sup> 4 su pripadnici MUP-a, 78 učinilaca je sa područja drugog BH entiteta, a 10 su strani državljani. U odnosu na prethodnu godinu broj prijavljenih maloljetnika je manji za 38, broj prijavljenih učinilaca sa područja drugog BH entiteta manji je za 21, broj stranih državljana učinilaca krivičnih djela manji je za 18 učinioca, dok je broj pripadnika MUP-a učinilaca krivičnih djela povećan za 2.

Potrebno je istaći da je u ukupnoj strukturi učinilaca veliki broj višestrukih učinilaca krivičnih djela, odnosno veliki broj povratnika u izvršenju krivičnih djela. Ukupna materijalna šteta nastala ovim krivičnim djelima iznosi oko 10,7 miliona KM, što je za oko 220.000 KM više u odnosu na prošlu godinu.

Kao što se iz prezentiranih podataka može uočiti, stanje kriminaliteta na području Tuzlanskog kantona za 2010.godinu, karakteriše povećanje broja evidentiranih krivičnih djela za 239 krivičnih djela ili 5,35%.

<sup>1</sup> Tuzla-241, Gračanica-106, Srebrenik-66, Živinice-54, Kalesija-31, Gradačac-30, Lukavac i Banovići po 25, Sapna-15, Kladanj-9, MUP sjedište-7, Doboj Istok-5 i Teočak-1.

Posmatrano po strukturi, može se uočiti da je u 2010. godini, u odnosu na 2009. godinu, došlo do **povećanja broja krivičnih djela protiv imovine za 429 krivičnih djela ili 16,45%**, **krivičnih djela protiv braka, porodice i mladeži za 37 krivičnih djela ili 33,64%**, **krivičnih djela protiv slobode i prava građana za 36 krivičnih djela ili 47,37%**, **te krivičnih djela protiv zdravlja ljudi, gdje je evidentirano povećanje za 15 krivičnih djela ili 7,14%**, **krivičnih djela protiv podmićivanja i krivičnih djela protiv službene i druge odgovorne funkcije za 5 krivičnih djela ili 13,89% i dr.**, dok je primijećeno smanjenje **krivičnih djela protiv javnog reda i pravnog prometa za 121 krivično djelo ili 30,10%**, **krivičnih djela protiv sustava elektronske obrade podataka za 82 krivična djela ili 95,35%**, **krivičnih djela protiv života i tijela za 41 krivično djelo ili 9,53% i dr.**

**Tabela 2. Struktura krivičnih djela po KZ FBiH**

		2009.g.	2010.g.	razlika	razlika (%)
<b>KZ FBiH</b>					
Glava XV	KD protiv ustavnog poretka federacije	1		-1	-100,00
Glava XVI	KD protiv života i tijela	430	389	-41	-9,53
Glava XVII	KD protiv slobode i prava čovjeka i građanina	76	112	36	47,37
Glava XVIII	KD protiv terorizma				
Glava XIX	KD protiv spolne sl. i morala	29	27	-2	-6,90
Glava XX	KD protiv braka, porodice i mladeži	110	147	37	33,64
Glava XXI	KD protiv zdravlja ljudi	210	225	15	7,14
Glava XXII	KD protiv privrede, poslovanja i sigurnosti platnog prometa	21	18	-3	-14,29
Glava XXIII	KD protiv poreza	2		-2	-100,00
Glava XXIV	KD protiv radnih odnosa	1	1	0	0,00
Glava XXV	KD protiv imovine	2608	3037	429	16,45
Glava XXVI	KD protiv okoliša, poljoprivrede i prirodnih dobara	39	37	-2	-5,13
Glava XXVII	KD protiv opće sig. ljudi i imovine	79	58	-21	-26,58
Glava XXVIII	KD protiv sigurnosti javnog prometa	255	257	2	0,78
Glava XXIX	KD protiv pravosuđa	26	26	0	0,00
Glava XXX	KD protiv javnog reda i pravnog prometa	402	281	-121	-30,10
Glava XXXI	KD protiv podmićivanja i KD protiv službene i druge odgovorne funkcije	36	41	5	13,89
Glava XXXII	KD protiv sustava elektronske obrade podataka	86	4	-82	-95,35
	Ostala KD prema KZ FBiH	1	7	6	600,00
	KD iz KZ BiH	37	11	-26	-70,27
	KD iz drugih posebnih zakona (ukupno)	15	25	10	66,67
	<b>UKUPNO</b>	<b>4464</b>	<b>4703</b>	<b>239</b>	<b>5,35</b>

Ako se posmatraju složeniji i teži oblici krivičnih djela, može se uočiti **povećanje broja krivičnih djela teških krađa, neovlaštene proizvodnje i stavljanja u promet opojnih droga, nesavjestnog rada u službi, ugrožavanja javnog prometa, napada na službenu osobu u vršenju poslova sigurnosti i dr.**, dok je uočeno **smanjenje broja krivičnih djela krivotvorenja isprave, nasilničkog ponašanja, krivotvorenja novca, izazivanja opće opasnosti, nedozvoljenog držanja oružja ili eksplozivnih materija, razbojništva i dr.**

Najveći broj izvršenih krivičnih djela odnosi se na oblast imovinskih delikata i čini **64,58%** od ukupnog broja evidentiranih krivičnih djela, a objekti napada su poslovni, stambeni i pomoćni objekti, motorna vozila i dr. Broj krivičnih djela protiv imovine, u odnosu na 2009.godinu, je povećan za 429 krivičnih djela ili 16,45%, a **uočeno je povećanje krivičnih djela teških krađa za 265 krivičnih djela ili 18,40%, krađa za 131 krivično djelo ili 24,62%, oštećenja tuđe stvari za 46 krivičnih djela ili 16,08%, prikrivanja za 19 krivičnih djela ili 67,86%, oduzimanja tuđe pokretnine za 7 krivičnih djela ili 22,58% i dr.**, a smanjen je broj krivičnih djela prijevara za 18 krivičnih djela ili 17,48%, razbojništva za 16 krivičnih djela ili 14,04%, iznuda za 12 krivičnih djela ili 48,00% i dr.

**Tabela 3. Karakteristična krivična djela po KZ FBiH za period 2010./2009.g.**

Član KZ FBiH	KRIVIČNO DJELO	2009.	2010.	razlika	Trend (%)
166	Ubistvo	7	9	2	28,57
166(28)	Pokušaj ubistva	27	19	-8	-29,63
172	Teška tjelesna ozljeda	111	102	-9	-8,11
180	Otmica	2		-2	-100,00
203	Silovanje		7	7	
203(28)	Silovanje u pokušaju	5		-5	-100,00
210	Navođenje na prostituciju	9	3	-6	-66,67
238	Neovl. proizv. i stav. u prom. op. droga	68	81	13	19,12
239	Posjedovanje i omog. uživanje opojn. droga	141	144	3	2,13
247	Zloupotreba ovlasti u privr. poslovanju		2	2	
205 KZ BiH	Krivotvorenje novca	31	7	-24	-77,42
273.	Porezna utaja	1		-1	-100,00
287	Teška krađa	1440	1705	265	18,40
289	Razbojništvo	114	98	-16	-14,04
323	Izazivanje opće opasnosti	72	50	-22	-30,56
332	Ugrožavanje javnog prometa	62	72	10	16,13
336	Teška KD-a protiv sigurnosti javnog prometa	162	148	-14	-8,64
359	Napad na služb.osobu u vrš. poslova sigurnosti	18	27	9	50,00
362	Nasilničko ponašanje	109	72	-37	-33,94
371	Nedozvoljeno držanje oružja ili ekspl. Materija	78	57	-21	-26,92
373	Krivotvorenje isprave	114	68	-46	-40,35
383	Zloupotreba položaja ili ovlašćenja	27	19	-8	-29,63
384	Pronevjera u službi	4	2	-2	-50,00
387	Nesavjestan rad u službi	1	13	12	1200,00
389	Krivotvorenje službene isprave	3	5	2	66,67

Ministarstvo unutrašnjih poslova Tuzlanskog kantona je kontinuirano angažovano na realizaciji poslova i zadataka po akciji "Krimolovac". U 2010.godini zaprimljeno je 113 anonimnih prijava po kojima je ovo Ministarstvo odmah preduzelo neophodne mjere i radnje na utvrđivanju osnovanosti a zatim i na prikupljanju neophodnih dokaza o izvršenju prijavljenih i eventualno drugih krivičnih djela. Od ukupnog broja zaprimljenih anonimnih prijava od strane građana u 8 slučaja je utvrđeno da se radi o krivičnom djelu i za iste su dostavljeni izvještaji Tužilaštvu, u 79 slučaja su prijave, nakon preduzetih mjera i radnji i prikupljenih dokaza prosljeđene SIPA-i, a postupak utvrđivanja činjeničnog stanja je u toku za 26 anonimnih prijava.

Po Krivičnom zakonu Bosne i Hercegovine evidentirana su krivična djela iz Glave XVIII KZ BiH - **krivična djela protiv privrede i jedinstva tržišta i krivična djela iz oblasti carina i to 11 krivičnih djela** po čl.205 KZ BiH (krivotvorenje novca), počinjenih od strane 8 lica, od kojih su 2 maloljetnika, a 4 je povratnika u izvršenju krivičnih djela, kao i 4 krivična djela iz Glave XXII – dogovor, pripremanje, udruživanje i organizirani kriminal, po čl.250 (organizirani kriminal), počinjena od strane 6 lica, od kojih je 1 povratnik u izvršenju krivičnih djela.

### **Krvni delikti**

U toku 2010. godine, na području TK-a, **iz grupe krivičnih djela protiv života i tijela evidentirano je 389 krivičnih djela**, od čega 302 po poznatom i 87 po nepoznatom izvršiocu.<sup>2)</sup> U odnosu na 2009. godinu, broj krivičnih djela iz ove grupe **manji je za 41 ili 9,53%**. Od ukupnog broja lica koja su učestvovala u izvršenju krivičnih djela protiv života i tijela (500), 48 je maloljetnika, a 129 je povratnika u vršenju krivičnih djela.

Tokom posmatranog perioda, evidentirana su slijedeća krivična djela iz ove oblasti:

- **9 krivičnih djela po čl.166.st.1. – ubistvo**; počinjena od strane 9 lica, od kojih je 1 maloljetnik, a 1 povratnik u vršenju krivičnih djela, što je za 2 krivična djela **više** u odnosu na prošlu godinu. Od ukupnog broja krivičnih djela ubistva dva su počinjena na okrutan i podmukao način, dok je 5 krivičnih djela počinjeno između bliskih srodnika (sina i roditelja-2 krivična djela, setrić-dajdža, muž-žena i između rođaka 1 krivično djelo)
- **19 krivičnih djela po čl.166. u vezi sa čl.28.- ubistvo u pokušaju**; što je za **8 krivičnih djela ili 29,63% manje** u odnosu na 2009.g. Sva krivična djela su počinjena od strane 29 lica, od kojih su dva maloljetnika, a 16 je povratnika u vršenju krivičnih djela, i to većinom na javnim površinama (na ulici, ispred diskoteke, na lokalnom putu...). a u 7 krivičnih djela je kao sredstvo izvršenja korišten nož, u 5 pištolj, fizička snaga u 4, a u 3 krivična djela pokušaja ubistva korištena je palica. Sedamnaest krivičnih djela evidentirano je po poznatom počiniocu, dok su dva krivična djela prijavljena po nepoznatom počiniocu naknadno rasvijetljena. Od ukupnog broja krivičnih djela 7 je počinjeno na području opštine Tuzla, 5 Lukavca, 4 na području opštine Gračanica, a po jedno na području opština: Kladanj, Kalesija i Živinice. Treba napomenuti da je od strane nadležnog tužilaštva izvršena prekvalifikacija krivičnog djela pokušaja ubistva počinjenog u G.Dobošnici, opština Lukavac u julu 2010.g drvenom letvom; u krivično djelo ubistva, s obzirom da je od zadobijenih povreda žrtva podlegla. Sva krivična djela ubistava i ubistva u pokušaju su rasvijetljena, počinioci su poznati i protiv istih su dostavljeni izvještaji nadležnom tužilaštvu.
- 1 krivično djelo po čl.169. - čedomorstvo;
- 102 krivična djela po čl.172. - teška tjelesna ozljeda, od kojih su 33 krivična djela evidentirana na području PU Tuzla, a zatim slijede: Živinice - 15, Srebrenik - 11, Lukavac -8, Gračanica i Kalesija po 7, Gradačac - 6, Banovići, Doboj Istok i Kladanj po 4, Teočak- 2 i Sapna 1 krivično djelo. Broj krivičnih djela po čl.172 **manji je za 9 krivičnih djela ili 8,11 % u odnosu na 2009.godinu.**
- 237 krivičnih djela po čl.173. - lahke tjelesne povrede (Tuzla–110, Gračanica-30, Živinice–25, Kalesija - 17, ...);
- 21 krivično djelo po čl.174. - učestvovanje u tuči, počinjenih od strane 49 lica, od kojih je 7 maloljetnika, dok su 4 povratnika u vršenju krivičnih djela.

<sup>2)</sup> Tuzla –158, Živinice – 43, Gračanica - 40, Lukavac – 26, Kalesija-24, Srebrenik-22, MUP u sj. - 20, Gradačac -17, Kladanj - 11, Doboj Istok-11, Banovići-10, Teočak -6, Sapna – 1 krivično djelo

Pregled krivičnih djela - Ubistva - čl.166. KZ FBiH evidentiranih na području Tuzlanskog kantona u toku 2010.g.:

- Službenici MUP TK-a, PS Banovići su 26.12.2009.g. protiv jednog lica, rođenog 1972.g., podnijeli Izvještaj o krivičnom djelu po čl.166.st.1. – Ubistvo, zbog osnova sumnje da je 25.12.2009.g. oko 19,00 sati, u kuhinji u stanu u kojem stanuje, svojoj majci, rođenoj 1943.g., upotrebom sjekire i noža zadao neutvrđen broj udaraca u predjelu glave, usljed čega je kod iste od zadobijenih povreda nastupila smrt.

- Dana 01.01.2010.g. u mjestu Brlošci, opština Kladanj, u prizemlju njene kuće, sa povredama u predjelu glave, pronađeno je neživotno tijelo žene, rođene 1933.g. Službenici MUP TK-a su Kantonalnom Tužilaštvu TK podnijeli Izvještaj o krivičnom djelu protiv dva lica zbog postojanja osnova sumnje da je jedan od njih počinio krivično djelo - Ubistvo, po čl.166.st.1. KZ FBiH, tako što je dana 01.01.2010.g.u ranim jutarnjim satima upotrebom fizičke snage, rukama i nogama, nanio više povreda žrtvi od kojih je ista podlegla, a drugo lice zbog postojanja osnova sumnje da je počinio krivično djelo pomoću učinitelju poslije učinjenja krivičnog djela po čl.346.st.1. KZ FBiH.

- Dana 02.03.2010.g. službenici ovog Ministarstva su KT TK-a podnijeli Izvještaj o krivičnom djelu - Ubistvo; zbog postojanja osnova sumnje da su dva lica u naselju Gornja Kalesija, opština Kalesija, pored magistralnog puta M-4, Tuzla-Zvornik, dana 01.03.2010.g., oko 09,40 sati, nakon verbalnog, a potom i fizičkog sukoba između istih i žrtve koristeći metalnu šipku i automatsku pušku istog lišili života. Jedan od počinioca je osim krivičnog djela Ubistvo- po čl.166.st.1. KZ FBiH počinio i krivično djelo Nedoovoljeno držanje oružja ili eksplozivnih materija - po čl.371.KZ FBiH.

- Dana 31.07.2010.g. službenici ovog Ministarstva su KT TK-a uz Izvještaj o učinjenom krivičnom djelu po čl.166 st.1. KZ FBiH (ubistvo), predali B.E., rođ.1979.g. po zanimanju turistički tehničar, nezaposlen, zbog osnova sumnje da je 31.07.2010.g., oko 00,05 sati, u dvorištu kuće u Tuzli, nakon verbalne prepirke, nožem izvršio ubadanje više puta A.F., rođ.1986.g., koji je od zadobijenih povreda podlegao.

- Dana 03.08.2010.g. evidentirano je krivično djelo po čl.166.st.1. KZ FBiH (ubistvo) počinjeno ispred ulaza u DZ Živinice, dana 16.07.2010.g. oko 17,00 sati, ispred ulaza u DZ Živinice, tako što je nepoznato lice, mlađe starosne dobi sa udaljenosti od oko 10 metara iz pištolja call. 9 mm ispalilo oko 14 metaka u pravcu M.S., rođ.1966.g., nanijevši mu više ustrelnih i prostrelnih rana, usljed kojih je isti preminuo. Službenici ovog Ministarstva su uz Izvještaj o učinjenom krivičnom djelu po čl.166.st.1. KZ FBiH (ubistvo) nadležnom tužilaštvu predali A.S., rođ. 1996.g., a za počinjeno krivično djelo po čl.166. a u vezi sa čl.33. M.A. rođ.1993.g. i A.A., rođ.1993.g., zbog osnova sumnje da su isti izvršili pomaganje A.S. pri krivičnom djelu nad M.S.

- Dana 08.08.2010.g. službenici ovog Ministarstva su uz Izvještaj o učinjenom krivičnom djelu Ubistvo, po čl.166 st.1. KZ FBiH, nadležnom tužilaštvu predali T.Z., rođ.1979.g. po zanimanju dipl. kriminalista, zbog osnova sumnje da je 06.08.2010.g. u porododičnoj kući u mjestu D.Dubrave opš. Živinice, u jutarnjim satima, uz upotrebu vatrenog oružja (pištolja) lišio života svog oca T.I., rođ.1944.g. ispalivši mu jedan hitac na udaljenosti od oko 20 cm u predjelu glave, da bi zatim uredno složio pištolj u korice, ostavio ga na kuhinjski sto i pozvao policiju kojoj se i predao.

- Službenici ovog Ministarstva su uz Izvještaj o učinjenom krivičnom djelu Ubistvo, po čl.166 st.2. KZ FBiH predali S.A., rođ.1979.g., zbog osnova sumnje da je 11.08.2010.g. oko 14,50 sati u Tuzli, uz upotrebu noža i sjekire lišio života dajdžu M.R. rođ.1956.g., a nakon toga je sebi na obje ruke prerezao tetive, te se uputio u Dom Zdravlja gdje mu je ukazana ljekarska pomoć.

- Policijski službenici MUP TK-a su 25.08.2010.g. podnijeli Izvještaj o učinjenom krivičnom djelu Ubistvo - po čl.166 st.2. KZ FBiH, protiv J.M., rođ.1972.g., zbog osnova sumnje da je isti 25.08.2010.g u ranim jutarnjim satima izvršio provaljivanje u stan J.F., rođ.1976.g., koji su nakon njegovog ulaska napustili njihova maloljetna kćerka i dva lica, a zatim joj je nožem nanio niz ubodnih rana od kojih je J.F. podlegla.

- Službenici ovog Ministarstva su 10.12.2010.g. nadležnom Tužilaštvu podnijeli Izvještaj o učinjenom krivičnom djelu -Ubistvo- po čl.166 st.1. KZ FBiH, protiv jednog lica, rođ.1943.g., zbog osnova sumnje da je isti 09.12.2010.g oko 09,30 sati u naselju Čanići, pored magistralnog

puta M-18, opština Tuzla, nakon fizičkog obračuna, rođaku rođ.1940.g., zadao jedan udarac nožem u predjelu grudi, od kojeg je isti preminuo.

## **Organizovani i privredni kriminal**

U cilju što uspješnijeg suzbijanja i razotkrivanja krivičnih djela sa obilježjima organizovanog i privrednog kriminaliteta, tokom 2010.godine, službenici MUP-a TK su vršili operativno prikupljanje podataka iz ove oblasti, postupalo se kako po zahtjevima tužilaštva i zahtjevima po anonimnim predstavkama građana, tako i po prijavama „krimolovca“.

Kroz zaprimljene prijave najčešće se ukazivalo na zloupotrebe odgovornih lica u pravnim licima, javnim institucijama, javnim preduzećima i sl., vezano za nenamjensko trošenje sredstava, provođenje postupaka javnih nabavki, krivotvorenje dokumenata, prijevare u privrednom poslovanju, prevare, nesavjestnog rada, a u izvještajnom periodu posebno je bila izražena problematika računalne prevare i neovlaštenog pristupa zaštićenim sistemima i mrežama elektronske obrade podataka, kao i nezakonitosti vezano za kartično poslovanje.

Iz grupe **krivičnih djela protiv privrede, poslovanja i sigurnosti platnog prometa** u 2010.g., **evidentirano je 18 krivičnih djela, što je za 3 krivična djela manje u odnosu na 2009.godinu**, i to: 10 krivičnih djela po čl.268. – obmana pri dobijanju kredita ili drugih pogodnosti, 6 krivičnih djela po čl.251.–prijevara u privrednom poslovanju i 2 krivična djela po čl.247.-zloupotreba ovlasti u privrednim poslovanju.

Iz grupe **krivičnih djela protiv poreza** u toku 2010.g. nije bilo evidentiranih krivičnih djela.

Iz grupe krivičnih djela **protiv podmićivanja i krivičnih djela protiv službene i druge odgovorne funkcije evidentirano je 41 krivično djelo, što je za 5 krivičnih djela ili 13,89% više u odnosu na prošlu godinu**, i to: 19 krivičnih djela zloupotreba položaja ili ovlaštenja (čl.383.), 13 krivičnih djela nesavjestan rad u službi (čl.387.), 5 krivičnih djela krivotvorenja službene isprave (389.), 2 krivična djela pronevjera u službi (čl.384.) i 2 krivična djela posluga u službi (čl.386.).

Iz grupe krivičnih djela **protiv javnog reda i pravnog prometa evidentirano je 281 krivično djelo, što je za 121 krivično djelo ili 30,10% manje** u odnosu na 2009.godinu.

Iz grupe krivičnih djela **protiv sistema elektronske obrade podataka** evidentirana su **4 krivična djela** i to 3 krivična djela neovlaštenog pristupa zaštićenom sistemu i mreži elektronske obrade podataka (čl.397.), počinjena od strane 3 lica i 1 krivično djelo računalne prijevare (čl.395.).

U okviru rada službenika ovog Ministarstva, praćene su aktivnosti po više akcija od kojih su iz domena privrednog kriminaliteta najznačajnije: "Papyrus" - proizvodnja i stavljanje u promet krivotvorenog novca, akcija "Šuma", "Tank", gdje je vršeno prikupljanje operativnih saznanja i razmjena informacija sa drugim organima.

Pod sumnjom da se radi o falsifikatima, u izvještajnom periodu na području Tuzlanskog kantona oduzeto je 68 novčanica, i to: 22 novčanice u apoenu od 20 KM; 20 novčanica u apoenu od 100 KM; 18 u apoenu od 50 KM, 4 novčanice u apoenu od 100 EUR-a, 3 novčanice u apoenu od po 5 KM i jedna novčanica od 50 Eura. Broj pronađenih i privremeno oduzetih novčanica, pod sumnjom da se radi o falsifikatima, u odnosu na isti period prethodne godine, manji je za 130 komada ili 65,66 %.

Po Akciji "Papyrus" ostvarena jedobra saradnja sa ostalim policijskim agencijama u BiH, kao i sa Tužilaštvom BiH, vezano za predmetnu problematiku, što je uticalo na smanjenje broja krivičnih djela - Krivotvorenja novca - po čl.205. KZ FBiH u toku 2010.g. u odnosu na 2009.g. za 24 krivična djela ili 77,42%.

U izvještajnom periodu bila je izražena i problematika vezana za nezakonitosti prilikom realizacije kredita, uglavnom kod većeg broja mikro kreditnih fondacija, prijave koje se odnose na radno - pravni status lica posebno u sektoru obrazovanja, te je postupano po većem broju prijave koje se odnose na imovinske probleme građana, kao nezakonitosti oko izgradnje

značajnijih objekata u općinama Tuzla, Čelić, Lukavac, Živinice. itd., te nelegalne gradnje, gdje građani nakon što su svoja prava izgubili u parničnom postupku najčešće prijavljuju odgovorna lica u ministarstvima i općinskim službama koja rade na ovoj problematici.

Službenici Odjeljenja za borbu protiv privrednog kriminaliteta i korupcije MUP-a TK su u toku 2010.g. zaprimili na postupanje 174 zahtjeva tužilaštva, u vezi čega je istom dostavljeno 145 izvještaja o izvršenim provjerama, zaprimljena 21 prijava krimolovac, od čega je tužilaštvu dostavljeno 8 izvještaja o izvršenom krivičnom djelu i 7 izvještaja o izvršenim provjerama, zaprimljeno je 18 zahtjeva Komisije za borbu protiv korupcije Skupštine TK za vršenje provjera u vezi čega je tužilaštvu dostavljeno 9 izvještaja o izvršenim provjerama, te je u 78 slučajeva odgovoreno drugim policijskim agencijama u BiH, pravnim i fizičkim licima, od čega je prema SIPA-i postupano u 13 slučajeva, a realizovano je i 13 naredbi sudova gdje se uglavnom izuzimala finansijska dokumentacija u bankama, MKF, i dr.

U realizaciji poslova Odjeljenja za borbu protiv privrednog kriminaliteta i korupcije ostvarena je dobra saradnja sa svim policijskim agencijama u BiH, Upravom za inspeksijske poslove TK-a, Upravom za indirektno oporezivanje, Graničnom policijom i dr.

## Imovinski delikti

Iz grupe krivičnih djela protiv imovine evidentirano je 3.037 krivičnih djela, što čini 70,32% od ukupnog broja krivičnih djela. U 2010.godini, u oblasti krivičnih djela protiv imovine, evidentirano je 429 krivičnih djela ili 16,45% više u odnosu na 2009.godinu. Od ukupnog broja krivičnih djela protiv imovine, 421 krivično djelo je prijavljeno po poznatom, a 2.616 krivičnih djela po nepoznatom izvršiocu. Naknadno je rasvijetljeno 1.528 krivičnih djela, koja su prethodno prijavljena po nepoznatom učiniocu. **Procenat rasvijetljenosti krivičnih djela protiv imovine je 58,41%**. 35 krivičnih djela je učinjeno od strane lica sa područja drugog BH entiteta, a 3 krivična djela su učinili strani državljani. Ukupno je prijavljen 2.151 učinioc, od kojih je 1.073 povratnika u vršenju krivičnih djela. Slobode su lišena 284 lica.

Tabela 4. Pregled strukture imovinskih delikata za 2009/2010.g.

	Krađa	teška krađa	razbojnička krađa	Razbojništvo	Utaja	oduzimanje tuđe pokretne	protupravno zauzimanje nekretnina	oštećenje tuđe stvari	prijevarena	iznuda	prikrivanje	UKUPAN BROJ KD PROTIV IMOVINE
2009.g.	532	1440	2	114	25	31	3	286	103	25	28	2608
2010.g.	663	1705	3	98	29	38	2	332	85	13	47	3037
Razlika	131	265	1	-16	4	7	-1	46	-18	-12	19	429
Trend (%)	24,62	18,40	50,00	-14,04	16,00	22,58	33,33	16,08	17,48	-48,00	67,86	16,45

Najveći broj krivičnih djela iz oblasti imovine su **teške krađe** (čl. 287 KZ F BiH) – **1705**, koje čine **36,25% ukupnog broja evidentiranih krivičnih djela** u posmatranom periodu. U odnosu na 2009.godinu **broj krivičnih djela teške krađe veći je za 265 krivičnih djela ili 18,40%.**<sup>3)</sup> Od ukupnog broja krivičnih djela teške krađe, 43 krivična djela su prijavljena po poznatom, a 1662 po nepoznatom izvršiocu. **Naknadno su rasvijetljena 834 krivična djela prethodno prijavljena po nepoznatom učiniocu. Procenat rasvijetljenosti krivičnih djela teške krađe je 50,18%.**

<sup>3)</sup> Teške krađe po org.jed. MUP-a TK-a: Tuzla-781, Lukavac-212, Živinice-144, Gračanica-136, Srebrenik-103, Gradačac-94, Banovići-85, Kalesija-72, Kladanj-35, Sapna-18, Teočak-10, Doboj istok-9 i MUP sjedište-6 krivičnih djela.

**Tabela 5. Krivična djela protiv imovine (Glava XXV KZ F BiH) - po općinama TK**

	Banovići	Doboj istok	Gračanica	Gradačac	Kalesija	Kladanj	Lukavac	Sapna	Srebrenik	Teočak	Tuzla	Živinice	MUP-sjedište	UKUPNO
<b>2009.g.</b>	66	33	182	140	133	71	234	24	180	15	1268	228	34	<b>2608</b>
<b>2010.g.</b>	119	24	248	152	136	64	304	41	231	21	1389	276	32	<b>3037</b>
<b>RAZLIKA</b>	<b>53</b>	<b>-9</b>	<b>66</b>	<b>12</b>	<b>3</b>	<b>-7</b>	<b>70</b>	<b>17</b>	<b>51</b>	<b>6</b>	<b>121</b>	<b>48</b>	<b>-2</b>	<b>429</b>
<b>Trend(%)</b>	80,30	-27,27	36,26	8,57	2,26	-9,86	29,91	70,83	28,33	40,00	9,54	21,05	-5,88	<b>16,45</b>

Lica sa područja drugog BH entiteta su počinila 18 krivičnih djela teške krađe. Ukupan broj prijavljenih učinilaca je 1.558. Broj povratnika u izvršenju ovih krivičnih djela je 620. Slobode su lišena 172 lica.

Iz grupe imovinskih delikata, evidentirana su **663 krivična djela krađe** (čl.286 KZ FBiH), od čega 79 po poznatom i 584 po nepoznatom izvršiocu. **U odnosu na prošlu godinu evidentirano je povećanje broja krivičnih djela krađe za 131 ili 24,62%.** Naknadno je rasvijetljeno 419 krivičnih djela krađe. **Procenat rasvijetljenosti je 71,75%.** Od 724 prijavljena učinioca, 243 su povratnika u vršenju krivičnih djela.<sup>4)</sup>

U 2010.godini evidentirano je **98 krivičnih djela razbojništva** (čl.289. KZ FBiH), **što je za 16 krivičnih djela ili 14,04% manje u odnosu na 2009.godinu.**<sup>5)</sup> Od ukupnog broja razbojništava, samo 5 je prijavljeno po poznatom izvršiocu, dok su po nepoznatom izvršiocu prijavljena 93 slučaja razbojništva. **Naknadno je rasvijetljeno 55 krivičnih djela prethodno prijavljenih po nepoznatom učiniocu, tako da procenat rasvijetljenosti ovih krivičnih djela iznosi 59,14%.** Prijavljena su 83 učinioca, od kojih je 16 maloljetnika i 34 povratnika u vršenju krivičnih djela. Slobode je lišeno 21 lice.

Bitno je napomenuti, da na području Tuzlanskog kantona u 2010.godini, nisu evidentirana krivična djela razbojništva nad bankama.

Pored navedenih, težih oblika krivičnih djela protiv imovine, evidentirana su i slijedeća krivična djela iz ove oblasti: 3 krivična djela **razbojničke krađe** (čl.288. KZ FBiH), što je više za 1 krivično djelo ili 50,00% u odnosu na prošlu godinu; 29 krivičnih djela **utaje** (čl.290. KZ FBiH), što je za 4 krivična djela ili **16,00% više** u odnosu na 2009.godinu; 38 krivičnih djela **oduzimanje tuđe pokretnine** (čl.291. KZ FBiH), što je za 7 krivičnih djela ili **22,58% više** u odnosu na prošlu godinu; 2 krivična djela **protupravnog zauzimanja nekretnine od općeg značaja** (čl.292. KZ FBiH), što je manje za 1 krivično djelo ili 33,33% u odnosu na prošlu godinu, **332 krivična djela oštećenje tuđe stvari** (čl.293. KZ FBiH), što je za 46 krivičnih djela ili **16,08% više** u odnosu na 2009. godinu; **85 krivičnih djela prijevare** (čl.294. KZ FBiH), što je u odnosu na prošlu godinu **manje** za 18 krivičnih djela ili **17,48%**; **13 krivičnih djela iznude** (čl.295. KZ FBiH); **3 krivična djela ucjene** (čl.296. KZ FBiH); **1 krivično djelo zloupotrebe povjerenja** (čl.297. KZ FBiH); **47 krivičnih djela prikrivanja** (čl.300. KZ FBiH), **17 krivičnih djela paljevine** (čl. 301 KZ FBiH) i **1 krivično djelo zloupotrebe osiguranja** (čl. 302 KZ FBiH).

Na postojeće stanje u oblasti imovinskih delikata značajno utiče učešće velikog broja maloljetnika u izvršenju krivičnih djela, gdje se određeni broj maloljetnih lica pojavljuju kao višestruki povratnici u izvršenju pomenutih krivičnih djela, a što je naročito izraženo na području općina Tuzla, Gračanica, Srebrenik, Živinice, Kalesija, Gradačac, Lukavac i Banovići.

<sup>4</sup> Najveći broj krivičnih djela krađe prijavljen je na području Tuzle (324 krivična djela), a zatim slijede: Srebrenik-72, Živinice-70, Gračanica-49, Kalesija-34, Lukavac-33, Gradačac-30, Kladanj-17, Banovići-11, Sapna-9, Doboj Istok-8 i Teočak-6 krivičnih djela.

<sup>5</sup> Najveći broj KD-a razbojništva evidentiran je od strane PU Tuzla (53), zatim od PS Lukavac-16, PS Gračanica-8, PS Srebrenik-7, PS Živinice-5, MUP sjedište-3, PS Kalesija-2 i PS Gradačac, PS Sapna i PS Kladanj po 1 krivično djelo.

## Otuđenja motornih vozila

Na području Tuzlanskog kantona u toku 2010. godine **evidentirano je i dokumentovano 181 otuđenje motornih vozila**. U odnosu na prethodnu godinu broj otuđenja motornih vozila je povećan za 44 ili 32,12%.


Operativnim radom ovlaštenih službenika Ministarstva unutrašnjih poslova Tuzlanskog kantona otkriveni su počinioci za 28 otuđenih motornih vozila ili 15,47%, a nadležnim tužilaštvima je prijavljeno 49 učinioca, od čega 5 maloljetnika i 12 povratnika u izvršenju krivičnih djela.

**Tabela 6. Otuđenja motornih vozila**

	2010.g.	2009.g.	RAZLIKA	Trend %
Otuđeno motornih vozila	181	137	44	32,12
Riješeno – otkriven izvršilac	28	31	-3	-9,68
Riješeno – otkriven izvršilac %	15,47	22,63	-7,16	-31,63
Broj prijavljenih učinilaca	49	46	3	6,52
Broj prijavljenih maloljetnika	5	18	-13	-72,22
Broj prijavljenih povratnika-recedivista	12	24	-12	-50,00


Analizirajući problematiku otuđenja motornih vozila,<sup>6</sup> može se uočiti da se najveći broj otuđenja dogodio u januaru, julu i decembru, a da je najviše otuđenih vozila marke VW (111 ili 31,33%). Takođe se može uočiti, da se najveći broj otuđenja motornih vozila događa na području općine Tuzla, gdje je i najveća koncentracija stanovništva i frekvencija kretanja vozila.

**Broj otuđenja motornih vozila po općinama za 2010.godinu**



<sup>6</sup> Na području općine Tuzla otuđeno je 91 motorno vozilo, zatim slijede: Lukavac-32, Živinice-15, Kalesija i Gračanica po 11, Gradačac i Banovići po 7, Doboj Istok-4, Kladanj-2 i Srebrenik-1 otuđenje pmv. Najveći broj otuđenih vozila je marke VW - 111, Škoda-19, Mercedes-15, Audi-14, BMW-8, Opel-6 i dr.

Broj prijavljenih otuđenja motornih vozila  
po mjesecima za 2010.godinu



## Narkomanija

Iz grupe krivičnih djela protiv zdravlja ljudi **evidentirano je 225 krivičnih djela, što je za 15 krivičnih djela više u odnosu na prošlu godinu.**

Od ukupnog broja krivičnih djela, 81 krivično djelo je evidentirano po čl.238 (**neovlašćena proizvodnja i stavljanje u promet opojnih droga**), što je za **13 krivičnih djela ili 19,12% više** u odnosu na 2009.g.; dok su 144 krivična djela evidentirana po čl.239. (**posjedovanje i omogućavanje uživanja opojnih droga**), što je za **3 krivična djela ili 2,13% više** u odnosu na 2009.godinu. Ukupan broj prijavljenih lica obuhvaćenih ovim Izvještajima **manji je za 2 ili 0,97%**, u odnosu na 2009.g.

Radeći na sprečavanju i suzbijanju krivičnih djela neovlašćene proizvodnje, korištenja i stavljanja u promet opojnih droga, službenici ovog Ministarstva su 27.01.2010.g. Kantonalnom tužlaštvu Tuzla podnijeli Izvještaj o krivičnom djelu protiv jednog lica zbog osnova sumnje da je u periodu od 16.01.2010.g. do februara 2010.g. izvršio četiri prodaje opojne droge Marihuana-Skank i zbog toga što je u svom stanu držao opojnu drogu Marihuana-Skank, iz čega proizilaze osnove sumnje da je isti počinio 5 krivičnih djela neovlašćene proizvodnje i stavljanja u promet opojnih droga po čl.238.st.1. KZ FBiH.

Službenici Tima za suzbijanje zloupotrebe narkotika su nastavili aktivnu saradnju sa policijskim agencijama, kako na nivou FBiH, tako i na nivou cijele države BiH, te je u saradnji sa SIPA-om i DGS-om nastavljena razmjena informacija vezanih za međudržavne i međuentitetske transporte narkotičkih sredstava.

Sarađujući sa policijom RS-a, CJB Doboje, koji su lišili slobode lica sa područja Tuzlanskog kantona, službenici Odjeljenja za posebne namjene MUP TK-a, su zajedno sa službenicima PS Gračanica izvršili pretres više lokacija koje koristi predmetno lice i tom prilikom su izuzeli pištolj i manju količinu zeljaste materije koja svojim izgledom asocira na Marihuanu.

Službenici MUP TK-a su u toku maja 2010.g., nakon više mjesečnih operativno-taktičkih radnji, realizirajući operativni plan, izvršili na desetine pretresa, izuzeli brojne predmete koji se dovode u vezu sa izvršenjem krivičnih djela zloupotrebe narkotičkih sredstava, te narkotička sredstva, dok je više lica koja su bili predmet navedenih pretresa predato Tužilaštvu TK, nakon čega im je određena mjera pritvora.

**Tabela 7.a) Krivična djela iz oblasti narkomanije 2009/2010.g.**

Period	Broj izvještaja o krivičnom djelu	Broj krivičnih djela obuhvaćenih izvještajima o krivičnom djelu		Broj lica obuhvaćenih izvještajima o krivičnom djelu			Broj učinilaca	Broj lica lišenih slobode	
		238.- naovlašćena proizvodnja i stavljanje u promet opojnih droga	239.- posjedovanje i omogućavanje uživanja opojnih droga	Ukupno	Od toga maloljetnika	Od toga povratnika		Ukupno	Od toga zadržavanje do 24 sata
2009.g.	186	68	141	206	5	93	226	158	126
2010.g.	178	81	144	204	9	81	236	121	60
Razlika	-8	13	3	-2	4	-12	10	-27	-66
Trend (%)	-4,30	19,12	2,13	-0,97	80,00	-12,90	4,42	-17,09	-52,38

Službenici MUP TK-a, Odjeljenja za posebne namjene su u septembru 2010.g. u Tuzli, nakon pretresa kuće i ostalih prostorija, od lica koje ih koristi izvršili oduzimanje 20,910 gr opojne droge Marihuane-Skank; 1,899 gr Amfetamina-Speeda, kao i pištolj marke call 7,62 mm sa 11 komada metaka call 7,62 mm i 1 minobacačku granatu call 60 mm, te istog uz sačinjen izvještaj o krivičnom djelu po čl.238. st.1. (neovlašćena proizvodnja i stavljanje u promet opojnih droga), predali nadležnom tužilaštvu. Pored oduzetih narkotičkih sredstava, službenici ovog Ministarstva su oduzeli i veću količinu mobilnih telefona, SIM kartica, bankovnih kartica, centralnih jedinica računara, te razne dokumentacije koja se dovodi u vezi sa izvršenjem krivičnih djela iz oblasti neovlašćene proizvodnje, korištenja i stavljanja u promet opojnih droga.

U toku 2010.g. na području Tuzlanskog kantona evidentirana su 4 smrtna slučaja lica koja su registrovani kao korisnici narkotičkih sredstava.

**Tabela 7.b) Oduzete količine narkotičkih sredstava**

Vrsta narkotičkih sredstava	2009. g.	2010. g.
Heroin (gr)	35,161	249,513
Heroin u šprici (ml)	1,1	1,1
Heroin (komada)	4	26
Kokain (gr)	1460,873	13,027
Cannabis – Marihuana (gr)	225,574	888,749
Cannabis – Marihuana (kom)	8	10
Hašiš (kom)	2	
stabljike Cannabisa (gr)	21,639	3722,106
stabljika Cannabisa (kom)	146	42
sjemenke Cannabisa (kom)	230	6,388
sjemenke Cannabisa (kom)	304	115
Speed (gr)	4,101	4,91
Speed (ml)	0,033	
Speed (kom)	1	
Amfetamin (gr)	2,977	10,059
Amfetamin (kom)	1	2
Ostalo (gr)	1305,236	
Ostalo (kom)	6	260,49

Za materiju u količini od 260,49 gr koja je navedena pod rubrikom "ostalo" vještačenjem je utvrđeno da se radi o smjesi Paracetamola i Kofeina koja služi kao smjesa za mješanje sa Heroinom.

Problem konzumiranja tzv. teških droga, kao što je heroin, na području TK, prati trend prisutan na području cijele BiH i pod snažnim je uticajem dešavanja u susjednim državama. S obzirom na međunarodni karakter nezakonitog prometa narkotičkih sredstava, problem narko-kriminala može se jedino rješavati zajedničkim i koordiniranim angažovanjem svih policijskih struktura na državnom nivou i razmjenom informacija sa policijskim strukturama drugih zemalja, a posebno zemalja u okruženju.

Realizujući ciljeve MUP-a TK-a za 2010. godinu, a vezano za razmjenu informacija koje se odnose na međudržavne i međuentitetske transporte narkotičkih sredstava nastavljena je **saradnja sa službenicima Federalnog MUP-a, SIPA-e i DGS-a, te MUP-a RS-a.**

### **Trgovina ljudima – prostitucija**

Iz grupe **krivičnih djela protiv spolne slobode i morala** u 2010.g. evidentirano je **27 krivičnih djela**, što je za **2 krivična djela manje** u odnosu na 2009.g. i to: 7 krivičnih djelovanja silovanja (čl.203.); 8 krivičnih djela bludne radnje (čl.208.); 6 krivičnih djela spolni odnošaj sa djetetom (čl.207.); 3 krivična djela navođenje na prostituciju (čl.210.); 2 krivična djela spolni odnošaj s nemoćnom osobom i 1 krivično djelo upoznavanje djeteta s pornografijom (čl.212.).

Sva krivična djela su rasvijetljena, počinioci su poznati i protiv istih su nadležnim Tužilaštvima dostavljeni Izvještaji o krivičnom djelu.

U toku 2010.g. na poručju TK, službenici ovog ministarstva su podnijeli 7 izvještaja o krivičnom djelu protiv 7 lica zbog osnova sumnje da su izvršili 7 krivičnih djela silovanja, od čega je jedno krivično djelo počinjeno nad maloljetnicom (rođ.1996.g.). Treba napomenuti da su počinioci 2 krivična djela, u toku noći, izvršili provaljivanje u kuću u kojoj stanuju žrtve, i uz primjenu sile i prijetnje nožem izvršili silovanje, dok je u jednom slučaju žrtva muškarac rođ.1977.g. Krivična djela silovanja su izvršena na području opština Tuzla (2), te Kladnja, Lukavac, Doboj Istok, Gradačac, Kalesija (po 1 krivično djelo).

Sva krivična djela silovanja počinjena u toku izvještajnog perioda su rasvijetljena i svi počinioci su lišeni slobode.

Zbog osnova sumnje da su u julu i avgustu 2010.g., u iznajmljenom stanu u Tuzli, više puta imali seksualne odnose sa djetetom, rođenom 1997.g., i time počinili krivično djelo po čl.207. KZ FBiH – spolni odnošaj sa djetetom, službenici ovog ministarstva su nadležnom tužilaštvu protiv dva lica rođ. 1952.g. i 1964.g. podnijeli izvještaj o krivičnom djelu.

U izvještajnom periodu službenici Odjeljenja za posebne namjene MUP-a TK su podnijeli 3 Izvještaja o počinjenom krivičnom djelu po čl.210. KZ FBiH (navođenje na prostituciju) protiv 5 lica, od kojih su 2 povratnika u vršenju krivičnih djela, zbog osnova sumnje da su u zadnjih 5 godina više ženskih osoba, od kojih su neke maloljetne, navodili na pružanje seksualnih usluga, tako što su djevojkama pronalazili potencijalne klijente koji su za novčani iznos od 50-100 KM koristili seksualne usluge, a veći dio novčanog iznosa uzimali za sebe, i tako stekli znatnu protivpravnu imovinsku korist. Pored navedenog osumnječeni su uz predhodni dogovor sa drugim licima od kojih su neki vlasnici ugostiteljskih objekata, obezbjeđivali i prostorije u kojima su se pružale seksualne usluge, među kojima su i motel "Stoglav" poznatiji kao motel "AS", lociran u neposrednoj blizini Srebrenika, motel "Adman", lociran u naselju Mihatovići – opština Tuzla, ugostiteljski objekat "Las Vegas" u Kladnju, motel "Royal" u Čeliću, kao i privatnim stanovima i porodičnim kućama.

Upoređujući podatke za 2010.g. sa 2009.g., sa stanovišta brojnosti krivičnih djela navođenja na prostituciju, uočiti ćemo da je došlo do znatnog smanjenja tj. evidentirano je smanjenje za 6 krivičnih djela, što je posljedica provođenja niza represivnih mjera i pojačanog rada policije na terenu, kao i okončanja određenog broja predmeta osuđujućim presudama, praćenih i pisanjem medija i prikazivanjem priloga iz ove problematike putem sredstava javnog informisanja. Za očekivati je da će u narednom periodu doći do pojave novih oblika

organizovanog kriminaliteta u vezi sa trgovinom ljudima, posebno kada se radi o "transferu" ženskih osoba između vlasnika ugostiteljskih objekata, kako na području kantona tako i šire, pod izgovorom zapošljavanja kao radnica.

Nastavljajući aktivnosti na dokumentovanju krivičnih djela organizovanog kriminala u vezi sa krivičnim djelom krijumčarenje ljudima, u toku 2010.g., po naredbama Tužilaštva BiH, poduzeto je niz mjera i radnji kriminalističko operativnog karaktera i radnji dokazivanja, što je rezultiralo podnošenjem izvještaja za 4 krivična djela po čl.250. KZ FBiH (organizirani kriminal), protiv 6 lica, od kojih je 1 povratnik u vršenju krivičnih djela.

Kao dobar primjer suzbijanja krivičnih djela Organizovanog kriminala, je i predmet ;"Hamzabeg", koji je iniciran i od strane službenika Tima za borbu protiv trgovine ljudima MUP-a TK, a kasnije je u saradnji sa Federalnom upravom policije, Odjelom za borbu protiv organiziranog i međukantonalnog kriminala pod nadzorom Tužilaštva BiH, a po naredbama Suda BiH, izvršen i pretres 10 lokacija (privatne kuće, stanovi, poslovni prostori i drugog..), te je tom prilikom privedeno 10 osoba, od kojih je nakon kriminalističke obrade 5 osumnjčenih zadržano u pritvoru Suda BiH.

### **Ostala krivična djela iz KZ-a FBiH**

Iz grupe **krivičnih djela protiv slobode i prava čovjeka i građana** registrovano je **112** krivičnih djela, što je za **36 krivičnih djela ili 47,37% više** u odnosu na isti period 2009.g.

Iz grupe krivičnih djela **protiv braka, porodice i mladeži** evidentirano je **147 krivičnih** djela i to: 127 krivičnih djela po čl.222. (nasilje u porodici)<sup>7)</sup>, 10 krivičnih djela po čl.216. (izvanbračna zajednica sa mlađim maloljetnikom), kao i 4 krivična djela po čl.223. (izbjegavanje izdržavanja), 3 krivična djela po čl.217 (oduzimanje djeteta ili maloljetnika) i 3 krivična djela po čl.219. (zapuštanje ili zlostavljanje djeteta ili maloljetnika).

Iz grupe **krivičnih djela protiv radnih odnosa** evidentirano je 1 krivično djelo, i to povreda prava iz radnog odnosa (čl.280.).

Iz grupe **krivičnih djela protiv okoliša, poljoprivrede i prirodnih dobara** evidentirano je 37 krivičnih djela, od čega 31 krivično djelo po čl.316. (šumska krađa); 4 krivična djela po čl.319. (protuzakoniti lov) i po 1 krivično djelo po čl.315. (pustošenje šume) i po čl.318. (mučenje i ubijanje životinja).

Iz grupe **krivičnih djela protiv opće sigurnosti ljudi i imovine** evidentirano je 58 krivičnih djela, od čega 50 po čl.323. (izazivanje opće opasnosti); 7 krivičnih djela po čl.327. (nesavjesno čuvanje pasa i drugih opasnih životinja) i 1 krivično djelo po čl.324. (uništenje ili oštećenje važnih objekata ili javnih naprava).

Iz grupe **krivičnih djela protiv sigurnosti javnog prometa** evidentirano je 257 krivičnih djela, od čega 148 krivičnih djela po čl.336. (teška djela protiv sigurnosti javnog prometa), 72 krivična djela po čl.332. (ugrožavanje javnog prometa), 32 krivična djela po čl.333 (ugrožavanje javnog prometa zbog omamljenosti), i dr.

Iz grupe **krivičnih djela protiv pravosuđa**, u 2010.godini, evidentirano je 26 krivičnih djela, od čega 22 krivična djela lažno prijavljivanje (čl.347.), 2 krivična djela davanje lažnog iskaza (čl.348) i po 1 krivično djelo pomoć učinitelju poslije učinjenog krivičnog djela (čl.346.) i neizvršavanje sudske odluke (čl.351.).

### **Maloljetnička delikvencija**

U 2010. godini evidentirana su **442 krivična djela počinjena od strane maloljetnih lica, što je za 17 krivičnih djela ili 3,71% manje u odnosu na prošlu godinu. Broj učinilaca koji su učestvovali u izvršenju ovih krivičnih djela je 615, što je za 38 učinioca ili 5,82% manje u odnosu na 2009.godinu.** U ukupnoj strukturi prijavljenih učinilaca krivičnih djela, maloljetnika je 12,30%.

---

<sup>7</sup> Tuzla - 45, Živinice - 20, Gradačac - 19, Kalesija - 12, Srebrenik - 8, Gračanica - 6, Kladanj - 6, Lukavac - 3, Banovići - 2, Sapna - 2, Teočak - 2 i Doboj Istok i MUP u sj. - po 1 krivično djelo

Posmatrano po općinama problematika maloljetničke delikvencije najizraženija je na području općine **Tuzla (171 krivično djelo)**, što čini 36,69% od ukupnog broja krivičnih djela koja su počinili maloljetnici; a zatim slijede: **Gračanica (59); Srebrenik (58), Živinice (42)** i dr.

**Tabela 8a. Krivična djela koja su počinili maloljetnici u 2009./2010.g.**

Period	Broj KD-a počinjenih od strane maloljetnika	Broj maloljetnih učinilaca u vršenju KD-a
2009.g.	459	653
2010.g.	442	615
<b>razlika</b>	<b>-17</b>	<b>-38</b>
<b>trend %</b>	<b>-3,70</b>	<b>-5,82</b>

Analizirajući strukturu krivičnih djela učinjenih od strane maloljetnika, uočeno je da maloljetnici najviše učestvuju u izvršenju krivičnih djela protiv imovine, gdje je zbog izvršenja ovih krivičnih djela prijavljeno 347 maloljetnih lica, od čega je zbog izvršenja krivičnih djela teške krađe prijavljeno 166, krađe 97, oštećenje tuđe stvari 52, razbojništva 16 maloljetnih lica; itd. **Evidentirani su slučajevi u kojima se maloljetna lica pojavljuju u izvršenju teških krađa na drzak i opasan način, gdje su uz upotrebu fizičke sile, oduzimali od drugih lica telefone ili novac.**

Kao što se iz prezentiranih pokazatelja može uočiti, u toku 2010. godine, na području Tuzlanskog kantona **smanjen je broj krivičnih djela izvršen od strane maloljetnih lica**, a smanjen je i ukupan broj maloljetnih učinilaca krivičnih djela. Ovi pokazatelji ohrabruju i ukazuju da su nastojanja i aktivnosti koje preduzima policija Tuzlanskog kantona, u saradnji sa drugim kantonalnim, općinskim i nevladinim strukturama urodili plodom.

Službenici ovog Ministarstva, Odjeljenja za borbu protiv maloljetničke delikvencije i nasilja u porodici su u proteklom periodu izvršili obilazak i održali edukativna predavanja u više Srednjih škola na području TK, dok su u sklopu projekta "Smanjimo kriminal mijenjajući stavove" u Osnovnim školama na području Tuzlanskog kantona održali niz radionica sa učenicima V-VIII razreda i njihovim roditeljima.

U sklopu sprovođenja aktivnosti za borbu protiv maloljetničke delikvencije na području opštine Tuzla, u aprilu 2010.g., uspostavljen je Centar za maloljetne delikvente.

**Tabela 8b. Učešće maloljetnika u ukupnom kriminalitetu**

	2009.g.	2010.g.
Ukupan broj krivičnih djela	4464	4703
Broj KD-a koja su počinili maloljetnici	459	442
<b>učešće %</b>	<b>10,28</b>	<b>9,40</b>

Osim edukacije roditelja, nastavnog osoblja i maloljetnih lica, posebnu pažnju treba usmjeriti i na sve izraženiji problem nedoličnog i neprimjerenog ponašanja mladih osoba, kako u porodici, školama, tako i na javnim mjestima. Sve ovo predstavlja potencijalnu opasnost za „regrutovanje“ novih profesionalnih kriminalaca i nasilnika u skoroj budućnosti i svega onog što iz toga prozilaži.

### **Osobe ženskog spola kao počinioci ili žrtve krivičnih djela**

U toku 2010.godine, na području Tuzlanskog kantona, **156 osoba ženskog pola**, od kojih je 18 maloljetnica, počinile su **152 krivična djela**. U odnosu na ukupan broj evidentiranih krivičnih djela (4703), osobe ženskog pola su počinioci u **3,23% krivična djela**. Po strukturi učinjenih krivičnih djela osobe ženskog pola najčešće čine krivična djela protiv imovine (Glava XXV – KZ FBiH) i to 62 krivična djela.

**Nad 765 osoba ženskog pola**, od kojih je 51 maloljetnica, počinjeno je **737 krivičnih djela**, što je **15,67 % od ukupnog broja** evidentiranih krivičnih djela.

U odnosu na 2009.godinu broj krivičnih djela počinjenih nad ženama je veći za **136 ili 22,22 %**, a **broj žena žrtava krivičnih djela je veći za 228 ili 42,46%**.

Tokom 2010.godine, nad osobama ženskog pola izvršena su sljedeća krivična djela: 4 krivična djela ubistva (čl.166.); 1 krivično djelo ubistvo u pokušaju (čl.166. u vezi sa čl.28.); 12 krivičnih djela teške tjelesne ozljede (čl.172.); 34 krivična djela lahke tjelesne ozljede (čl.173.); 1 krivično djelo učestvovanje u tuču (čl.174.), 6 krivičnih djela silovanje (čl.203.); 3 krivična djela navođenje na prostituciju (čl.210.); 108 krivičnih djela krađe (čl.286.); 238 krivičnih djela teške krađe (čl.287.); i dr.

Shodno „Strateškom planu za prevenciju Nasilja u porodici za FBiH 2009-2010 godinu“, koji je donijela Vlada Federacije BiH, a prema postavljenim ciljevima i planiranim aktivnostima iz Strategije, određuju se obaveze i Kantonalnih ministarstava unutrašnjih poslova za formiranje jedinstvene baze podataka za krivično djelo „Nasilje u porodici“.

Na osnovu gore navedenog, a za potrebe Odjeljenja napravljen je Program za registraciju izvršilaca i žrtava krivičnih djela Nasilja u porodici na osnovu kojeg će se formirati jedinstvena baza podataka za krivično djelo, kojom prilikom će se imati detaljni podaci o broju počinjenih krivičnih djela Nasilja u porodici, starosnoj, obrazovnoj, socijalnoj i drugoj strukturi izvršioca kao i žrtava ovog krivičnog djela kako na pojedinim općinskim područjima, tako i na području TK.

Iako ih je teško definisati, kao mogući uzroci problema nasilja nad ženama mogu biti: patrijarhalni odgoj koji tretira ženu kao vlasništvo, materijalna ovisnost žrtve, uticaj alkohola i dr.

Na području Tuzlanskog kantona, kao rezultat inicijative četiri organizacije koje se bave problemima žena (Amica prijateljice, Amica Educa, Viva žene Tuzla i Sumeja Živinice), formirana je i funkcioniše radna grupa „Zaštitimo žene i djecu“, sa ciljem pružanja adekvatne podrške i zaštite ženama i djeci, žrtvama raznih oblika krivičnih djela.

### **KRIMINALISTIČKA TEHNIKA**

Aktivnosti kriminalističke tehnike, u toku 2010. godine, bile su usmjerene na pronalaženje, fiksiranje i prikupljanje tragova na mjestu izvršenja krivičnih djela, kriminalističko-tehničkoj obradi lica mjesta krivičnih djela i drugih poslova i zadataka iz domena kriminalističke tehnike. U toku izvještajnog perioda od strane kriminalističke tehnike, između mnogih drugih poslova i zadataka, izvršeno je **4.616 uviđaja**, pronađeno je **10.299 tragova**, **fotografisano 4.759 i skicirano 515 lica mjesta**, izvršeno je **1039 vještačenja**, od čega se **208 vještačenja odnosi na oblast proizvodnje i prometa opojnih droga**, **daktiloskopirano je 158 lica**, dok je po otiscima **identifikovano 41 nepoznato lice i 9 nepoznatih leševa**. Izvršeno je **6.813 analiza**, od čega je **1260 analiza izvršeno u oblasti proizvodnje i prometa opojnih sredstava**. Službenici Odjeljenja kriminalističke tehnike MUP-a TK izvršili su **209 preventivnih KDZ pregleda**, **4 vještačenja koji se odnose na prisustvo eksplozivne naprave**, **11 uviđaja dojava o podmetanju minskoeksplozivnih naprava**, **30 izuzimanja NUS-a**, **38 uviđaja nakon anonimnih dojava o bombi i 5 pretresa i dr.**

Kao članovi Državne komisije za traženje nestalih, odnosno kao članovi ekspertnog tima Kantonalnog suda u Tuzli, službenici kriminalističke tehnike MUP-a TK nastavili su rad na prepoznavanju posmrtnih ostataka i kriminalističko-tehničkim vještačenjima posmrtnih ostataka lica ekshumiranih iz masovnih grobnica. Obradom navedenih skeletnih ostataka u sjedištu Sudske medicine UKC Tuzla identifikovano je 713 osoba.

## OCJENA STANJA KRIMINALITETA

Shodno iznesenim pokazateljima stanja kriminaliteta može se konstatovati da je u toku 2010.godine na području Tuzlanskog kantona evidentirano 5,35% više krivičnih djela u odnosu na 2009.godinu. Intenzivirane su preventivne i represivne mjere i aktivnosti na suzbijanju, sprečavanju i otkrivanju svih oblika kriminaliteta, a posebno u oblasti imovinskih delikata, borbe protiv narkomanije, maloljetničke delikvencije, privrednog i drugih oblika organizovanog kriminala.

Posmatrano po strukturi, u izvještajnom periodu je **došlo do povećanja broja krivičnih djela protiv imovine za 429 krivičnih djela ili 16,45%, krivičnih djela protiv braka, porodice i mladeži za 37 krivičnih djela ili 33,64%, krivičnih djela protiv slobode i prava građana za 36 krivičnih djela ili 47,37%, te krivičnih djela protiv zdravlja ljudi, gdje je evidentirano povećanje za 15 krivičnih djela ili 7,14%, krivičnih djela protiv podmićivanja i krivičnih djela protiv službene i druge odgovorne funkcije za 5 krivičnih djela ili 13,89% i dr.**, dok je smanjen broj krivičnih djela protiv javnog reda i pravnog prometa za 121 krivično djelo ili 30,10%, krivičnih djela protiv sustava elektronske obrade podataka za 82 krivična djela ili 95,35%, krivičnih djela protiv života i tijela za 41 krivično djelo ili 9,53% i dr.

Ako se analiziraju složeniji i teži oblici krivičnih djela, može se uočiti **povećanje broja krivičnih djela teških krađa, neovlaštene proizvodnje i stavljanja u promet opojnih droga, nesavjestnog rada u službi, ugrožavanja javnog prometa, napada na službenu osobu u vršenju poslova sigurnosti i dr.**, a uočeno je **smanjenje broja krivičnih djela krivotvorenja isprave, nasilničkog ponašanja, krivotvorenja novca, izazivanja opće opasnosti, nedozvoljenog držanja oružja ili eksplozivnih materija, razbojništva i dr.**

Posebno ohrabruje činjenica da je smanjen broj krivičnih djela izvršen od strane maloljetnih lica, kao i ukupan broj maloljetnih lica - učinilaca krivičnih djela.

**Tokom izvještajnog perioda konstantno je ostvarivan visok procenat otkrivenosti krivičnih djela prijavljenih po nepoznatom učiniocu, koji za izvještajni period iznosi 59,51%, dok je ukupan procenat rasvijetljenosti krivičnih djela 75,53%.**

Posmatrano sa aspekta brojnosti, strukture i težine krivičnih djela, a uvažavajući objektivne i subjektivne uticajne faktore, može se konstatovati da je stanje kriminaliteta na području Tuzlanskog kantona još uvijek složeno i da postoji stalna potencijalna opasnost za intenziviranje negativnih trendova pojedinih vrsta krivičnih djela ili pojavu novih oblika kriminaliteta, posebno tzv. kompjuterskog kriminala. S tim u vezi, bez obzira na dobre rezultate službenika policije ovog Ministarstva u suočavanju sa raznim vrstama kriminala, još jednom ćemo ukazati na one faktore koji značajno doprinose složenosti i negativno utiču na stanje u oblasti kriminaliteta kao što su: međunarodna organizovanost i uvezanost kriminalaca; neadekvatna opremljenost policijskih struktura savremenom i specijalističkom opremom; razjedinjenost policijskih snaga na nivou države; dugotrajni sudski postupci i neadekvatna kaznena politika prema počiniocima teških krivičnih djela i višestrukim povratnicima u izvršenju krivičnih djela; neefikasnost u sankcionisanju maloljetnih učinilaca krivičnih djela; saradnja građana sa policijom još uvijek nije na potrebnom nivou, posebno kada se radi o pružanja adekvatnih i blagovremenih informacija o učiniocima krivičnih djela i dr.

## JAVNI RED I MIR

Realizujući planirane i vanredne zadatke iz djelokruga rada u toku 2010. godine organizacione jedinice Ministarstva unutarnjih poslova Tuzlanskog kantona evidentirale su ukupno **2.701** događaj u kojem je došlo do narušavanja javnog reda i mira, od čega je 1.149 narušavanja javnog reda i mira sankcionisano zahtjevima za pokretanje prekršajnog postupka, dok su 1.552 događaja sankcionisana izdavanjem prekršajnih naloga. Od ukupnog broja prijavljenih događaja **142 su okarakterisana kao teži oblik** narušavanja javnog reda i mira.

Pregled podataka o broju događaja narušavanja JRiM-a kao i trend kretanja u odnosu na 2009.godinu po općinama Tuzlanskog kantona može se vidjeti iz slijedeće tabele:

**Tabela 9. Trend događaja narušavanja JRiM-a za 2010.g./ 2009.g.**

	Banovići	Čelić	Doboј-Istok	Gračanica	Gradačac	Kalesija	Kladanj	Lukavac	Sapna	Srebrenik	Teočak	Tuzla	Živinice	Ukupno
2009.g	186	87	66	259	182	232	93	385	33	274	44	460	455	2756
2010.g	145	72	66	229	161	216	86	367	37	272	33	560	457	2701
razlika	-41	-15		-30	-21	-16	-7	-18	4	-2	-11	100	2	-55
Razlika %	-22,0	-17,2	0,0	-11,6	-11,5	-6,9	-7,5	-4,7	12,1	-0,7	-25,0	21,7	0,4	-2,0

Na osnovu prezentiranih podataka vidi se, da je najveći broj narušavanja javnog reda i mira evidentiran na području općine Tuzla – 560, zatim Živinice – 457, Lukavac – 367, Srebrenik – 272, Gračanica – 229, Kalesija – 216, Gradačac – 161, Banovići – 146, itd. Najveći broj težih oblika narušavanja javnog reda i mira evidentiran je na području opštine Tuzla – 77 (54,2% od ukupnog broja težih oblika narušavanja), zatim slijede Gračanica i Lukavac po 20, Živinice - 13 itd...

Dokumentujući navedene događaje u kojima je došlo do narušavanja javnog reda i mira službenici policije su evidentirali **3.085 prekršaja** što je u odnosu na 2009.g. **manje za 69 prekršaja ili 2,2%**. Od ukupnog broja evidentiranih prekršaja **1.743 prekršaja** (ili 56,5% ukupnog broja prekršaja) sankcionisano je prekršajnim nalogima, dok je **1.342 prekršaja** (43,5%) sankcionisano zahtjevima za pokretanje prekršajnog postupka.

**Tabela 10. Prekršaji narušavanja JRiM-a za 2010.g./2009.g.**


	Banovići	Čelić	Doboј-Istok	Gračanica	Gradačac	Kalesija	Kladanj	Lukavac	Sapna	Srebrenik	Teočak	Tuzla	Živinice	Ukupno
2009.	211	84	84	304	243	327	165	385	39	337	44	469	462	3154
2010.	211	74	98	307	216	260	131	367	49	321	33	561	457	3085
Razlika		-10	14	3	-27	-67	-34	-18	10	-16	-11	92	-5	-69
razlika %	0,0	-11,9	16,7	1,0	-11,1	-20,5	-20,6	-4,7	25,6	-4,7	-25,0	19,6	-1,1	-2,2

Po strukturi prekršaja evidentirano je:

- tuče i fizički napadi – **1.024 prekršaja**, što je u odnosu na 2009.g. **više za 77 prekršaja ili 8,1 %**,
- naročito drsko ponašanje – **1.002 prekršaja**, što je u odnosu na isti period prošle godine **manje za 50 prekršaja ili 4,8%**,
- odbijanje naređenja i omalovažavanje policijskih službenika – **341 prekršaj**, što je u odnosu na 2009.g. **više za 15 prekršaja ili 4,6%**,
- neovlaštena upotreba vatrenog oružja – **25 prekršaja**, što je za **19 prekršaja ili 43,2% manje** nego u toku 2009.g.,
- ostalih prekršaja po Zakonu o JRM – **278 prekršaja**, što je za **14 prekršaja ili 5,3% više** nego u 2009.g.
- po odlukama Općinskih Vijeća – **154 prekršaja**, što je za **84 prekršaja ili 35,3% manje** nego u toku 2009.g.,
- prosjačenje – **90 prekršaja**, što je za **11 prekršaja ili 10,9% manje** nego u 2009.g.,

- svađa, vika i nepristojno ponašanje – **144 prekršaja**, što je za **14 prekršaja ili 8,9% manje** nego u 2009.g.

### Grafički prikaz strukture počinjenih prekršaja narušavanja JRiM-a na području MUP-aTK za 2010.g./2009.g.



Ako posmatramo strukturu počinjenih prekršaja može se zaključiti, da se najveći broj prekršaja odnosi na prekršaje naročito drskog ponašanja i tuče što čini 65,6% ukupnog broja počinjenih prekršaja, a ako tome dodamo i broj počinjenih prekršaja odbijanja naređenja i omalovažavanja policijskih službenika onda to čini 76,7% od ukupnog broja počinjenih prekršaja. Dakle, samo tri vrste prekršaja čine  $\frac{3}{4}$  svih počinjenih prekršaja.


Broj prekršaja narušavanja javnog reda i mira u 2010. godini po općinama je slijedeći: Tuzla – 561 (18,2%), Živinice – 457 (14,8%), Lukavac – 367 (11,9%), Srebrenik - 321 (10,4%), Gračanica – 307 (9,9%), Kalesija – 260 (8,4%), Gradačac – 216 (7%), Banovići - 211 prekršaja, Kladanj – 131, Doboj-Istok – 98, Čelić – 74, Sapna – 49 i Teočak – 33 prekršaja.

Prema prikazanom dijagramu evidentno je da je u odnosu na 2009.g. do smanjenja počinjenih prekršaja došlo na području općina: Kalesija (manje za 67 prekršaja ili 20,5%), Kladanj (manje za 34 prekršaja ili 20,6%), Lukavac (manje za 18 prekršaja ili 4,7%). Međutim, na području određenih općina došlo je do povećanja broja prekršaja u odnosu na prošlu godinu i to: Tuzla (više za 92 prekršaja ili 19,6%), Doboj-Istok (više za 14 prekršaja ili 16,6%), Sapna (više za 10 prekršaja ili 25,6%) itd.

Posmatrano sa aspekta brojnosti i strukture prekršaja iz oblasti javnog reda i mira može se konstatovati, da je stanje javnog reda i mira na području Tuzlanskog kantona u tokom 2010. godine ostalo na istom nivou kao u 2009. godini, s obzirom da se radi o neznatnom smanjenju od 69 prekršaja ili 2,2%. Po strukturi prekršaja, može se uočiti povećanje broja tuča za 8,1%, odbijanje naređenja i omalovažavanja policijskih službenika za 4,6%, te ostalih prekršaja iz Zakona o JRiM. Broj prekršaja po odlukama Općinskih vijeća manji je za 35,2%, neovlaštene upotrebe vatrenog oružja manje za 43,2%, naročito drskog ponašanja povećao se za 4,8%, te broj svađa, vika i nepristojnog ponašanja manji je za 8,8%. Konstatovano je smanjenje prekršaja prosijačenja za 10,9% mada je evidentna šira prisutnost ove problematike s obzirom na prilike i stanje kompletnog društva. Sa sigurnosnog aspekta, važno je uočiti da je značajno smanjen broj prekršaja upotrebe vatrenog oružja, i to naročito na području općina Kalesija, Tuzla i Živinice.

Analizirajući brojnost prekršaja sa aspekta angažovanosti policije na poslovima prevencije, odnosno represije, može se uočiti da je **78% ukupnog broja evidentiranih prekršaja** proistekao po osnovu prijave (poziva) od strane građana o događajima, dok je ostali dio prekršaja (**22% od ukupnog broja prekršaja**) evidentiran kroz rad policije tokom pojačanih i preventivnih aktivnosti (akcija) na terenu.


## Prekršaji narušavanja JRiM-a po općinama Tuzlanskog kantona 2010./2009.g.



U okviru aktivnosti na unapređenju stanja sigurnosti javnog reda i mira na području Tuzlanskog kantona, pored sankcionisanja prekršaja po Zakonu o javnom redu i miru i Odlukama općina o javnom redu i miru, službenici policije ovog Ministarstva bili su angažovani i na sprovođenju **Zakona o nabavljanju, držanju i nošenju oružja i municije TK-a**, kojom prilikom su evidentirali 71 prekršaj u kojima su učestvovala 73 počinioca, protiv koji je nadležnim sudovima podneseno 50 zahtjeva za pokretanje prekršajnog postupka i izdato 17 prekršajnih naloga.

Po mjestu izvršenja najveći broj prekršaja evidentiran je na ulici, trgovima, putevima i drugim otvorenim prostorima – 1.954 prekršaja (ili 63,3% ukupnog broja prekršaja), na ostalim mjestima – 568 (18,4%), u ugostiteljskim objektima – 436 (14,1%), škole i školska dvorišta - 49 prekršaja (1,6%), sportski stadioni i dvorane – 44 prekršaja, trgovinske i zanatske radnje – 29 prekršaja i vozila javnog saobraćaja - 5 prekršaja.

### Mjesta činjena prekršaja narušavanja JRiM-a na području MUP-a TK za 2010.g.



Uočeno je, da je **najveći broj prekršaja (u 63,3% slučajeva)** evidentiran na otvorenom prostoru (prostori ispred ugostiteljskih objekata, na ulici, trgovima). Uočeno je smanjenje počinjenih prekršaja u ugostiteljskim objektima (manje za 75 prekršaja), takođe manji je broj prekršaja u trgovinskim i zanatskim radnjama (manje za 22 prekršaja). Neznatno je povećan broj počinjenih prekršaja narušavanja javnog reda i mira na sportskim stadionima kao i na ostalim mjestima.

Smanjenje počinjenih prekršaja u ugostiteljskim objektima evidentirano je na području općina Gradačac, Kalesija i Tuzla. Do smanjenja prekršaja na otvorenim prostorima naročito je došlo na području općina Kalesija i Kladanj, dok je na području općine Tuzla evidentno povećanje vršenja prekršaja na ulici i otvorenim prostorima.

### **Učesnici u narušavanju javnog reda i mira**


U prekršajima narušavanja javnog reda i mira učestvovalo je ukupno **3.821 lice** (4.072 počinilca prekršaja), od čega su protiv 1.964 lica izdati prekršajni nalozi, dok su protiv 1.857 lica podneseni zahtjevi za pokretanje prekršajnog postupka. Kao što se iz podataka može vidjeti određeni broj lica počinio je istovremeno dva i više prekršaja.

U posmatranom periodu broj počinilca prekršaja neznatno je veći (više za 51 ili 1,2%) u odnosu na isti period 2009.g.. U istom periodu znatno je smanjen broj počinilca maloljetnika (manje za 23 ili za 18,3%). Maloljetnici su u najvećem broju evidentirani u činjenju prekršaja tuče, fizičkih napada i naročito drskog ponašanja.

Povratnici u činjenju prekršaja počinili su ukupno 727 prekršaja što je u odnosu na isti period prošle godine više za 60 prekršaja ili 9%. Od ukupnog broja prekršaja počinjenih u toku 2010.g. povratnici su počinili 23,6%. Ova činjenica navodi, da često isti broj počinilaca prekršaja – recidivista je svakodnevno sklon činjenju novih prekršaja narušavajući tako javni red i mir i ugrožavajući sigurnost građana. Ova pojava će nažalost i dalje imati istu tendenciju i porast ukoliko ista lica u narednom periodu ne budu adekvatnije sankcionisana od strane nadležnih sudova.

Starosna struktura učinilaca prekršaja iz oblasti javnog reda i mira je slijedeća: starosne dobi preko 36 godina – 1.861 počinilaca ili 45,7% ukupnog broja počinilaca, starosne dobi 19 - 25 godina – 1.099 počinilaca (26,9%), dobi 26 - 35 godina – 1.009 počinilaca (24,8%) i 103 počinilaca do 18 godina (2,5%).

### **Struktura počinilaca prekršaja narušavanja JRiM na području MUP-a TK za 2010.g./2009.g.**



Od ukupnog broja prekršaja, 383 prekršaja ili 12,4% je počinilo 440 osoba ženskog spola (**što je 10,8% od ukupnog broja počinilaca**). Među osobama ženskog spola, počinilcima prekršaja, uočen je, takođe, određen broj recidivista, koje su počinile 78 prekršaja (najviše prekršaji prosijačenja i naročito drskog ponašanja).

## Posljedice narušavanja javnog reda i mira

Prema statističkim pokazateljima u izvršenim prekršajima nisu evidentirana lica sa teškim tjelesnim ozljedama lica, dok je broj počinioca sa lahkim tjelesnim ozljedama 228 što je za 15 lica manje nego u toku 2009.g.. Prema počiniocima prekršaja u 76 slučajeva su izrečene zaštitne mjere zbog počinjenih prekršaja, od čega je u 75 slučajeva izvršeno privremeno oduzimanje predmeta, a u 1 slučaju izrečena druga zaštitna mjera.

## Ocjena stanja javnog reda i mira

Kada se radi o javnom redu i miru, može se konstatovati da je po broju evidentiranih događaja narušavanja javnog reda i mira, a u vezi s time i broja počinjenih prekršaja stanje sa neznatnim poboljšanjima u odnosu na prethodnu godinu. Međutim, analiza strukture prekršaja ukazuje da u manjoj mjeri postoji povećanje broja težih prekršaja, kao što su npr. tuče (više za 77 prekršaja ili 8,1%), odbijanja naređenja i omalovažavanje policijskih službenika (više za 15 prekršaja ili 4,6%), kao i ostalih prekršaja iz Zakona o javnom redu i miru. Isto tako nije zanemariva činjenica da se smanjio broj prekršaja naročito drskog ponašanja (manje za 50 ili 4,7%), neovlaštene upotrebe oružja (manje za 19 prekršaja ili 43,2%), kao i prekršaja svađom, vikom i nepristojnim ponašanjem (manje za 14 prekršaja ili 8,8%), zatim prosjačenje (manje za 11 prekršaja ili 10,9%). Na ovakvo ponašanje učinioca prekršaja u velikoj mjeri utiče i postojeća opšta nepovoljna ekonomsko-socijalna situacija, nezaposlenost, prezaduženost kreditima i neizvjesna budućnost, nemoć institucija sistema da riješe nagomilane probleme i dr. uticajni faktori. Na ovo upućuje i analiza događanja prekršaja po mjestu činjenja, gdje je očigledno smanjenje broja prekršaja u ugostiteljskim objektima i trgovinskim i zanatskim radnjama, a sa minimalnim povećanjem događaja i prekršaja na ulicama, trgovima, putevima i drugim otvorenim prostorima. Obzirom da je 2010.g. pored navedenog bila i „izborna godina” može se konstatovati da je bezbjedonosna situacija sa aspekta javnog reda i mira na Tuzlanskom kantonu zadovoljavajuća.

## JAVNA OKUPLJANJA

Tokom 2010.g. na području Tuzlanskog kantona u okviru svakodnevnih zbivanja, vršilo se organizovanje i javno okupljanje građana na različitim manifestacijama, kako sportskih, kulturno-zabavnih, sajmova, predizborno-politički skupovi pa i protestnih skupova radnika i građana. Ostvarivanjem prava građana na javno okupljanje i urednim najavljuvanjem javnih skupova od strane samih organizatora, službenici policije su u skladu sa Zakonom o javnim skupovima i u okviru realizacije projekta **5.3. „Javni red i sigurnost javnih okupljanja“**, vršili izrade planova obezbjeđenja istih, čime su uspostavljene procedure i pravila održavanja javnog reda i mira na javnim skupovima.

U posmatranom periodu na području MUP-a TK evidentirano je održavanje ukupno **2.566** javnih skupova, od kojih je od strane organizatora najavljeno održavanje 2.467 skupova, održano je 10 nenajavljenih skupova kod kojih nisu ispoštovani zakonski propisi od strane organizatora, te 89 skupova bez odobrenja nadležne policijske stanice (organizator nije u zakonskom roku ispunio potrebne uvjete izdate od policijske stanice onako kako to nalažu propisi iz Zakona o javnom okupljanju).

Od ukupnog broja održanih skupova **1.704** skupa imalo je **sportski karakter** (nogometne, košarkaške i odbojkaške utakmice, kajakaška takmičenja, maratoni, sportski ribolov, motorijade, sportski turniri i drugo). Najviše javnih sportskih zbivanja održano je na području općina Tuzla (275), Lukavac (245), Živinice (240), Kalesija i Srebrenik po (172) itd. Na 25 sportskih skupova a najčešće je to na fudbalskim utakmicama evidentirani su incidenti (Lukavac – 7, Srebrenik -5, Gračanica – 3, Kalesija i Živinice po 2 itd. Ovi incidenti u 22 slučajeva desili su se u krugu stadiona, sportskih dvorana i terena, dok su se 2 incidenta desila na ulicama i trgovima. U ovim narušavanjima javnog reda i mira učestvovalo je 60 lica, kojom prilikom je 8 lica zadobilo tjelesne ozljede. Ukupno su 72 službenika policije učestvovala u

smirivanju i uspostavljanju javnog reda i mira. Protiv počinioca narušavanja javnog reda i mira na ovim sportskim skupovima podneseno je 11 zahtjeva za pokretanje prekršajnog postupka, izdato je 18 prekršajnih naloga, te nadležnom tužilaštvu upućena 2 službena izvještaja, a jedno lice u incidentima je lišeno slobode prilikom uspostavljanja javnog reda i mira.

U istom periodu održana su **324 skupa kulturno-zabavnog karaktera** (koncerti, zabave, igranke, svadbe i dr.). Na 6 ovakvih skupova evidentirani su incidenti u kojima je učestvovalo 10 lica, od kojih je 1 lice zadobilo tjelesne ozljede. Broj službenika policije koji su učestvovali u uspostavljanju javnog reda i mira je 21, a prema licima koja su narušavala javni red i mir podnesena su 4 zahtjeva za pokretanje prekršajnog postupka i izdata 3 prekršajna naloga. Prilikom uspostavljanja javnog reda i mira 5 lica je lišeno slobode.

Na **508 skupova** iz kategorije ostalih skupova (skupovi neformalnih grupa građana, predizborno-politički, vjerski skupovi i dr.). U periodu od 03.09.2010.g.–01.10.2010.g. na području Tuzlanskog kantona u sklopu predizborne kampanje političkih stranaka i nezavisnih kandidata za parlamentarne izbore za BiH 2010.g. **održana su ukupno 432 skupa**. Službenici policije su radi osiguranja mjera sigurnosti održane skupove obezbjeđivali u skladu sa procjenama posjećenosti skupova. Posjećenost skupova je varirala zavisno od mjesta i broja simpatizera političke stranke ili kandidata, a kretala se od 20 do 12.000 građana. Na 4 skupa (Banovići – 2, Sapna i Tuzla po 1) evidentirani su pojedinačni incidenti – narušavanja javnog reda i mira od strane lica koja su vikom, galamom ili upotrebom pirotehničkih sredstava narušavali javni red i mir. Službenici policije su prema izvršiocima preduzeli zakonom predviđene mjere. Može se reći, da je protekla predizborna kampanja (gledano na broj održanih predizbornih skupova kao i na samu posjećenost istih) protekla u najboljem redu. Za vrijeme „predizborne šutnje“ na dan 02.10.2010.g. nisu evidentirani incidenti, dok su na dan održanih izbora 03.10.2010.g evidentirana 4 pojedinačna incidenta (Banovići, Gračanica, Srebrenik i Tuzla po 1). Incidenti su nastali na biračkim mjestima u 3 slučaja od lica u alkoholisanom stanju, a koji su u najkraćem roku uklonjeni s lica mjesta od strane službenika policije.

U istom periodu održano je 8 skupova tzv. privrednog karaktera (sajmovi, vašari...) koji su i pored veće posjećenosti građana prošli u potpunom redu.

### **Protestna okupljanja**

Posebno mjesto u okviru javnih okupljanja predstavlja organizovanje i održavanje različitih protestnih skupova (protestni skupovi nezadovoljnih radnika koji na ovakav način žele ostvariti neka od svojih prava, zatim različitih registrovanih organizacija i dr.). Održavanje ovakvih skupova zahtijeva od nadležnih policijskih stanica i odgovornih policijskih službenika veoma ozbiljne mjere obezbjeđenja u cilju sprečavanja negativnih pojava koje mogu uticati na normalno odvijanja života ostalih građana ili funkcionisanja institucija sistema.

U posmatranom periodu na području Tuzlanskog kantona održana su 22 ovakva skupa, na kojima su u 2 slučaja evidentirani incidenti.

Protestni skupovi su organizovani od strane nezadovoljnih radnika Fabrike obuće „Aida“ koji su se najčešće okupljali ispred zgrade Vlade TK ili zgrade BKC-a u kojoj su se održavale sjednice Skupštine Vlade TK. Takođe protestovali su radnici DOO „Global ispat koksna industrija“ iz Lukavca, radnici „Lukavactransa“ iz Lukavca, radnici Rudnika krečnjaka „Vijenac“ iz Lukavca, radnici DD „Konjuh“ – Živinice, protesti studenata Filozofskog fakulteta u Tuzli, te protesti učenika i roditelja osnovnih škola iz Banovića zbog problema oko realizacije maturalne ekurzije. Na protestnom skupu radnika „Lukavactransa“ u Lukavcu evidentirani su incidenti od strane 10 radnika koji su narušavali javni red i mir, te je 24 službenika policije učestvovalo u uspostavljanju javnog reda i mira.

### **Sigurnost povratničke populacije**

Tokom 2010. godine, policijskim stanicama u sastavu MUP-a TK od strane povratnika na područje Tuzlanskog kantona **prijavljeno je 109 slučajeva** koji se odnose na sigurnost povratničke populacije i to: Srebrenik (29), Živinice (23), Sapna (21), Gradačac (16), Kalesija i Lukavac po (6), Gračanica (4), Banovići (2) i Kladanj (1).

Od ukupnog broja prijava **45 se odnosilo na počinjena krivična djela i to** : Srebrenik (12), Sapna (8), Gradačac (7), Kalesija i Lukavac po (5), Gračanica (4), Živinice (2), Banovići i Kladanj po (1). Krivična djela odnose se na krađu novca iz kuća, krađu kućnog inventara, građevinskog materijala i šumskog drveta, krađa kazana za rakiju, krađe stoke iz štala, devastiranje kuća, oštećenja vozila, nanošenje lakih tj.ozljeda, nasilja u porodici.

U toku mjeseca februara 2010.g. na području naselja G.Lohinja općina Gračanica lice M.Dž.rođ.1957.g je nanijeo ubodne rane nožem licu M.D. rođ.1989.g. – lice povratnik u naselje G.Lohinja. Službenici policije su izvršili uviđaj te protiv počinioca Kantonalnom tužilaštvu u Tuzli podnijeli Izvještaj o krivičnom djelu Ubistvo u pokušaju iz čl. 166., a u vezi čl.28. KZ F BiH.

Takođe, dana 08.03.2010.g. službenici OKP PS Kalesija su protiv lica K.S.rođ.1983.g. Kantonalnom tužilaštvu u Tuzli podnijeli Izvještaj o počinjenom krivičnom djelu Razbojništvo iz čl.289.st.1.KZFBiH zbog toga što je isti dana 12.02.2010.g. uz upotrebu letve i fizičke snage napalo na Marković Stanu istoj nanijelo tjelesne ozljede iz ruku joj otelo tašnu u kojoj se nalazilo u novcu oko 30 KM i nešto nakita.

U toku mjeseca maja, odnosno dana 05.05.2010.g., u večernjim satima u Sapni u naselju Rastošnica od strane nepoznatih počinioca izvršeno razbojništvo nad bračnim parom P.D.rođ.1934.g. i P.S.rođ.1935.g. koji su tom prilikom zadobili i vidne tjelesne povrede. U navedenim događajima službenici policije su poduzeli odgovarajuće mjere i radnje oko otkrivanja počinioca ovih krivičnih djela.

U oktobru mjesecu 2010.g. u naselju Zelina područje općine Kalesija malojetnica – povratnica je prijavila često fizičko zlostavljanje od strane njenog očuha. Službenici policije su obavili istražne radnje, te je protiv lica G.M r.1962.g. podnesen izvještaj o počinjenom krivičnom djelu čl.222 KZ FBiH -Nasilje u porodici.

U posmatranom periodu evidentirana su 4 narušavanja javnog reda i mira Srebrenik (3) i Sapna (1). Na području općine Srebrenik sva tri narušavanja javnog reda i mira nastala su između samih mještana povratnika u kojima je došlo do verbalnih uvreda i prijetnji kojom prilikom su prema počiniocima izdati prekršajni nalozi.

U ostalim događajima (kijih je bilo 59) građani – povratnici su prijavljivali slučajeve koji su se uglavnom odnosili na imovinske sporove između samih povratnika, sječu i krađu šumskog drveta iz privatnih šuma, provale u objekte i posjede iz kojih nije ništa otuđeno, napasanja stoke od strane nomada – ovčara na privatnim posjedima i tako dalje. Službenici policije su i u ovim slučajevima preduzimali odgovarajuće mjere oko rasvjetljavanja navedenih događaja. U određenim slučajevima, povratnici su radi razrješavanja nekih imovinski sporova upućivani na obraćanje drugim nadležnim institucijama.

### **Napadi na vjerske i sakralne objekte**

U toku 2010. godine, na području Tuzlanskog kantona evidentirana su ukupno **44 događaja**, koji su okarakterisani kao napadi na imovinu vjerskih zajednica ili oštećenja sakralnih objekata.

Od ukupnog broja događaja na području općine Tuzla evidentirano je (17), Gračanica (8), Lukavac (6), Živinice (4), Kalesija (3), Teočak (2), Čelić, Gradačac, Kladanj i Sapna po (1).

U 15 slučajeva radilo se o provalama u vjerske objekte ili u objekte vlasništvo vjerskih zajednica iz kojih nije ništa otuđeno ili su otuđene manje količine novca, računarske opreme. U sedam slučajeva radilo se o provali u džamije i u objekte vlasništvo IVZ, a u tri slučaja radilo se o provalama u Katoličku kapelu i samostan i u 5 slučajeva provale u objekte pravoslavnih crkvi.

U 19 slučajeva radilo se o oštećenjima na sakralnim objektima (radilo se o oštećenjima na nadgrobniim spomenicima svih konfesija u vidu lupanja mermera, uništavanja ukrasa od mesinga na istim kojom prilikom je osim nanesene materijalne štete porodicama nanesena i duševna bol). U jednom slučaju u Živinicama službenici policije su istražnim radnjama ustanovili da se radi o neosnovanoj prijavi o oštećenom nadgrobnom spomeniku.

U devet slučajeva radilo se o različitim vrstama oštećenja i krađa sa pomoćnih objekata vlasništva vjerskih zajednica (različita oštećenja ograda, krađe bakarnih limova i oluka, krađe lampe za rasvjete dvorišta, razbijanje ukrasne saksije itd.).

U toku mjeseca januara u Tuzli, na objektu Pravoslavne crkve, nepoznati počinioc je ispisao provokativne i uvredljive sadržaje. Radeći na rasvjetljavanju događaja službenici policije OKP PU Tuzla **otkrili su počinioca ovog krivičnog djela**, a radi se o malodobnom K.A. rođ.1994.g., protiv kojeg će nadležnom tužilaštvu biti podnesen Izvještaj o počinjenom krivičnom djelu.

Službenici policije PU Živinice su u mjesecu februaru – dana 04.02.2010.g. Kantonalnom tužilaštvu u Tuzli protiv nepoznatih počinioca podnijeli Izvještaj o krivičnom djelu Krađa iz čl.286.KZ F BiH, a zbog oštećenja i krađe nad 4 nadgrobna spomenika na groblju u Živinicama u toku mjeseca oktobra 2009.g..

Službenici policije PU Tuzla **su dana 18.03.2010.g. Kantonalnom tužilaštvu u Tuzli protiv lica P.A.rođ.1973.g. i H.Ž.rođ.1981.g. podnijeli Izvještaj o krivičnom djelu Teška krađa** iz čl.287. a u vezi sa čl.28. i čl.31. KZ F BiH nad vjerskim objektom Prinčeva džamija od dana 26.01.2010.g..

Takođe, dana 24.08.2010.g. službenici OKP PU Tuzla su Kantonalnom tužilaštvu u Tuzli podnijeli Izvještaj o izvršenom krivičnom djelu Oštećenje tuđe stvari čl.293. KZFBiH protiv mald. M.D. rođ.1996.g. koji je u periodu 14.06. – 16.06.2010.g. izvršio oštećenje nad „Spomenikom šehidima i poginulim borcima u periodu 1992 – 1995.g. MZ Kreka u Tuzli.

### **Oduzeto ilegalno posjedovano oružje, municija i MES-a**

Službenici policije MUP-a TK su, obavljajući svoje redovne i vanredne poslove i radne zadatke tokom 2010.godine pronašli i oduzeli nešto veće količine ilegalno posjedovanog oružja, municije i druge vojne opreme, nego u istom periodu prošle godine.

Iz podataka prezentiranih u slijedećoj tabeli evidentno je, da građani sa područja našeg Kantona još uvijek, nezakonito posjeduju značajne količine vatrenog oružja i municije, koje predstavljaju potencijalnu opasnost po ostalo građanstvo i sigurnost okoline.

**Tabela 16. Oduzeto oružje, municije i MES**

<b>Vrsta oružja i MES-a</b>	<b>2009.g.</b>	<b>2010.g.</b>
Automatska puška	16	20
Poluautomatska puška	12	4
Puška M-48	9	5
Lovačke puške	15	16
Puške ostale vrste	6	11
Pištolj	128	62
Automatski pištolj (hekler, škorpion, uzi i sl.)	3	
Ručna bomba	89	40
Petarde	6.154	18.150
Noževi	129	133
Tromblonske mine	4	2
Druge eksplozivne naprave i sredstva	30	7
Bokseri	3	5
Protuoklopna oruđa (RB, zolje,ose i sl.)	1	
Drugi predmeti	133	108
Municija - meci (u komadima)	8.952	4.920
Eksploziv (u kilogramima)	0,175	

Iz podataka prezentiranih u slijedećoj tabeli evidentno je, da građani sa područja našeg Kantona još uvijek, nezakonito posjeduju značajne količine vatrenog oružja i municije, koje predstavljaju potencijalnu opasnost po ostalo građanstvo i sigurnost okoline.

Uporedo sa ovim aktivnostima, u okviru akcije "Žetva" vršilo se prikupljanje nezakonito posjedovanog oružja, municije, MES-a i druge vojne opreme dobrovoljnom predajom od strane

građana, kojom prilikom su, prikupljene znatno manje količine istog u odnosu na raniji period i predate nadležnim organima. U 2010.g. građani su predali 4 komada automatskih pušaka, 1 pušku M-48, 42 komada ručnih bombi, 4 tromblonske mine, 1.218 komada metaka 7,62 mm, 24 komada malokalibarske municije, 12 okvira za automatsku pušku.

Kada se radi o problematici nabavke, držanja i nošenja oružja u toku 2010. godine, na području TK **izdato je 687 odobrenja za nabavku oružja za fizička lica**, izdata su **1.367 oružnih listova za fizička lica**, izvršeno je 1.397 zamjena oružnih listova za fizička lica, dok je pravnim licima izdato 20 odobrenja za nabavljanje oružja i 10 odobrenja za držanje oružja za pravna lica. U istom periodu, izdata su 2 odobrenja za držanje trofejnog oružja, izdato je 148 odobrenja za nabavku municije. Vođenim upravnim postupcima je oduzeto 126 komada oružja za koja su građani prethodno imali odobrenja.

### **Lažne dojave o postavljenim eksplozivnim napravama**

Tokom 2010.godine evidentirano je **37 lažnih prijavljivanja o postavljenim eksplozivnim napravama** u javnim objektima, što je za 11 prijava više nego 2009.godine.

Lažne dojave u posmatranom periodu evidentirane su na području Živinica (14), Tuzla (13), Gračanica (4), Lukavac (3), Čelić, Kalesija i Gradačac po (1). Lažne dojave o postavljenim eksplozivnim napravama odnosile su se u 19 slučajeva na diskoteke i ugostiteljske objekte, u 16 slučajeva na škole (Čelić, Gračanica, Tuzla i Živnice), u jednom slučaju zgrada općine u Živinicama, te u jednom slučaju radilo se prostoru kazina "Sloboda".

U prijavljenim slučajevima lažnih dojava izvršene su evakuacije objekata, te preduzete potrebne mjere i radnje službenika policije KDZ pregleda objekata, kojima je utvrđeno, da se radi o lažnim dojavama. Službenici policije rade na rasvjetljavanju ovih događaja.

Tokom 2010.godine zbog lažnih dojava službenici policije su protiv nepoznatih počinioca Kantonalnom tužilaštvu podnijeli Izvještaje o krivičnom djelu Zloupotreba znaka za pomoć i opasnost iz čl.372. KZ FBiH i to (PU Tuzla – 7, MUP TK- sjedište-2, PS Gračanica i Srebrenik po 1).

Tako su u toku mjeseca februara službenici policije MUP-a TK radeći na rasvjetljavanju lažnih dojava za postavljene eksplozivne naprave u TC "Omega " u Živinicama za mjesec juli 2009.g., Kantonalnom tužilaštvu u Tuzli podnijeli Izvještaj o krivičnom djelu Zloupotreba znaka za pomoć i opasnost iz čl.372. KZ FBiH protiv lica S.E. i M.Z. za koje je utvrđeno da su počinioci ovih krivičnih djela.

Takođe, službenici OKP PU Tuzla su u toku 2010. godine rasvjetlili 5 lažnih dojava protiv 9 lica, od kojih su se 2 lica pojavila kao povratnici ovih krivičnih djela, a 2 lica su bila maloljetna. Službenici policije su otkrili počinitelje za lažne dojave za postavljanje eksplozivnih naprava iz mjeseca februara i marta 2010.godine za restoran "Duga" u Mramoru općina Tuzla, dojava za Srednju mašinsku školu iz oktobra mjeseca 2008.godine, te po lažnu dojavu za Saobraćajnu i Turističku srednju školu iz mjeseca oktobra i novembra 2010.godine.

Službenici policije OKP PU Živnice su u mjesecu maju 2010.g. otkrili da je počinioc lažne dojava za Osnovnu školu u Živinicama u istom mjesecu bio njen malodobni učenik Š.M.r.1996.g. koji je u potpunosti priznao izvršenje navedenog djela te su protiv istog pokrenute odgovarajuće zakonske mjere, takođe službenici PU Živnice su otkrili počinioca lažne dojava za zgradu općine u Živinicama koju je počinilo lice R.A. rođ.1967.g. protiv kojeg je KT u Tuzli podnesen izvještaj za krivično djelo Lažno prijavljivanje iz čl.347 KZ FBiH.

U toku mjeseca decembra 2010.g.službenici PS Gračanica su protiv učenice A.A. rođ.1992.godine podnijeli Izvještaj KT u Tuzli za izvršeno krivično djelo Zloupotreba znaka za pomoć i opasnosti iz čl.372.KZ FBiH zbog lažne dojava o postavljenoj eksplozivnoj napravi u Mješovitoj srednjoj školi u Gračanici iz mjeseca februara 2010.g.

## BEZBJEDNOST SAOBRAĆAJA

Stanje sigurnosti saobraćaja na putevima Tuzlanskog kantona u periodu januar-decembar 2010. godine, u odnosu na isti period prošle godine karakteriše smanjenje ukupnog broja saobraćajnih nezgoda, smanjenje broja poginulih lica u saobraćajnim nezgodama, smanjenje broja lakše povrijeđenih lica u saobraćajnim nezgodama, smanjenje lica koji su zadobili teške tjelesne povrede u saobraćajnim nezgodama. Na ovaj način su u većini ispunjeni osnovni ciljevi koji proizilaze iz Akcionog plana na realizaciji "Polaznih osnova strategije sigurnosti drumskog saobraćaja FBiH (2008-2013)".

Po Akcionom planu su u toku 2010. godine realizovane slijedeće mjere prevencije: sastanci sa direktorima osnovnih škola i nastavnicima zaduženim za saobraćajno obrazovanje, pružanje stručne pomoći školama od strane policijskih službenika (predavanje u školama i sl.); kontakti i saradnja sa medijima; nastup policijskih službenika u medijima; edukacija policijskih službenika na dosljednoj primjeni instrukcije o pravilima ponašanja i međusobnim odnosima OSL; sastanci sa predstavnicima auto škola i predstavnicima komisija za polaganje vozačkih ispita; organizacija i realizacija sastanaka sa Općinskim sudovima – sudijama prekršajnih odjeljenja; edukacija policijskih službenika o načinu ophođenja sa učesnicima u saobraćaju; realizovana saradnja sa drugim imstitucijama koje imaju veze sa sigurnošću saobraćaja (kontrola javnog prijevoza, osovinskog opterećenja i sl); sačinjavanje informacija o nedostatku adekvatne saobraćajne signalizacije i oštećenja na putevima i ostale aktivnosti u cilju unapređenja bezbjednosti saobraćaja.

Takođe, po Akcionom planu su sprovedene represivne mjere usmjerne na: upravljanje vozilom pod dejstvom alkohola; prekoračenje dozvoljene brzine kretanja vozila; nepoštivanje svjetlosnih saobraćajnih znakova (crveno svjetlo); nepropisno preticanje; upravljanje vozilom prije sticanja prava na upravljanje; upravljanje vozilom bez položenog vozačkog ispita; upravljanje m/v u vrijeme trajanja zaštitne mjere; nepoštovanje obaveze vozača prema pješacima; tehnička neispravnost - upućivanje vozila na vanredni tehnički pregled; upravljanje neregistrovanim vozilom; nekorištenje sigurnosnog pojasa; nekorištenje zaštitne kacige; korištenje mobilnog telefona; nekorištenja svjetla u toku dana; nepoštovanje ograničenja za vozače mlađe od 28 godina kao i specifične mjere i zadaci.

Shodno naprijed navedenom, stanjem u ovoj oblasti još uvijek ne možemo biti zadovoljni i smatramo ga složenim, uz stalno prisutnu opasnost od mogućeg pogoršanja, posebno ukoliko se prestane sa kontinuiranim praćenjem i preduzimanjem neophodnih mjera i aktivnosti od strane bilo kojeg relevantnog subjekta u čijoj je nadležnosti ova problematika.

Tokom izvještajnog perioda službenici policije su u cilju prevencije izvršili **kontrolu 214.420 vozila i 57.946 lica u vozilima (osim vozača)**. Pored navedenog, u okviru preventivnog djelovanja, na području svake policijske stanice vrši se procjena i analiza saobraćajno-bezbjedonosnog stanja na osnovu čega su se planirale, organizovale i sprovodile **akcije pojačane kontrole saobraćaja sa akcentom na: ograničenje brzine kretanja vozila, vožnju pod dejstvom alkohola, bezbjednost pješaka u saobraćaju, motociklisti, taxi-vozila, tehnička ispravnost vozila i dr.**

Tokom izvještajnog perioda, službenici policije MUP-a TK su zbog učinjenih krivičnih djela iz oblasti bezbjednosti saobraćaja nadležnim tužilaštvima podnijeli **157 izvještaja** što je u odnosu na isti period prošle godine **više za 11 izvještaja ili 7,5%**. Zbog učinjenih prekršaja u saobraćaju opštinskim sudovima za prekršaje podnešeno je ukupno **1.894 zahtjeva za pokretanje prekršajnog postupka**, što je u odnosu na isti period prošle godine **više za 193 zahtjeva ili 11,3%**, dok su zbog učinjenih prekršaja u saobraćaju na licu mjesta **izdali 51.357 prekršajni nalog**, što je u odnosu na isti period prošle godine **manje za 14.527 ili 22,0%**.

Vožnja pod dejstvom alkohola na području Tuzlanskog kantona je u porastu, tako da je u posmatranom periodu evidentirano **2.273 vozača koji su upravljali motornim vozilom pod dejstvom alkohola**, što je u odnosu na isti period prošle godine **manje za 644 vozača ili 22,1%**. U istom periodu evidentirano je **1.244 vozača koji su vozilom upravljali bez položenog odgovarajućeg vozačkog ispita**, što je u odnosu na isti period 2009. godinu **više za 5 vozača ili 0,4%**.

Tabela 17. Komparativni pregled saobraćajnih nezgoda po opštinama TK-a


	Banovići	Čelić	Doboj-Istok	Gračanica	Gradačac	Kalesija	Kladanj	Lukavac	Sapna	Srebrenik	Teočak	Tuzla	Živinice	MUP-ukupno
2010.	175	20	74	400	235	160	196	470	26	435	18	2401	536	5146
2009.	141	45	85	394	247	182	204	436	25	483	23	2616	590	5471
razlika	34	-25	-11	6	-12	-22	-8	34	1	-48	-5	-215	-54	-325
%	24,1	55,6	-12,9	1,5	-4,9	12,1	-3,9	7,8	4,0	-9,9	21,7	-8,2	-9,2	-5,9

Službenici policije su prilikom obavljanja redovnih i pojačanih kontrola saobraćaja evidentirali **1.669 vozila koja su u saobraćaju učestvovala bez važeće registracije**, što je u odnosu na isti period prošle godine **manje za 53 vozila ili za 3,1%**. Broj vozača koji su upravljali vozilom pod **izrečenom zaštitnom mjerom** u posmatranom periodu je **111**, što je u odnosu na isti period prošle godine **manje za 78 vozača ili 41,3%**. Pored navedenog, iz saobraćaja je **zbog tehničke neispravnosti isključeno 227 vozila**, što je u odnosu na isti period 2009. godine **manje za 73 vozila ili 24,3%**.

U periodu januar-decembar 2010. godine, na području Tuzlanskog kantona se dogodilo ukupno **5.146 saobraćajna nezgoda**, što je u odnosu na isti period 2009. godine **manje za 325 saobraćajnih nezgoda ili 5,9%**.<sup>8)</sup> U ovim saobraćajnim nezgodama ukupno je **nastradalo 1.704 lica**, što je u odnosu na isti period 2009. godine **manje za 58 lica ili 3,3%**.

Analizirajući frekventnost događanja broja saobraćajnih nezgoda pod anima u sedmici dolazi se do zaključka da se najviše saobraćajnih nezgoda dogodilo subotom, zatim nedelja I petak, dakle u denim vikenda..

### Saobraćajne nezgode po mjesecima



Broj saobraćajnih nezgoda u posmatranom periodu, u kojima su učestvovala **ženske osobe kao vozači, je 937 ili 18,2% ukupnog broja saobraćajnih nezgoda**.


<sup>8)</sup> Najveći broj saobraćajnih nezgoda dogodio se na području opštine Tuzla (2.401 SN-a ili 46,6% ukupnog broja saobraćajnih nezgoda), zatim slijede: Živinice (536), Lukavac (470) Srebrenik (435), Gračanica (400), Gradačac (235) itd.

U toku izvještajnog perioda na području Tuzlanskog kantona dogodilo se 29 saobraćajnih nezgoda u kojima je **33 lica smrtno stradalo**, što je u odnosu na isti period 2009.godine manje za 7 lica.

**Tabela 18. Komparativni pregled povrijeđenih lica u 2010./2009.g. na području TK-a**

	2010.g.	2009.g.	razlika	trend (%)
Ukupan broj saobraćajnih nezgoda sa povrijeđenim licima	1.116	1.224	-108	-8,8
Broj lica koji su zadobili teške tjelesne povrede u SN-a	225	242	-17	-7,0
Broj lica koji su zadobili lakše tjelesne povrede u SN-a	1.446	1.480	-34	-2,3

**Trend događanja saobraćajnih nezgoda (2010. /2009.)**



**Tabela 19. Nastradala lica u saobraćajnim nezgodama u kojima su žene vozači u 2010.g.**

Br. SN-a - žene vozači	Br. poginulih u SN-a žene vozači	Broj lica sa teškim povredama u SN-a žene vozači	Broj lica sa lakšim povredama u SN-a žene vozači
937	2	30	219

**Saobraćajnih nezgoda samo sa materijalnom štetom bilo je 4.001**, što je u odnosu na isti period prošle godine **manje za 208 SN-e ili 4,9%**. Broj saobraćajnih nezgoda sa materijalnom štetom u kojima su osobe ženskog spola učestvovala kao vozači je 761.

Od ukupnog broja saobraćajnih nezgoda 4.722 se dogodilo u naselju a 424 saobraćajne nezgode izvan naseljenih mjesta. Inostrani vozači su učestvovali u 101 saobraćajnih nezgoda ili 1,9% od ukupnog broja saobraćajnih nezgoda.

U periodu januar- decembar 2010.g. u saobraćajnim nezgodama na putevima Tuzlanskog kantona ukupan broj nastradalih lica – osoba ženskog spola je 540 ili 31,7% ukupnog broja nastradalih lica u saobraćajnim nezgodama (5 poginulih, 59 je zadobilo teške tjelesne povrede dok je 476 osoba ženskog pola zadobilo lakše tjelesne povrede).

U saobraćajnim nezgodama na području Tuzlanskog kantona poginulo je 19 vozača, teže je povrijeđeno 114 vozača dok je 688 vozača lakše povrijeđeno. Tokom istog perioda u saobraćajnim nezgodama je poginulo 15 pješaka, 62 pješaka su teže povrijeđena a 229 pješaka je zadobilo lakše tjelesne povrede. Kada se radi o stradanju putnika u saobraćajnim nezgodama, može se konstatovati da je 6 putnika smrtno stradalo, 66 putnika je zadobilo teže tjelesne povrede dok je 563 putnika zadobio lake tjelesne povrede.

### Poginula lica u saobraćajnim nezgodama po mjesecima




Tabela 20. Saobraćajne nezgode i nastradale lica po kategoriji i karakteristici puta

		Ukupan broj saobrać. nezgoda	POS LJEDICE		
			Poginula lica	Povrijeđena lica	
				Teže	Lakše
KATEGORIJA PUTA	Magistralni put	1.423	14	86	520
	Ulice u naselju	2.147	5	60	398
	Lokalni put	637	5	36	226
	Regionalni putevi	654	8	42	264
KRAKTERISTIKA PUTA	Raskrsnica u naselju	295	3	6	76
	Prelaz preko željezničke pruge	8	3	3	3
	Pješački prelaz	3		1	1
	Raskrsnice van naselja	50		3	15
	Most	4	1	1	3

Posmatrano po kategoriji puta sa aspekta brojnosti saobraćajnih nezgoda, na području Tuzlanskog kantona tokom 2010.godine najugroženije su bile ulice u naselju gdje se dogodilo 2.147 saobraćajnih nezgoda (41,7% od ukupnog broja saobraćajnih nezgoda), zatim slijedi magistralni put gdje se dogodilo 1.423 saobraćajnih nezgoda (ili 27,6% od ukupnog broja saobraćajnih nezgoda), regionalni put - 654 saobraćajnih nezgoda (ili 12,7% od ukupnog broja saobraćajnih nezgoda), lokalni put – 637 saobraćajna nezgoda (ili 12,4% od ukupnog broja saobraćajnih nezgoda).

Analizom uzroka događanja saobraćajnih nezgoda u toku posmatranog perioda, utvrđeno je da su **vozači bili osnovni uzročnici u 4.522 saobraćajne nezgode ili 87,9% od ukupnog broja saobraćajnih nezgoda**, i to: **nepriлагоđenom brzinom kretanja vozila (1.324), nederžanjem propisanog odstojanja (606), nepropisnom vožnjom unazad (575)**, nepropisnim skretanjem (332), vožnjom pod uticajem alkohola (294), oduzimanjem prvenstva prolaza (245), nederžanjem desne strane (219), nepoštivanjem saobraćajnog znaka (209), nepropisnim uključivanjem u saobraćaj (209), preticanjem (175), nepropisnim mimoilaženjem (168), nepropisnim obilaženjem (107), nepropisnim polukružnim okretanjem (45), crveno svjetlo (7), nepravilno raspoređenim teretom (5), nepropuštanjem pješaka (2), itd.

Elementi i oprema puta bili su direktni uzročnici u 9 saobraćajnih nezgoda (klizav put – 5, odron na putu -4); u jednoj saobraćajnoj nezgodi uzrok je bio tehnička neispravnost vozila; dok su ostali uzroci bili prisutni u 614 saobraćajnih nezgoda ili 10,1% ukupnog broja saobraćajnih nezgoda.

### **Ocjena stanja bezbjednosti saobraćaja**

Analizom prezentiranih pokazatelja stanja bezbjednosti saobraćaja na putevima Tuzlanskog kantona u periodu januar- decembar 2010. godine i njihovom komparacijom sa istim periodom prošle (2009.) godine, uvažavajući uticajne faktore, može se zaključiti da je došlo do **zaustavljanja negativnog trenda, pa čak i do određenog poboljšanja stanja** u ovoj oblasti, posebno kada se posmatra ukupan broj nastradalih lica u saobraćajnim nezgodama. Pojačani preventivni rad policije i primjena raspoloživih represivnih mjera, rezultirao je uočavanjem i sankcionisanjem manjeg broja nezakonitog ponašanja učesnika u saobraćaju. Tako je evidentiran manji broj vozača koji su upravljali motornim vozilom pod dejstvom alkohola, manji broj vozača koji su upravljali neregistrovanim vozilom, manji broj vozača koji su upravljali vozilom sa izrečenom zaštitnom mjerom i dr.

Osnovni razlog za ovakvo stanje u oblasti bezbjednosti saobraćaja je povećanje ukupnog broja učesnika u saobraćaju, posebno kada se ima u vidu broj motornih vozila, kako domaćih tako i sa inostranim registarskim tablicama. Pored velikog broja učesnika u saobraćaju, na stanje bezbjednosti saobraćaja znatno utiče stanje i opremljenost puteva na području našeg Kantona, koji ne odgovaraju savremenim zahtjevima i iskazanim potrebama, kao i nedovoljno i neadekvatno učešće i angažovanje drugih relevantnih subjekata na svim nivoima vlasti, u čijoj nadležnosti su poslovi i zadaci koji se odnose na oblast bezbjednost saobraćaja.

Nezadovoljavajuće stanje u oblasti bezbjednosti saobraćaja na prostoru cijele Bosne i Hercegovine zahtijevalo je hitno preduzimanje odgovarajućih mjera i aktivnosti u cilju zaustavljanja negativnih trendova i poboljšanja stanja u saobraćaju na državnom i entitetskom nivou. S tim u vezi, usvojen je dokument "Polazne osnove strategije sigurnosti drumskog saobraćaja FBiH 2008-2013 godine", kao i Akcioni plan za provedbu mjera iz tog dokumenta. Njegova implementacija otpočela je 01.06.2008.godine i trajaće pet godina. Realizacijom Programa kampanje za poboljšanje sigurnosti saobraćaja u FBiH nastoje se eliminisati ili smanjiti uzroci saobraćajnih nezgoda sa smrtnim posljedicama i teže povrijeđenim licima tako da se na godišnjem nivou ostvari smanjenje broja poginulih i teže povrijeđenih lica za 5%, odnosno 30% na periodu od 6 godina. Kao što se iz prezentiranih pokazatelja za područje Tuzlanskog kantona za 2,5 godinu primjene Akcionog plana može uočiti da su pozitivni efekti primjene Akcionog plana već vidljivi ( u 2010.g. smrtno stradalih lica i lica sa teškim tjelesnim povredama je 258 što je u odnosu na isti period 2009.godine manje za 24 lica ili 8,5%). Međutim, još jednom je potrebno naglasiti da se planirani ciljevi u ovoj oblasti mogu ostvariti samo zajedničkim, koordiniranim i stručnim djelovanjem svih relevantnih subjekata.

## OPERATIVNE AKTIVNOSTI POLICIJE

**Tabela 21. Pregled operativnih aktivnosti policije na osnovu zakonskih ovlaštenja**

Broj privedenih lica	1.161
Broj sprovedenih lica	114
Broj zadržanih lica	438
Broj utvrđivanja identiteta lica	14.829
Broj izvršenih uviđaja	5.569
Broj izvršenih pretresa lica	652
Broj izvršenih pretresa stanova	128
Broj izvršenih pretresa ugostiteljskih objekata	20
Broj izvršenih pretresa motornih vozila	29
Broj izvršenih pretresa drugih prostorija	28
Broj oduzetih predmeta	2.344

Policijski službenici MUP-a TK bili su angažovani i na pronalasku i hvatanju odbjeglih osuđenika i lica koja se potražuju po potjericama, kojom prilikom je **uhvaćeno 2 odbjeglih osuđenika i 68 lica po potjernici.**

Uniformisani policajci su samostalno rasvijetlili 894 krivično djelo, a u saradnji sa krim. službom učestvovali u rasvijetljavanju 277 krivičnih djela, sačinili 2.827 službene zabilješke o osnovanim sumnjama za postojanje krivičnog djela i određeni broj drugih službenih zabilješki vezanih za druge bezbjednosne aspekte.

**Na osnovu zahtjeva tužilaštva izvršeno je 2.323 provjera, 15 provjera na zahtjev OSA, GP BiH, SIPA i vojne bezbjednosti, kao i 5.859 provjera po zahtjevu drugih organa.**

Pruženo je ukupno **503 asistencija**, od toga **po zahtjevu državnih organa 184, po zahtjevu organa i organizacija javnih ovlaštenja 252**, po ostalim zahtjevima 67. Izvršeno je **5.236 redovnih i 2.197 vanredna osiguranja.**

### **Napadi na ovlaštena službena lica**

Tokom izvještajnog perioda na području Tuzlanskog kantona se dogodilo **20 napada na ovlaštene službenike policije MUP-a TK<sup>9)</sup>** što je u odnosu na prošlu godinu **više za 5 slučaja.** Od toga 16 napada su pojedinačni, **tri napada su grupni-udruženo 3 ili više lica**, jedan napad udruženo dva lica. Dva fizička napada su izvršena prilikom zaticanja lica u vršenju krivičnog djela, a **8 fizičkih napada pri održavanju ili uspostavljanju narušenog javnog reda i mira**, jedan napad pri lišavanju slobode, jedan napad prilikom utvrđivanja identiteta, dva napada prilikom kontrole saobraćaja, 4 napada prilikom preduzimanja ostalih radnji, dva napada prilikom privođenja i zadržavanja. Jedan napad je izvršen uzupotrebu vatrenog oružja, šest napada su izvršena uz upotrebu oruđa ili drugih predmeta, a 13 napada je izvršeno upotrebom fizičke snage. **Napade je izvršilo 35 punoljetnih napadača, 6 maloljetna napadača, 510 NN napadača, pri čemu su dva OSL zadobili teške tjelesne povrede i 21 OSL-a zadobilo lakše tjelesne povrede.**

Zbog napada na OSL-a, protiv napadača je podneseno **11 izvještaja o počinjenom krivičnom djelu.**

<sup>9)</sup> (Tuzla – 5, Kalesija-1, Gračanica-1, Gradačac-1, Srebrenik-2, Živinice-4, Čelić-1, Banovići-2, JP za podršku-2 i Kladanj-1)

## Upotreba sredstava prinude

U istom periodu, od strane ovlaštenih službenih lica je došlo do **upotrebe sredstava prinude u 63 slučaja**. Postupak opravdanosti je okončan za **62 slučaj i svi su ocijenjeni opravdanim i zakonitim**, dok je za 1 slučaj postupak ocjene opravdanosti u toku. U odnosu na prethodnu godinu broj upotrebe sredstava prinude je **manji za 9 slučaja**.

## Ostale policijske aktivnosti

Tokom posmatranog perioda, na području Tuzlanskog kantona je evidentiran **61 slučaj izvršenog suicida**, što je za 13 slučaja ili 17,5% manje nego u toku 2009. godine. Suicid je izvršen na području slijedećih općina: Tuzla – 17, Gračanica - 11, Lukavac - 8, Živinice – 5, Gradačac i Kladanj po 4, Banovići, Kalesija i Srebrenik po 3, Doboj-Istok - 2 i Sapna -1. U 47 slučaja izvršenog suicida radilo se o licima muškog spola, a u 14 slučaja radilo se o osobama ženskog spola. Način izvršenja suicida: vješanjem – 34, pucanjem iz vatrenog oružja – 9, nanošenjem povreda oštrim predmetom, trovanjem otrovnim sredstvima i bacanjem s visine po 4 slučaja, utapanjem - 3 slučaja, ostalim načinima - 2 i aktiviranjem ručne bombe – 1. U jednom slučaju suicid je izvršilo maloljetno lice – šticećenik centra „Duje“ u Klokotnici, a radilo se teško oboljelom licu koje je i ranije pokušavalo izvršiti suicid. U toku mjeseca aprila na području općine Lukavac u naselju Tumare zbog bračnih problema lice M.V. rođ.1925.g. ubio je sjekrom svoju suprugu, a potom i sebe. Takođe u mjesecu maju evidentiran je još jedan slučaj izvršenja ubistva, a potom i samoubistva gdje je lice S.E. rođ.1982.g. objesio svog malodobnog sina S.A. rođ.2006.g. a zatim i sam izvršio vješanje. U 30 slučajeva počinjenog suicida uzrok je nepoznat, u 29 slučaja je teška bolest (nervno rastrojstvo), a u 2 slučaja motivi i uzroci su porodične i socijalne prirode.

U posmatranom periodu je evidentirano je **15 pokušaja suicida**, što je u odnosu na 2009. godinu manje za 21 pokušaj suicida. U 8 slučajeva pokušaja suicida radilo se o osobama muškog spola, a u 7 slučaja radilo se o osobama ženskog spola. Lica su suicid pokušala izvršiti: nanošenjem povreda nožem – 6, vješanjem – 4, trovanjem otrovnim sredstvima i bacanjem s visine po 2 slučaja, pucanjem iz vatrenog oružja u jednom slučaju. U 9 slučajeva pokušaja suicida radi se osobama sa teškim poremećajima zdravlja, dok su u 4 slučaja uzroci nepoznati, a u 2 slučaja motiv su porodični problemi (tako u mjesecu aprilu 2010.g. u Banovićima bračni par je pokušao suicid izvršiti presijecanjem vena jer nisu rješili stambenu egzistenciju).

Osim navedenih događaja, u proteklom periodu službenici policije su bili anagažovani i na rasvjetljavanju događaja u kojima su lica nanosila sebi tjelesne ozljede ili se dovodila u teška tjelesna stanja ali bez suicidalnih namjera. Ukupno je evidentirano 11 takvih slučajeva i to na području Tuzle (6), Gračanica i Lukavac po (2) i Živinice po (1). Lica su se dovodila u teška opća stanja trovanjem većim količinama tableta, najčešće kombinovanjem sa alkoholom, uzimanjem prekomjernih doza narkotičkih sredstava i drugih nepoznatih supstanci. U tri slučaja radilo se o licima koja su od ranije poznata kao uživaoci narkotičkih sredstava, dok je u jednom slučaju u pitanju lice sa dijagnozom PTSP – veteran udruženja „Stećak“. Osim ovih lica koja su završila sa teškim tjelesnim stanjima, evidentirana su i 4 smrtna slučaja lica kod kojih je smrt nastupila prekomjernim uzimanjem narkotičkih sredstava.

U posmatranom periodu službenici Ministarstva su bili angažovani i na utvrđivanju uzroka smrti lica i pronalasku leševa lica za koje je pregledom od strane ljekara ili nalazom obdukcije ustanovljeno da se radi o prirodnim ili zadesnim smrtima. U toku mjeseca februara (Lukavac), u martu (Tuzla), te u mjesecu julu (Banovići) evidentirana je po 1 smrt novorođenčadi za koje je ustanovljeno da nije bilo elemenata krivičnog djela, nego se radilo o zadesnim smrtima beba. Posebno se izdvaja slučaj pronalaska novorođene bebe bačene u prostorijama kupatila stanice hitne pomoći u Tuzli. Istražnim radnjama od strane službenika policije i zdravstvenih radnika utvrđeno je da se radi o krivičnom djelu čedomorstva, te su prema krivično odgovornoj majci pokrenute dalje zakonske mjere i radnje. Takođe, u mjesecu novembru 2010.g. u Lukavcu evidentirana je smrt šestomjesečne bebe koju je majka u stanju smrti donijela u DZ Lukavac. Istog dana beba je u datoj ustanovi bila pregledana od strane dječijeg ljekara – pedijatra, te nakon pregleda beba je dobila redovne vakcine. U vezi ove smrti

od strane tužioca KT u Tuzli naloženo je vršenje odukcioni nalaza radi utvrđivanja uzroka smrti iste bebe. Pored navedenog, u toku mjeseca avgusta u naselju Borogovo općina Kalesija u privatnom porodičnom imanju prilikom izvođenja građevinskih radova pronađeni su skeletni ostaci nepoznatog porijekla koji su dalje preuzeti od strane komemorativnog centra u Tuzli radi daljeg vještačenja.

U različitim vrstama nesretnih slučajeva evidentirano je slijedeće:

- **16 lica je smrtno stradalo** (u 5 slučajeva smrt lica je nastupila uslijed strujnog udara; u 7 slučajeva lica su podlegla od posljedica povreda pada – od čega u jednom slučaju se radi o službeniku policije; u dva slučaja (Gračanica) lica su podlegla uslijed povreda zadobijenih prevrtanjem s traktorom; u 1 slučaju lice podleglo od posljedica udara odsječenog stabla, te u jednom slučaju od udara otkinutog španera za šlepanje);

- **8 lica je zadobilo teške tjelesne povrede** padom s visine i prostrijelnom ranom iz oružja, udarom od betonske cijevi itd.;

- **8 lica** je zadobilo tjelesne ozljede za koje se ljekari nisu mogli izjasniti o težini;

- **1 lice** je zadobilo lake tjelesne ozljede.

Pored navedenog, službenici policije su bili angažovani i na uviđajima koji se odnose na povrede na radu radnika u više preduzeća u kojima su:

- **2 radnika smrtno stradala** padom s visine na građevinskom objektu;

- **33 radnika je zadobio teške tjelesne povrede** (povrede uslijed udara radnih mašina, u vidu lomova ruku ili zadobijenim opekotinama; pregnječenjem nogu od strane radnih mašina);

- **12 radnika je zadobilo tjelesne povrede** o kojima se ljekari nisu izjasnili o težini

- **5 radnika je zadobilo lake tjelesne povrede**

U toku mjeseca decembra 2010.g. u naselju Crvene Njive općina Tuzla pokrenuto je veće klizište terena kojom prilikom je oborena jedna kuća u kojoj su 3 lica smrtno stradala, dok je jedno lice zadobilo tjelesne povrede. Na ovom terenu je ugroženo više kuća iz kojih je privremeno iseljavano 14 porodica.

### 3. UPRAVA ZA ADMINISTRACIJU I PODRŠKU

Tokom 2010.godine Uprava za administraciju i podršku Ministarstva unutrašnjih poslova Tuzlanskog kantona je bila angažovana na izvršavanju poslova i zadataka iz svoje nadležnosti i djelokruga rada u skladu sa Programom rada Ministarstva za 2010.godinu. Istovremeno, trebalo je iznalaziti organizacione, kadrovske, tehničke i materijalne mogućnosti kako bi se korektno obavljali i određeni zadaci koji su se u ovom periodu vanredno nametali i time zahtijevali dodatno angažovanje. Tokom 2010.godine Odjeljenje za pravne i upravne poslove i inspekcijски nadzor MUP-a TK između ostalog izvršili su i 2 nadzora nad radom Odjeljenja za administraciju van sjedišta MUP-a TK, izvršena su 2 nadzora nad radom matičnih ureda, dok je težište poslova bilo na realizaciji mjera iz „mape puta Vijeća Ministara BiH“ radi realizacije sistema biometrijskih putnih isprava.

U toku 2010.godine odjeljenja za administraciju organizacionih jedinica MUP-a TK obavljajući poslove iz djelokruga upravno-pravnih poslova, pored niza drugih aktivnosti izvršila su: **6.078 registracija novoprodučenih i uvezenih vozila** koja se registruju prvi put u BiH, 23.008 registrovanih vozila uslijed promjena vlasništva, prebivališta fizičkog lica ili sjedišta pravnog lica, tehničkih karakteristika i sl., **produžena je registracija za 83.911 vozila**, odjavljeno je 14.600 vozila, izdate 10.243 nove vozačke dozvole, **izdato je 29.358 ličnih karata** (što je za 3.792 lična dokumenta ili 15% više nego u toku 2009.godine), izvršeno 37.237 promjena adrese i prijave – objave prebivališta, određeno 6.814 jedinstvenih matičnih brojeva građana (JMB), doneseno je 8.305 rješenja iz oblasti građanskih stanja, obrađeno 387 predmeta po provjeri državljanškog statusa, zaprimljeno 28 zahtjeva za prijem u državljanstvo FBiH i BiH, doneseno 19 rješenja o prijemu u državljanstvo FBiH i BiH, 3 rješenja o prijemu u državljanstvo donesenih na osnovu međunarodnog sporazuma, doneseno je 9 rješenja o odpustu iz državljanstva FBiH i BiH, primljeno **59.148 zahtjeva za izdavanje putnih isprava** što je za 30.011 zahtjeva ili više od 100% više u odnosu na 2009. godinu, a **izdate su 52.024 putne isprave** što je za 25.169 putnih isprava ili 94% više u odnosu na 2009.godinu, prijavljeno gubljenje ili nestanak 291 putne isprave, izdato je 190 putnih isprava nakon gubitka ili otuđenja, a 10 putnih isprava je oduzeto. Takođe je izdato jedno odobrenje za rad Agencija za zaštitu ljudi i imovine i izdate su 133 službene iskaznice za lica koja obavljaju poslove zaštite.

U okviru Sektora za podršku, u skladu sa procedurama propisanim Zakonom o javnim nabavkama, u posmatranom periodu su, metodom javnog nadmetanja, raspisani javni tenderi (za osiguranje imovine i lica MUP-a TK-a; održavanje objekata vlasništva MUP-a TK, nabavku kancelarijskog namještaja i potrošnog materijala, tehnički pregled vozila i nabavka goriva i maziva, rezervnih dijelova, autoguma i akumulatora, putničkih vozila, dijelova uniformi, uniformi za kadete, nabavka računara, štampača i dr.). Blagovremeno je vršena nabavka obrazaca, saobraćajnih dozvola i registarskih tablica i drugo.

#### Ljudski resursi

Pravilnikom o unutrašnjoj organizaciji i sistematizaciji poslova utvrđena je slijedeća organizaciona i kadrovska struktura u MUP-u TK:

Org. jedinice	Ovlašteni	Neovlašteni	Ukupno
Kabinet Ministra	0	8	8
Uprava policije	1.548	177	1.725
Uprava administracije i podrške	0	242	242
Inspektorat PPZ	0	11	11
<b>U k u p n o</b>	1.548	436	1.986

Trenutna nacionalna, polna i kvalifikaciona struktura zaposlenih u Ministarstvu unutrašnjih poslova izgleda kako slijedi:

#### Nacionalna struktura ovlaštenih službenika (po spolu)

	Bošnjaci		Hrvati		Srbi		Ostali		UKUPNO	
	M	Ž	M	Ž	M	Ž	M	Ž	M	Ž
Unifor. policija	990	16	62	19	63	40	32	9	1.147	84
Krim. policija	205	25	14	3	9	6	4	2	232	36
<b>UKUPNO</b>	<b>1.195</b>	<b>41</b>	<b>76</b>	<b>22</b>	<b>72</b>	<b>46</b>	<b>36</b>	<b>11</b>	<b>1.379</b>	<b>120</b>
<b>UKUPNO (M+Ž)</b>	<b>1.236</b>		<b>98</b>		<b>118</b>		<b>47</b>		<b>1.499</b>	
<b>Ukupno%</b>	<b>82,45</b>		<b>6,54</b>		<b>7,87</b>		<b>3,14</b>		<b>100,00</b>	

#### Nacionalna struktura neovlaštenih službenika (po spolu)

	Bošnjaci		Hrvati		Srbi		Ostali		UKUPNO	
	M	Ž	M	Ž	M	Ž	M	Ž	M	Ž
Neovlašteni	164	192	10	14	8	12	1	6	183	224
<b>UKUPNO (M+Ž)</b>	<b>356</b>		<b>24</b>		<b>20</b>		<b>7</b>		<b>407</b>	
<b>Ukupno%</b>	<b>87,48</b>		<b>5,89</b>		<b>4,91</b>		<b>1,72</b>		<b>100,00</b>	

#### Nacionalna struktura - UKUPNO (po spolu)

	Bošnjaci		Hrvati		Srbi		Ostali		UKUPNO	
	M	Ž	M	Ž	M	Ž	M	Ž	M	Ž
<b>UKUPNO</b>	1.359	233	86	36	80	58	37	17	1.562	348
<b>UKUPNO (M+Ž)</b>	<b>1.592</b>		<b>122</b>		<b>138</b>		<b>54</b>		<b>1.906</b>	
<b>Ukupno%</b>	<b>83,53</b>		<b>6,40</b>		<b>7,24</b>		<b>2,83</b>		<b>100,0</b>	

#### Kvalifikaciona struktura zaposlenih

Školska sprema	NSS	PKV	KV	SSS	VKV	VŠS	VSS	Ukupno
<b>Ovlašteni</b>	0	0	178	922	11	87	301	1.499
<b>Neovlašteni</b>	36	0	14	261	12	25	59	407
<b>UKUPNO</b>	36	0	192	1.183	23	112	360	1.906

#### Kvalifikaciona struktura zaposlenih (po spolu)

Školska sprema	NSS	PKV	KV	SSS	VKV	VŠS	VSS	Ukupno
<b>Muškarci</b>	0	0	184	972	23	97	286	1.562
<b>Žene</b>	36	0	8	211	0	15	74	344
<b>UKUPNO</b>	36	0	192	1.183	23	112	360	1.906

U toku 2010.godine MUP TK je izdao 31 rješenje o prestanku radnog odnosa i to po slijedećim osnovama: 18 penzionisanja, 8 prestanaka radnog odnosa po osnovu sporazuma, 1 prestanak po sili zakona, 1 prestanak po osnovu preuzimanja službe, 2 prestanaka zbog smrti, 1 prestanak zbog ne ispunjavanja uslova zasnivanja radnog odnosa.

## 4. INSPEKTORAT ZA ZAŠTITU OD POŽARA

U toku 2010.godine, na području Tuzlanskog kantona registrovana su **ukupno 202 požara, što je za 61 požar ili 23% manje** u odnosu na 2009. godinu i to: Tuzla (60), Živinice (30), Gračanica i Lukavac (23), Banovići (15), Srebrenik (14), Gradačac (13), Kalesija (7), Kladanj (9), Teočak (3), Sapna (2), Čelić i Doboju-Istok po (1). U požarima su zahvaćene slijedeće kategorije objekata: stambeni objekti –71, pomoćni objekti i saobraćajna sredstva po 30, složeni stogovi sijena - 26 požara, ostale vrste objekata – 21, poslovni prostori – 12, šumski prostori – 5, proizvodni objekti - 4 i magacini i skladišta 3 požara.

Uzroci požara su slijedeći: ostali uzroci – 81, namjera (podmetanje požara) – 50, tehnički nedostaci – 39 i nehat – 32. U požarima koji su se dogodili na području općine Tuzla i Živinice po 2 lica i u požaru u Banovićima 1 lice je smrtno stradalo, dok je u požarima u Kalesija (2lica) i Gračanici (1lice) zadobilo lake tjelesne ozljede. Procijenjena je materijalna šteta u visini od oko 1.651.450,- KM.

U posmatranom periodu na području Tuzlanskog kantona registrovano je **ukupno 6 eksplozija** (Gračanica – 3, Tuzla - 2 i Kalesija 1 eksplozija), **što je za 8 eksplozija manje** nego u 2009.godini. U 3 slučaja eksplozije su izazvane na privatnim stambenim objektima, kojom prilikom je pričinjena materijalna šteta ali bez žrtava, a u 2 slučaja na prostorima iz kategorije "ostali". Tako je u toku mjeseca avgusta 2010.g. u Gračanici na lokalitetu Sprečkog polja – Bare – Tukovi prilikom deminiranja terena od strane deminerskog tima, jedan deminer smrtno stradao od eksplozije mine PROM-1.

Tokom izvještajnog perioda inspektori Inspektorata za zaštitu od požara obavili su slijedeće poslove i zadatke: ukupno je izvršeno **793 inspekcijska pregleda**, od čega **482** redovna, **270** kontrolnih pregleda i **41** vanredni pregled.

Na osnovu zapisnikom utvrđenih nedostataka **sačinjena su 292 rješenja o nalaganju 680 mjera** za otklanjanje uočenih nedostataka, od čega je 8 zabrana. Naložene mjere uglavnom su se odnosile na obaveznu periodičnu kontrolu instalacija, uređaja i sredstava koja su u funkciji zaštite od požara, prilagođavanja internih akata važećim propisima, obaveznu obuku i provjeru znanja iz ove oblasti i dr. Sa aspekta vođenja upravnog postupka svi inspekcijski pregledi izuzev vanrednih započinjani su po službenoj dužnosti, dok su vanredni preduzimani na temelju zahtjeva ili predstavljeni. U toku 2010.g. bio je 41 takav predmet i svi su okončani u zakonskom roku.

Službenici Inspektorata za zaštitu od požara uzeli su aktivno učešće u uviđajima 86 požara sa ekipama OKP-a MUP-a TK. Takođe, službenici Inspektorata za zaštitu od požara učestvovali su u radu 25 komisija za rukovoce zapaljivim tečnostima i gasovima, te u radu 4 komisije za stručni ispit iz oblasti zaštite od požara.

\* \* \* \* \*

Aktivnosti Ministarstva unutrašnjih poslova Tuzlanskog kantona u 2010. godini odvijale su se u izuzetno složenoj ekonomskoj i političkoj situaciji u Bosni i Hercegovini, u uslovima globalne finansijske krize koja se sve više osjeća na ovom području, kada je, između ostalog, došlo u pitanje i održavanje egzistencijalnog statusa policijskih službenika, državnih službenika i namještenika. Iz navedenih razloga nisu realizovani planovi opremanja i kapitalne investicije koji su bili zacrtani Godišnjim programom rada, zbog čega su se planirani i vanredni poslovi i zadaci izvršavali u limitiranim uslovima, nedostajućom opremom i sredstvima potrebnim za rad policije. Ipak, treba istaći da u izvještajnom periodu nije došlo do obustave ni jednog planiranog i započetog projekta, a neki su, upravo u ovom periodu dobili na intenzitetu, kao što je projekat uspostavljanja elektronskog vođenja i obrade podataka, projekta razmjene podataka između policijskih tijela i tužilaštava u BiH (potrage za vozilima, potrage za licima i predmetima, ponovno aktiviranje projekta vođenja SPI), biometrijski pasoši, registracija vozila i dr. koji našu državu u značajnoj mjeri približavaju Evropskoj uniji.

Kao što se iz prezentiranih podataka i pokazatelja može uočiti, postignuti su dobri rezultati po svim linijama rada, sa visokim stepenom realizovanosti postavljenih ciljeva. Naravno, rezultati mogu biti još bolji, na čemu će menadžment ovog Ministarstva i Uprave policije u narednom periodu još više insistirati i istrajati na realizaciji postavljenih ciljeva, koji se skoro u cjelosti mogu prenijeti i u narednu godinu, kako bi se lična i imovinska sigurnost građana i zaštita ljudskih prava na području Tuzlanskog kantona podigla na još veći i kvalitetniji nivo.

**M I N I S T A R**  
**Dr. Sead Omerbegović**